

Liahona



E Mafai Faapefea Ona Ou Fesoasoani?

Pe A O Ese E Pele Mai le
Eklesia, itulau 30

Aoao mai la i Latou Ua
Toe Foi Mai, itulau 26

Auala E Fesoasoani
Ai Le Malamalama I le
Talafaasolopito o le Eklesia,
itulau 12

UA I AI
IINEI LE
EKALESIA


Punta Arenas **Chile**





ATAPUE MAILE GETTY IMAGES

Ua malosi le Ekalesia i Chile, mai taulaga toafa o matu nuu i le ogatotonu o Santiago, i le siteki o Punta Arenas i saute, faatasi ai ma ana uarota e fitu ma paranesi e lua. O ni nai mea moni nei e uiga ia Chile ma le Ekalesia iina:





Mai le Liahona

O anotusi i lenei lomiga na fatuina a o lei oo mai le faama'i pipisi o le Koviti-19. Atonu e le talafeagai i le taimi nei nisi o faamatalaga. Fa'amolemole ia fetuunai fautuaga pe a mana'omia e tusa ai ma ta'ala a le Eklesia ma le malo i le taimi nei.



Aafiaga i le Tosina Atu i le Itupa e Tasi—Pe o le a Toe Faafeiloai Atu Au e Tagata o le Eklesia?
Bouke "Bob" S. Ecoma Verstege

40

Talafaasolopito o le Eklesia: O se Punavai o le Malosi ma Musumusuga
Elder Quentin L. Cook, Kate Holbrook, ma Matt Grow

12



Ina ua ou Lagona le Faaseseina e uiga i le Eklesia
Travis Ewell

26

O Auala Tatou te Faamalolosia ai o Tatou Faatuatua—Faatasi

Ila tatou suesuega o le Tusi a Mamona i lenei masina, tatou te aoao ai e uiga ia Korioa, o lē sa faatalitonuina le toatele o tagata o le Eklesia ua faaseseina i latou e perofeta ae na mulimuli ane faailoa mai o ia lava sa faaseseina e Satani ma sa ia faaseseina ai isi. Tatou te aoao e uiga i sā Soramā, o ni tagata uma o e na vavaeese i latou lava mai le Eklesia. Ma ua tatou vaai ia Alema le Itiiti, o lē sa tau malosi faasaga i le Eklesia, ma saili e faamalosia lana lava fanau matutua e teteetatu i filifiliga e mafai ona taitaieseina ai i latou mai le Alii ma Lana Eklesia.

O nisi o i tatou o loo i ai ni tagata o le aiga po o ni uo ua filifili ia le toe auai i le Eklesia toefuataiina a le Alii. E mafai ona avea lenei mea ma mea tiga mo i tatou o e manatu ua matua malosi lava lo tatou faatuatua. Tatou te fia fesoasoani, ae toatele i tatou e tuufesili pe faapefea.

E le mafai e se lomiga e tasi o le mekasini ona tuuina atu uma mafuaaga e vaivai ai le faatuatua pe faamatala tonu ai le auala e tali atu ai pe afai e tupu. E eseese uma

lava malaga o le faatuatua a tagata. Ae matou te faamoe-moe o le a saunia se fesoasoani e lenei tusiga, e pei:

- O le aafiaga o se tasi alii na toe foi mai i le Eklesia ma mea sa ia aoaoina mai ai (tagai i le itulau 26).
- O le taua o le faafeiloia o tagata uma (tagai i le 40).
- Fautuaga mo matua i le auala e fai ai a latou fegaleaiga ma tamaiti matutua o e ua filifilia se ala e ese mai (tagai i le itulau e 30).
- Manatu aoga i luga o le talafaasolopito o le Eklesia ma le auala e mafai ai ona faamalosia lo tatou faatuatua (tagai i le itulau e 12).

Matou te faamoemoe o loo tuuina mai e nei tusiga se amataga mo oe e saili ai le taitaiga faalelagi mo ou tulaga faaletagata lava ia.

Ma le faamaoni lava,
Adam C. Olson
Pule Faatonu



Anotusi

5 O se Valaaulia i Tusiata i le Lalolagi Atoa 📹

6 Atatosi o le Faatuatua 📹

Ignatius ma Adelaide Baidoo

Ua vaai le au Baidoos lava ia i faamanuiga o le polokalama o le faitau ma tusitusi i le talalelei i lo latou siteki ma le aiga.

8 Mataupu Faavae mo Auaunaga

Auaunaga e ala i Gaoioiga a le Eklesia

O gaoioiga a le Eklesia tatou te maua ai avanoa e fausia ai ni faigauo, aapa atu ai, ma auauna atu i isi.

12 Talafaasolopito o le Eklesia: O se Punavai o le Malosi ma Musumusuga

Saunia e Elder Quentin L. Cook, Kate Holbrook, ma Matt Grow

E mafai faapefia e le suesueina o le talafaasolopito o le Eklesia ona faalolotoina lo tatou faatuatua ma le naunau ia sili atu ona ola atoatoa i le talalelei?

20 Vaai Faalemafaufau i Paionia i Initia

Saunia e Taunalyne Rutherford

Ua faataitai mai e nei Au Paia faamaoni le uiga o le avea ma poutu o le Eklesia.

26 Ina ua Ou Lagona le Faaseseina e uiga i le Eklesia

Saunia e Travis Ewell

Ina ua iloa e Uso Ewell ni mea na lülüina ai lona faatuatua ma mafua ai ona ia tuua le Eklesia mo se taimi, sa ia iloa ai mea na ia misia.

30 O Oe E Alofa, O la E Laveai 📹

Saunia e Krista Rogers Mortensen

Sa iloa e se tina e tusa lava po o a ni filifiliga a lana fanau matutua, sa manaomia ona tau lava ina ia alofa ia i latou.

32 O Leo o Le Au Paia o Aso e Gata Ai 📹

O se aiga ua tuu ese o latou lava tofotofoga ina ia auauna atu; o se aveaalele lototoa ua tu atu mo ona talitonuga ma musuia ai isi; ua taofimau se tina i se folafolaga; e oo mai le faamagaloga i se taimi e lei fuafuaina.

36 Sau, Mulimuli Mai ia te A'u: Tusi a Mamona 📖 📹

O nei tusiga faalevaiaso e lagolago ai lau suesuega o le Tusi a Mamona i le masina lenei.

40 Aafiaga i le Tosina Atu i le Itupa e Tasi—Pe o le a Toe Faafeiloai Atu Au e Tagata o le Eklesia?

Saunia e Bouke "Bob" S. Ecoma Verstege

Ina ua lagona e Uso Verstege se malosi e toe foi ai i le Eklesia, sa popole o ia i le taliaina e isi tagata o le Eklesia o ia.

ⓘ Faitauga Vave

ⓘ Lagolago mo le Sau, Mulimuli Mai ia te Au

I Le Faavae
Ata mai le
stock.adobe.com ma le
unsplash.com



Vaega

Autalavou Matutua

44

O le lumanai e mafai ona avea o se mea taufaafefe. Ae faatasai ai ma le fesoasoani a le Tama Faalelagi, tatou te mafai uma lava **ona agai i luma ma le faatuatua i le lumanai**. I le masina lenei, faitau ni tala mai isi talavou matutua o e na aoaoina nisi o **ki e sauniuni** ai mo le lumanai.



Autalavou

52

Aoao e uiga i le auala e **mafai ai e le talalelei ona suia lou aiga** ma pe aisea e taua ai au **filifiliga faatauvaa** i le olaga.



Tamaiti

UO

E mafai **ona avea oe ma se faifeautalai**, e pei lava o Alema!



E NA'O TUSIGA FAATEKINOLOSI O IULAI

**O i Ai ni Au Fesili e uiga i le Talalelei? O Auala Nei e Lima e Maua ai Tali***Saunia e Chakell Wardleight*

Ua faasoa mai e se talavou matua le auala e mafai ai e fesili ona faamalosia le faatuatua pe afai e te faatagaina i latou.

**O le Auala o loo Ou Sauniuni ai mo se Malumalu i Initia***Saunia e Yeshwanth Kosireddy*

Ua faasoa mai e se talavou matua mai Initia le auala o loo ia saunia ai mo lona avanoa muamua e alu ai i le malumalu.

**O Mea e Manaomia e Maua ai o Tatou Manaoga Amiotonu***Saunia e Marc Deo Dela Cruz*

Ua faasoa mai e se talavou matua i Filipaina le auala na ia maua ai le faatuatua ina ua suia ana fuafuaga mo le lumana'i.

IULAI 2020 VOL. 44 NU. 7

LIAHONA 16722 890

O le mekasini faavaomalo o Le Eklesia a Iesu Keris o le Au Paia o Aso e Gata Ai

O Le Au Peresitene Sili: Russell M. Nelson, Dallin H. Oaks, Henry B. Eyring

O le Korama a Apostolo e Toasefululu: M. Russell Ballard, Jeffrey R. Holland, Dieter F. Uchtdorf, David A. Bednar, Quentin L. Cook, D. Todd Christofferson, Neil L. Andersen, Ronald A. Rasband, Gary E. Stevenson, Dale G. Renlund, Gerrit W. Gong, Ulisses Soares

Faatonu: Randy D. Fink

Faufautua: Becky Craven, Sharon Ebukab, Cristina B. Franco, Walter F. González, Larry S. Kacher, Jan E. Newman, Adrián Ochoa, Michael T. Ringwood, Vern P. Stanfill

Pule Faatonu: Richard I. Heaton

Faatonuoli o Mekasini a le Ekalesia: Allan R. Loyborg

Pule o Mea Tau Pisini: Garff Cannon

Puli Faatonu: Adam C. Olson

Pule Faatonu Lagolago: Ryan Carr

Faasalalau Lagolago: Camilla Castrillón

Au Tusitusi ma Faatonutonu:

David Dickson, David A. Edwards, Matthew D. Flitton, Garrett H. Garff, Jon Ryan Jensen, Aaron Johnston, Charlotte Larcabal, Michael R. Morris, Eric B. Murdock, Joshua J. Perkey, Jay Pinborough, Richard M. Romney, Mindy Selu, Lori Fuller Sosa, Chakell Wardleight, Marissa Widdison

Faatonusili o Faatufugaga: Tadd R. Peterson

Mamanu: Jeanette Andrews, Fay P.

Andrus, Mandy Bentley, C. Kimball Bott, Thomas Child, Joshua Dennis, David Green, Colleen Hinkley, Eric P. Johnsen, Susan Lofgren, Scott M. Mooy, Aleni Regehr, Mark W. Robison, K. Nicole Walkenhorst

Faatonu o le Puletaofia o Meatotino: Collette Nebeker Aune

Pule i le Gaosiga: Jane Ann Peters

Gaosiga: Ira Glen Adair, Julie Burdett, José Chavez, Thomas G. Cronin, Bryan W. Gygi,

Ginny J. Nilson, Marissa M. Smith

Tailolomi: Joshua Dennis, Ammon Harris

Faatonusili Limotusi: Steven T. Lewis

Faatonusili o Faletusi: Nelson Gonzalez
Mo le okaina o mekasini, alu i le store.ChurchofJesusChrist.org po o le Faletusi
Tutotonu i Pesega. Telefoni 64127. Totogi o le Mekasini: \$0.55 (Samoa) i le kopi. Totogi mo le Tausaga Atua \$6.60 (Samoa).

Auina atu tusitisiga ma faafesili i lugia o le intitoneti i le liahona.

ChurchofJesusChrist.org: pe meli mai i le Liahona, flr. 23, 50 E. North Temple, Salt Lake City, UT 84150-0023, USA; po o le i-meli: liahona@ChurchofJesusChrist.org.

Liahona (o lona uiga i le Tusi a Mamona o le "tapasa" po o se "faatonuula") e lomia i le faa-Alepania, Amuria (Sasae), Pisilama, Palekeria, Kemupotua, Sepuano, Saina, Kalaoia, Siekisolvakia, Tenimaka, Take, Igilisi, Esitonua, Fitii, Finelani, Farani, Siamani, Eleni, Hanikeri, Initi, Iselani, Initonesia, Italia, Iapani, Kiripati, Korea, Lativia, Litunia, Malakasa, Masela, Monokoli, Nouei, Polani,

Potukale, Romania, Rusia, Samoa, Saina (ua faafagofeina), Silovenia, Sipaniolo, Suetena, Swahili, Tagaloka, Tahiti, Tai, Toga, Iukureini, Urutu, ma Viatename. (E eseese lava gagana.)

© 2020 Puletaofia e the Intellectual Reserve, Inc. Ua tatau aia tatau uma. Lomia i le lunaite Setete o Amerika.

Faamatalauga o le Puletaofia: Vagana ua faaialoa mai, e mafai e tagata taitoata'i ona kopi anomea mai le *Liahona* mo lo latou lava faaaoga'ina patino, e le faia ai ni pisini (e aofia ai valaauga o le Ekalesia). O lenei aia tatau e mafai ona faaleao'ga'ina i sose taimi. E le tatau ona kopina ia ata pe afai o loo faaialoa le faasaina i le laina o faaaloafaga faatasai ai ma le faatufugaga. la auina mai fesili e uiga i le puletaofia i le Intellectual Property Office, 50 E. North Temple St., FL 13, Salt Lake City, UT 84150, USA; email: cor-intellectualproperty@ChurchofJesusChrist.org.

Mo le Aufaitau i le lunaite Setete ma Kanata: July 2020 Vol. 44 No. 7. LIAHONA (USPS 311) Samoa (ISSN 1045-0947) is

published monthly by The Church of Jesus Christ of Latter-day Saints, 50 E. North Temple St., Salt Lake City, UT 84150. USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address.

Include address label from a recent issue; old and new address must be included. Send USA and Canadian subscriptions to Salt

Lake Distribution Center at address below. Subscription help line: 1-800-537-5971. Credit card orders (American Express, Discover, MasterCard, Visa) may be taken by phone or at store.ChurchofJesusChrist.org.

(Canada Post Information: Publication Agreement #40017431)
POSTMASTER: Send all UAA to CFS (see DMM 507.1.5.2). NONPOSTAL AND MILITARY FACILITIES: Send address changes to Distribution Services, Church Magazines, P.O. Box 26368, Salt Lake City, UT 84126-0368, USA.

SAILI NISI MEA

I le polokalama o le Potutusi o le Talalelei [Gospel Library] po o le liahona.ChurchofJesusChrist.org, e mafai ona e:

- Maua ai le lomiga lenei.
- Maua na'o anotusi Faatekinolosi.
- Saili lomiga ua mavae.
- Auina mai au tala ma manatu faaalia.
- Totogi [se lomiga] pe tuu atu se meaalofa o le totogi o se lomiga.
- Faaleleia au suesuega i meafaigaluega faatekinolosi.
- Faasoa atu tusiga ma vitio e sili ona e fafia i ai.
- Sii mai pe lolomi ia tusiga.
- Faalogologo i tusiga e sili ona e fafia i ai.

FAAFESOOTAI MAI I MATOU

Auina mai fesili ma manatu faaalia i le liahona@ChurchofJesusChrist.org.

la auina mai au tala i le liahona.ChurchofJesusChrist.org pe lafo mai i le Liahona, flr. 23

50 E North Temple Street
Salt Lake City, UT 84150-0024, USA

O SE VALAAULIA I TUSIATA I LE LALOLAGI ATOA



E
Tutusa
Tagata
Uma
i le
Atua

FAASOLOGA MALLUGA LE TALAGAVALE KERISO MALE PALE TUTU SAUNIA E ADAM LEE SHERWOOD; FASI VAEGA TALAFAGAI SAUNIA E PAICE CROSSLAND ANDERSON; VA OLA, SAUNIA LE ROSE DATOC DALL; KERISO O LOO FAAMAOLONA, SAUNIA E LEROY GLEN TRANSFIELD; O LE FUARUAGA O LE FAALAPAGA, SAUNIA JULIE YUEN YIM



Ua valaaaulia oe e fatuina ni galuega fou o faafutufugaga mo le Tauvaga Lona 12 Faavaomalo o Faatufugaga, o loo loma e lagolagoina e le Falemataaga o le Talafaasolopito o le Ekalesia i le Aai o Sate Leki, Iuta.

E taliaina faasalalauga faatusiata uma, sitaili, ma auala faaleaganuu. O ata e auina mai e filifilia o le afaalia i le Falemataaga o le Talafaasolopito o le Ekalesia po o le initonet.

O lenei tauvaga e faamasinoina e tagata filifilia e aumaia ai tufuga mai le salafa o le lalolagi i se tau-mafaiga e uunaia ai le fatuina o ata sili ona lelei e le Au Paia o Aso e Gata Ai, e faaalia ai le lautele ma le eseesega o le gaosiga faaleaganuu a le Au Paia o Aso e Gata Ai, ma faatelē ai le faaputuga ata a le Falemataaga o le Talafaasolopito a le Ekalesia.

- Autu: "Ua Tutusa Tagata Uma i le Atua," na musuia e le 2 Nifae 26:33
- Aso e auina mai ai: 1 Fepuari–1 Iuni, 2021
- Tausaga: O tufuga e tatau ona 18 tausaga pe matutua atu.
- Faailoga: O tufuga e ana galuega o le a filifilia mo le faaaliga o le a logoina ia Oketopa 2021
- Aso o le Faaaliga: Mati 2022 ia Oketopa 2022

Asiasi i le ChurchofJesusChrist.org/artcom-petition mo tulafono auilili, tulaga manao-mia o le agavaa, lesitala i luga o le initonet, ma ia maimoa i galuega musuia mai tauvaga ua tuanai. ■

Ma e lē faia e [le Alii] se mea vagana ai ua manino i le fanauga a tagata; ma ua ia valaaolina i latou uma ia o mai ia te ia ma taumamafa i lona agalelei; ma e lē teena e ia se tasi e sau ia te ia, e uliuli pe pa'epa'e, e pologa pe saoloto, o tane ma fafine; ma e manatua e ia lē ua faa-paupau; ma ua tutusa tagata uma i le Atua, o le lutaia ma le Nuuese."

—2 Nifae 26:33



Ignatius ma Adelaide Baidoo

Accra, Ghana,



Ua vaia e Ignatius ma Adelaide le auala ua faamanuiaina ai tagata o la latou siteki ma aiga i le polokalama o le tusitusi ma faitautusi a le Ekalesia ma le faamamafa o le faaogatotonuina i le aiga o le aoaoina o le talalelei.

CHRISTINA SMITH, PUE ATA

Ignatius:

Sa oo ina ou aafia i le polokalama o le tusitusi ma faitautusi a le talalelei o se tagata o le au peresitene o le siteki. Sa ou asia se vasega ma iloa ai e le na o i latou e le mafai ona faitau ma tusitusi. E mo i tatou uma lava ina ia malamalamama lelei atili i le talalelei a Iesu Keriso.

O le a fesoasoani foi le Sau, *Mulimuli Mai ia te Au* ma le faaogatotonuina o le aoaoina o le talalelei i aiga e faitau faatasi ai tusutusiga paia ma aoao mai le tasi mma le isi.

Adelaide:

I lo matou aiga, matou te taumafai ma faia mea uma matou te mafai. E aafia ai tagata uma. Ua matua ou fafia lava i le ala e fesoasoani ai lau fanau i le tasi ma le isi a o matou faitauina faatasi le Tusi a Mamona. E fafia tele i latou i le Tusi a Mamona. E manaia tele lo matou taimi e faitau ai ma faasoa atu faatasi a matou molimau.



SAILILI ATILI

Tagai atili e uiga i le faigamalaga o le faatutua a le au Baidoo, e aofia ai ata faaopoopo, i luga o le initoneti po o lenet tusiga i luga o le Gospel Library i le [ChurchofJesusChrist.org/go/7620](https://www.ChurchofJesusChrist.org/go/7620).

Aoao mai ia Peresitene Henry B. Eyring le auala e mafai ai e a tatou taumafaiga e avea o tatou aiga o se nofoaga o le faatutua ma le alofa ona aumaia le olioli tumau i o tatou aiga i le [ChurchofJesusChrist.org/go/7720](https://www.ChurchofJesusChrist.org/go/7720).



Mataupu Faavae o le Auaunaga

AUAUNAGA E ALA I GAOIOIGA A LE EKALESIA





Ose tasi auala e mafai ai ona tatou auauna atu i o tatou uso a tagata o le uarota, tuaoi, ma uo, e ala lea i gaoioiga a le Eklesia. Pe e te fuafuaina se gaoioiga e tusa ai ma manaoga po o mea e fiafia i ai se tasi e te auauna atu i ai, pe e te vala-aulia foi i latou e auai i gaoioiga po o avanoa e auauna atu ai i isi, o gaoioiga a se uarota, siteki, po o se tulaga e oo lava i siteki tuufaa-tasi e mafai ona tuuina atu ai le auala anoa ma le faafafiaina e uunaia ai le lotogatasi ma le faamalolosia o tagata o le Eklesia.

O gaoioiga a le Eklesia e mafai foi ona tatala ai le faitotoa i le tele o avanoa e auauna atu ai. Mo se faataitaiga, o gaoioiga a le Eklesia e mafai ona maua ai avanoa e auai ai i auaunaga faatino e faamanuiaina ai isi ma fausia ai ni sootaga lelei i le alalafaga. O gaoioiga a le Eklesia e mafai foi ona avea ma se avanoa e aapa atu ai i tagata ua le toaaga mai o le Eklesia ma i uo i isi faatuuaga po o uo e aunoa ma se fesootaiga faalelotu.

O le faaaofia o le toatele o tagata i gaoioiga a le Eklesia e fatuina ai se avanoa mo le Alii e faamanuia ma faamalolosia ai a tatou uarota ma paranesi, o tatou tuaoi, ma o tatou alalafaga.

Fausiaina o Sootaga Lelei

Na oo mai le taumalulu, ma sa le iloa e Tavita Tikisone pe o le a faapefea ona faamafanafana lona aiga.

E lei leva ona siitia atu Tavita, lana avā, ma lana fanau teine e toalua i le aai maotua o Fredonia, Arisona, ISA, o se laufanua toafa maualuga sa siomia e ni tofē tetele lanumumu, ni togavao, ma laufanua lanulauvao.

O le fare na mautotogi ai le au Tikisone sa faalagolago i se ogamuu e tafu i fafie e avea ma puna o lona vevela autu. Na vave ona aoaoina e Tavita faapea o le faapotpotoina o fafie o se tomai talafeagai aua o taumalulu i Fredonia e tumu i le kiona ma le aisa.

“Ou te lei mauaina se fafie po o se ili tipi laau po o se malamalamā i le auala e faaaoga ai!” Ua fai mai ai Tavita. Ou te le’i iloa po o le a la’u mea o le a fai.”

Sa fesili nisi o tagata o le uarota ia Tavita pe na lava ni fafie a lona aiga mo le taumalulu. “E lei umi se taimi ae latou iloa na leai ni au fafie,” o le tala lea a Tavita. “Na vave lava ae ofo mai le korama a toeaina e fesoasoani ia te au e ao mai ni fafie. I le lofituina i le agaga faafetai, sa ou taliaina la latou ofo.”

E lei umi ae iloa e Tavita o lenei malaga e faaputu fafie o se mea masani a le toatele o tagata na fuafuaina lelei, e faatulagaina lelei, ma o ni gaoioiga e fiafia i ai le uarota. I le taeao o se tasi Aso Toonai, na agai atu ai Tavita, le korama a toeaina, ma isi tagata o le uarota i atumauga i se solo o loli ma taavale toso.

“I se aoauli se tasi, faafetai ia latou meafigaluega ma le iloa ona faaaoga, na saunia ai e tagata o le uarota se faaputuga fafie mo lou aiga lea na matou faaaogaina i le sili atu ma le lua taumalulu lelei lava,” o le tala lea a Tavita. “O le mea e sili atu ona taua, sa aoaoina au i mea uma sa manaomia ona ou iloa e uiga i le aoina mai o fafie e au lava ia. E oo atu i le taimi na ou tuua ai Fredonia, ua ou iloa le auala e taulima ai se ili tipi laau, ma sa ou fesoasoani i isi gaoioiga e faaputu mai fafie a le uarota i le tele o taimi e le mafai ona ou fatauina.”

O na gaoioiga faaleuarota e le gata ina fausia ai ni mafutaga lelei i tagata o le Eklesia, ae na fausia foi ni sootaga lelei ma tagata uma o le nuu.

“Ou te manatua se tasi tamaitai, e le auai i le Eklesia, e fou mai i le eria,” o le tala lea a Tavita. “Na iu ina faaaoga puipui mai lona fale e faamafanafana ai lona aiga. O le taimi lava na matou iloa ai lona tulaga pagatia, na matou faamautinoa ua lava ana fafie mo le taumalulu atoa. Sa matuai faafetai o ia ma sa tau le mafai ona tautala.”





O taumafaiga e auauna atu i Fredonia na faamautinoa ai sa tumau le saogalemu o tagata uma ma mafanafana i le taumalulu atoa.

Aapa Atu i Isi

A o auauna ai i se misiona i Romania, sa asiiasi soo atu Meki Yost ma lana soa i se aiga ua leva e lei toe auai i le lotu. “O le au Stanica o nisi ia o uluai tagata o le Eklesia i Romania,” o le tala lea a Meki, “ma sa matou alolofa ia i latou.”

Ina ua oo mai le taimi e fuafua ma faatulaga ai se gaoioiga a le paranesi, sa tonu i taitai o le a faia e le paranesi se “Po o Paionia.” O se afiafi e faamanatuina ai paionia lototetele o e na sopoia le Iunaite Setete ina ia oo atu i le Vanu o Sate Leki. O le a avea foi o se avanoa e faamamaluina ai paionia o le Eklesia i Romania.

“Sa ma manatu o se auala sili lea mo nisi o tagata e molimau atu ai i lo latou liua ma le auala ua latou vaaia ai le ola o le Eklesia i Romania,” o le tala lea a Meki. “Sa vave ona ma mafaufau e tatau ona aofia ai le aiga o Stanica. Sa ma valaaulia i latou ina ia auai, ma sa fiafia lava i latou!”

I le po o le gaoioiga, e lei taunu lava le au Stanica ae ua oo i le taimi e amata ai.

“Sa ma popole nei le mafai ona latou o mai,” o le tala lea a Meki. “Ae o le taimi lava lena, sa latou savavali atu ai i le faitotoa. Sa tuuina atu e le au Stanica se molimau matagofie e uiga i le talalelei ma le Eklesia. Sa latou faamasani ma isi tagata o e latou te lei vaaai i ai i se taimi umi lava.”

Sa faamafola e tagata o le paranesi o latou lima ma faafeiloai i le au Stanica. O le aso Sa na sosoo ai, na fiafia ai Meki i lona tei i le vaaia o Sister Stanica i le lotu.

“Ina ua ou asiiasi i le paranesi i ni nai masina mulimuli ane, sa sau pea o ia!” Ua fai mai ai Meki. “Ou te manatu o le avanoa e tuu atu ai lana molimau ma lagona ai le aofia ma le manaomia i le paranesi na fesoasoani tele ia te ia.”

Manatu e 4 mo Auaunaga e ala i Gaoioiga a le Eklesia

- **Fuafua ni gaoioiga e fetaui ma mea e manaomia:** O gaoioiga o se auala sili lea e ausia ai le tele o manaoga eseese. E mafai ona fuafua e taulimaina manaoga faapitoa o se tagata po o se vaega. E tatau foi ona latou faafetaiaia manaoga o i latou o e auai, pe tatau ona iloa lelei e le tasi le isi, aoao atili i le talalelei, pe lagona foi le Agaga.
- **Valaaulia tagata uma:** A o e fuafuaina ni gaoioiga, fai se taumafaiga faapitoa e valaaulia ai i latou o le a manuia mai le auai. Manatua tagata fou, tagata ua le toaaga mai, autalavou, tagata nofofua matutua, tagata e i ai manaoga faapitoa, faapea ma tagata o isi faatuatuaga. Tuu atu i ai le valaaulia i le mea e sili ona fiafia i ai le mafaufau, ma faailoa atu lou fiafia pe a latou o mai.
- **Uunaia le auai:** O i latou e te valaauliaina o le a tele atu mea e maua mai i gaoioiga pe afai latou te maua le avanoa e auai ai. O se tasi auala e uunaia ai le auai o le faaaoga lea e tagata o a latou meaalofa, tomai, ma taleni i le taimi o le gaoioiga.
- **Faafeiloai atu i tagata uma:** Afai e auai au uo i se gaoioiga, ia fai mea uma e te mafai ina ia latou lagona ai le taliaina. E faapena foi, afai e te vaai i tagata e te le iloa, ia faauo ma talia lelei i latou! ■

SUESUE ATILI

I luga o ChurchofJesusChrist.org, e mafai ona e matamata i le vitio “Valaauliaina o Isi e ‘O Mai ma Fesoasoani’” e iloa ai le faigofie tele ona valaaulia isi e auauna faatasi ma i tatou.





TATALA LOU LOTO

"E tatau ona tatou mataala e le aunoa ma vaavaai mo ni foliga fou pe a auai i gaoioiga ma fonotaga a le Ekalesia. . . . E mafai ona tatou faia ni mea faigofie e fesoasoani ai i nei uo fou ia lagona le taliaina ma le talileleia . . . , e pei o le tuuina atu o se faafeiloaiga mafanafana, 'ata'ata ma le faamaoni ia i latou, . . . faailoa atu i latou i isi tagata o le au paia, ma isi mea faapena. A o tatala o tatou loto i a tatou uo fou . . . , ua tatou galulue i le agaga o le auaunaga."

Elder Ulisses Soares o le Korama a Apostetolo e Toasefululu, "Tasi ia Keriso," *Liahona*, Nov. 2018, 38.

AUAUNA ATU E ALA I LE VALAAULIA

Siaki mo gaoioiga a uarota po o paranesi o loo loma. Mafaufau ia i latou o loo e auauna atu i ai ma mafaufau e valaaulia i latou i gaoioiga.



FAASOA OU AAIFIAGA

Auina mai ia i matou ou aaifiaga a o e auauna atu i isi pe na e mauaina ni auaunaga. Alu i le liahona.ChurchofJesusChrist.org ma kiliki le "Submit an Article or Feedback."



Saunia e Elder
Quentin L. Cook

O Le Korama
a Aposetolo e
Toasefululua

Tala na saunia e
tusitalafaasolopito
o le Ekalesia o
Kate Holbrook ma
Matt Grow

Talafaaso- lopito o le Ekalesia

O SE PUNAVAI O LE MALOSI MA MUSUMUSUGA

I lenei tusiga, mai se faigalotu i le lalolagi atoa na faia i Navu, Ilinoi, i le aso 9 o Setema, 2018, na tali ai e Elder Quentin L. Cook ma tusitalafaasolopito o le Ekalesia o Kate Holbrook ma Matt Grow ni fesili e uiga i le talafaasolopito o le Ekalesia na tuuina atu e talavou matutua mai le lalolagi atoa.

Elder Cook: O le talafaasolopito o le Ekalesia e mafai ona avea ma se punavai taua o le faatuatua, ae mo nisi tagata, ua malamalama sese pe ua le amanaiaina. O nisi tagata ua latou faamatalaseseina ma le iloa lelei ia tala o aso ua mavae ina ia maua ai le masalosalo.

O le aoaoina o le talafaasolopito *moni* o le Ekalesia, o le a fusia faatasi ai o tatou loto ma le Au Paia o ananafi ma le aso. O le a tatou maua ai faataitaiga o tagata e lē atoatoa o e sa o atu i luma ma le faatuatua ma faataga le Atua e galue e ala ia i latou ina ia ausia ai Lana galuega. Ou te folafola atu o le suesue i le talafaasolopito o le Ekalesia e mafai ona faaloloto ai lou faatuatua ma lou manao e ola atoatoa atili i le talalelei.

*A o tatou aoao atili e
uiga i le Au Paia ua
mavae, o le a faamalosia
i tatou i le faataunuina
o a tatou lava misiona o
se afafine po o se atalii
o le Atua.*



O le tala i le Toefuataiga o se tala o le ositaulaga, lotomau, ma le faatuatua. O i tatou uma o se vaega o le Toefuataiga ma le talafaasolopito o le Ekalesia. E tofu i tatou ma se misiona ia ausia i lenei olaga, o le a fesoasoani ai i le talalelei ia tumu ai le lalolagi. A o tatou aoao atili e uiga i le Au Paia ua mavae, o le a faamalosia i tatou i le faataunuina o la tatou lava misiona o se afafine po o se atalii o le Atua.

I le ova ma le 24 tausaga o avea ai a'u ma se Pulega Aoao, o le naunautaiga o le Usoga ia matuai manino mea uma i le mea e mafai ai, e uiga i le talafaasolopito o le Ekalesia faapea foi i aoaoga faavae. Matou te lagonaina o le taumafaiga e tuuina atu punaoa fou—aemaise lava *Pepa a Iosefa Samita*, Tala o Autu o le Talalelei, Autu o Talafaasolopito o le Ekalesia, ma le taimi nei o le voluma tuufaatasi o le *Au Paia*¹—o se auala matagofie e suesue ai tagata i tusiga na e moni ma o le a fesoasoani ia i latou ia malamalama i le talalelei a Iesu

Keriso i se auala o faamatalaga faamaonia.

O se tasi o tala ou te fafia lava i ai i le *Au Paia* o le tala ia Addison Pratt na alu atu i le Pasefika i Saute. Pe 60 ana papatisoga sa fai. Sa ma maua ma lou toalua, o Mary, le avanoa e asiati atu ai i atumotu o Austral, Farani Polenia, lea na aoao ai Addison Pratt.

O se tasi o aafiaga sili ona ofoofogia ua ou maua o le faalogo lea i se tamaitai talavou o faapea mai, "O au o se tagata o le augatupula lona fitu o le Ekalesia." Sa papatisoina e Addison Pratt lona tuaa matua ua leva a o lei malaga atu le *Au Paia* i Iuta.

Po o fea lava o e i ai i lenei lalolagi, po o le a lava le gafa e te tupuga mai ai, e taua oe, o oe o se vaega o le talafaasolopito o le Ekalesia. Matou te matua manaomia lava oe ma mananao ia te oe. O le a e faamanuiaina olaga o tagata.

Iosefa Samita ma le Tusi a Mamona

A o ou i ai i tausaga o le talavou, sa matou manatu o le a le alu lou uso matua e fai se misiona ona sa faatagaina le uarota e auina atu na o se alii talavou se toatasi i le taimi e alu i se misiona. Sa tatau ona avanoa isi tagata uma mo le lesitala i le militeli. Ae na iloa ane e lo matou epikopo ma le peresitene o le siteki e mafai ona la toe auina atu se isi toatasi. O lea, sa la talanoa ai i lou uso, ma sa sau o ia i le fale ma tau atu i ou matua.

O lo'u tama o se tagata lelei tele, ae sa le toaga o ia i le Lotu. O lana tali sa le lelei—ae mo se mafuaaga e le masani ai. Sa lei faitio o ia i le Ekalesia pe o se misiona foi, ae sa sauniuni lou uso mo le aoga faafomai. Sa fai mai lo'u Tama, "Ua e sauna oe lava e te alu i le aoga faafomai. Ua e aveina vasega. E mafai ona

Aisea e le talanoa tele ai le Ekalesia e uiga i nisi o mea e feteenai i lona talafaasolopito?

Saunia e Kate Holbrook

Ina ua fa o'u tausaga, sa faigaluega lou tina ma lou tinamatua i le Maota o le Ofagapi, le fale tuai o Polika laga i le aai o Sate Leki, luta. Sa la aoaoina au i mea uma e uiga ia Polika laga ma sa tele ana ava sa i ai. Pe tusa o le 10 tausaga mulimuli ane, sa ou iloa ai sa i ai iā Iosefa Samita ni ava se toatele. Ou te lei iloa e uiga i maa talifaaliga, lea na faaaoga e losefa e fesoasoani ai e faaliliu le Tusi a Mamona, seia oo ina avea au ma se tagata matua. E lei natia e le Ekalesia ni faamatalaga mai ia te au, ae peitai o faamatalaga o le talafaasolopito sa lei faamafaina ao ou laitiiti.

O mea sa ou aoaoina i a'u lotu i Aso Sa ma a'u vasega seminare o le galuega autu lea a le Ekalesia. Sa ou aoao e salamo. Sa ou aoao e faaogatasi lo'u olaga ma le talalelei a lesu Keriso. Sa ou aoao pe faapefea ona faatulaga se sootaga ma lo'u Tama oi le Lagi. O mea nei i lo'u olaga e sili ona pele ia te a'u. Ou te iloa e mo nisi tagata, e mafai ona matua tiga lava le aoao e uiga i se mea sa e manatu sa tatau ona e iloa ae e te lei iloaina. O le pogai lena ua ma faia ai ma Matt

le galuega o loo ma faia. Matou te faamoemoe o lena aafiaga mo tagata o le a avea nei ma se vaega o le taimi ua tuanai ona ua ia i tatou le tusi Au Paia, lea e faaalia ai se talafaasolopito atoa mo tagata.



E faapefea ona tatou iloa pe e faatuatuaina se punavai o le talafaasolopito o le Ekalesia?

Saunia e Matt Grow

Ua iva tausaga o o'u faigaluega mo le Ekalesia i le tusia o talafaasolopito. Ua ou vaia le uiga faaalia o o tatou Pulega Aoao e faatatau i lo tatou talafaasolopito. O talanoaga e le faatatau i le "E faapefea ona tatou nanaaina pe sua le talafaasolopito?" Ae, o talanoaga e faatatau i le "E faapefea ona tatou faia le talafaasolopito ia maua e tagata, avanoa, ma malamalama i ai?"

Ua tatou iloa uma lava o le luitau i le vaitau lenei o faamatalaga e le o le sueina o tali—ua siomia i tatou e tali—ae o le ia iloatino le va o tali lelei ma tali leaga, faamatalaga lelei ma faamatalaga leaga. E anoano ia talanoaga i luga o le initoneti e uiga i lo tatou talafaasolopito, ma o le tele o nei talanoaga e tupu ai le tele o le ita nai lo o le malamalama.

Ia faaeteete i puna o faamatalaga lea e nā ona saili e toso i lalo tagata. Ae ia vaavaai mo puna o faamatalaga e faavae i faamaumauga na tuua e tagata lava ia ma faapea ona saili ia tonu ia i latou. E ese le faigofie o le taalo "ua maua oe" i mea ua tuanai, ia aveese mai ai se upusii po o se mea na tupu mai lona aano moni ae fai ia foliga o se mea e faapopoleina ai.

I le avea ai ma se tusitalafaasolopito, ou te taumafai e mulimuli i le fautuaga a se tusi talafatu Peretania. Fai mai a ia: "O le taimi ua tuanai o se atunuue ese: latou te faia ai ni mea e ese iina" (L. P. Hartley, *The Go-Between* [1953], prologue). O lona uiga, a tatou asiasi i taimi ua tuanai, tatou te le mananao e avea i tatou ma se "turisi auleaga." Tatou te taumafai ia malamalama i tagata i totonu o o latou lava siosiomaga ma a latou lava aganuu. Tatou te fia onosai i mea tatou te vaai i ai o o latou sese. Tatou te fia lotomaualalo e uiga i tapulaa o lo tatou lava malamalama. Ma tatou te mananao ia maua se agaga o le alofa mama e uiga i le taimi ua tuanai.



tele atu mea lelei e te faia pe afai e te alu i le aoga faafomai nai lo mea e te mafaia pe a e alu i se misiona."

I lena afiafi, sa ma saofafai ai ma lou nei uso faamaoni, ma sa ma talanoa toalua. Na ma faaiuina faapea e tolu lava fesili o le a iloa ai lana tali i lo ma tama. O le mea muamua o le, "Pe na avea Iesu Keriso ma Faaola o le lalolagi?" O le lona lua o le, "Pe o le Tusi a Mamona o le afioga a le Atua?" Ma lona tolu o le, "Pe o Iosefa Samita o se perofeta?" Sa ou iloaina o tali i na fesili e tolu o le a aafia ai le toetoe lava o faaiuga uma o le a ou faia mo aso uma o totoe o lou ola.

Sa ou alofa pea i le Faaola ma sa ou faitauina le Tusi a Mamona, ae o le iloaina o le taua tele o na tali, sa ou tatalo ai i lena po ma maua ai e ala i le Agaga Paia se tali maoae o na fesili. O Iesu Keriso o le Faaola, o le Tusi a Mamona o le afioga a le Atua, ma o Iosefa Samita o se perofeta. Ou te molimau atu e moni nei mea uma lava.

Faaipoipoga Faa'autaunonofo

Ou te fia faia ni manatu se tolu e uiga i le faaipoipoga faa'autaunonofo. Muamua, o loo manino e tele naua se osigātaulaga i faaipoipoga faa'autaunonofo. Sa tele le alofa ma le lotogatasi, ae sa i ai foi le osigātaulaga, ma o matua i na faaipoipoga na aoaoina a latou fanau e ositaulaga. O le toatele o fanau o na faaipoipoga faa'autaunonofo na aveina atu le talalelei a Iesu Keriso i le salafa o le lalolagi ma faamanuiaina ai le tele o olaga.

Lona lua, sa i ai ni isi, e pei o Vilate Kimball, o e sa mauaina a latou lava faaaliga patino—ae latou te lei iloaina atoatoa e uiga i le mea o le a oo mai—o lenei aoaoga faavae na sau mai le Atua.²

Ma le lona tolu, i aufono sinia o le Ekalesia, o loo i ai se lagona e faapea o le faaipoipoga faa'au-taunonofo e pei ona faatinoina na faataunuina lona faamoemoega. E tatau ona tatou faamamaluina na Au Paia, ae ua faataunuina lena faamoemoega.

I le taimi nei, e i ai fesili e lei taliina. Ae ou te manao ia outou iloa, o loo i ai so tatou Tama Faale-lagi alofa o loo i ai [Sana] fuafuaga atoatoa, ma o Lana fuafuaga o se fuafuaga o le fiafia, ma o loo i ai so tatou Faaola o lē sa faia mea uma mo i tatou. E mafai ona tatou faatuatuaina i Laua.



Aisea e fai ai si eseese o tala e uiga i le Uluai Faaaliga a losefa Samita?

Saunia e Matt Grow

Sa faamaumauina e losefa Samita pe sa talosaga atu i ana tusiupu e faa-maumauina ni tala eseese se fa o le Uluai Faaaliga. O tala e faamatalaina se tala e tutusa lava, ae o loo i ai ni eseesege. E le tatau ona tatou tete'i i lena mea. Afai sa tutusa atoatoa ia tala, o le taimi lena ou te, i le avea ai ma se tusitala faasolopito, o le a ou masalomia loa aua e le o le ala lena e galue ai le mafaufau i mea e manatua. Ua tatou vaia foi lea lava mamanu e tasi i isi tala i le talafaasolopito po o tusitusiga paia (tagai Galuega 9:7; 22:9).

O le isi mea taua ia manatua o le faigata ona pueina i le gagana o se aafiaga paia. Na taua e losefa le gagana o se "falepupui itiiti, ma le vaapi-api" (i le *History of the Church*, 1:299). Mafaufau i ou aafiaga e aupito sili ona paia. O le a le faigofie ona faaupu? E tatau ona tatou faamanatua ua tele ni a tatou tala ona latou te aumaia ia i tatou ni manatu fou ma se vaaiga fou. Alu e faitau tala e fa o le Uluai Faaaliga i totonu o tala i le Autu o le Talalelei. O le faia o lea mea o le a loloto ai lou talisapaia o le mea na tupu i lena aso.

O le a le matafaioi a le Urima ma le Tumema sa fai i le faaliliuga o le Tusi a Mamona?

Saunia e Kate Holbrook

Na faaliliuina e losefa Samita le Tusi a Mamona e ala i le meaalofa ma le mana o le Atua. O le Urima ma le Tumema, atonu na tou faitau i ai, o loo ta'u i le Tusi a Mamona, sa tanumia faatasi ma papatusi. Ina ua tuu atu e Moronae ia losefa Samita ia papatusi auro, sa ia tuuina atu foi ia te ia le Urima ma le Tumema. O le maa vaai, lea na faaaoga foi e losefa e faaliliu ai, e lei tanumia ma papatusi. O se mea sa maua e losefa i ona lava tausaga na muamua atu lea sa fesoasoani ia te ia na te lagona ai le ola e tusa ai ma faaaliga faaleagaga. O lea, sa ia faaaogaina ai ia mea e lua.

O Ema Samita, o se tasi o ana tusiupu, sa ia manatuaina mulimuli ane e faapea, soo se taimi lava e nofo ai i lalo losefa e toe amata ona faaliliu, na te le fesili lava, "la, o fea foi sa ou gata ai? O fea na ta gata mai ai?" Na te amata tonu lava i le vaega sa la'u gata ai. Afai e te vaai i se itulau o le apitalaaga patino a losefa Samita lea sa ia tusia i le tolu o tausaga ina ua uma le faaliliuga o le Tusi a Mamona, e tumu i upu na kolosi ese, manatu e le atoatoa, ma fuaiupu motumotu. Pe a e vaai i se itulau o le Tusi a Mamona sa faamalau atu, e leai se mea faapena o i ai. E atoatoa, tusiga matagofie—e atoa fuaiupu, e leai se mea na kolosi ese.

O se mea manaia e mafaufau i ai, ae o le mea e taua ia te a'u o anomea o le Tusi a Mamona. O le Tusi a Mamona na aoao mai ai au e le tupu o Peniamina ina ia faamuamua le agalelei i le faamasino atu, lea na aoaoina ai au e Alema i le uiga o lou papatisoga, o mea ou te folafola atu e fai mo ma faatasi ai ma ou uso a au paia. O le Tusi a Mamona lea sa aoao mai ai a'u e Mamona ma Moronae e uiga i le taua o le alofa mama ma le mea e tatau ona fai e maua ai. Ua fesoasoani lenei tusi e mamanu ai le tagata ua ou i ai, ma le ala ou te vaai ai i le lalolagi.

Aisea na latou faia ai faaipoipoga faa'autaunonofo i aso popofou o le Ekalesia?

Saunia e Kate Holbrook

O le aoaoga a le Tusi a Mamona e uiga i le faaipoipoga faa'autaunonofo e faapea mai o le faaipoipoga o le finagalo lea o le Alii mo Lona nuu, ae o loo i ai ni tuusaunoaga e seāseā tupu pe a la poloaiina le faiga o faaipoipoga faa'autaunonofo ina ia tausia se nuu amiotonu (tagai i le lakopo 2:30). O le tulaga lenei e seāseā ona tupu lea sa poloaiina ai Iosefa Samita e amatalia. Sa faigata ia Iosefa mo le tele o tausaga ona faaaoga lenei faatinoga, ae sa iu lava ina ia faatinoina ona sa manao o ia e usiusitai i le poloaiaga a le Atua ia te ia. Sa taumafai o ia e faatino le faaipoipoga faa'autaunonofo i le ogatotonu o le 1830, ae o le 1841 moni lava lea na ia faifai malie ai, e sili atu le aloaia, ona faalaulioa atu le faatinoga i ana aumea faatuatuaaina. Sa faateia i latou. Sa latou aioi atu i le tatalo i lo latou Tama o i le Lagi mo le malamalama i lenei mataupu faavae, ma sa latou mauaina ni molimau faaleagaga patino o le mea sao lea mo i latou i lena taimi.

O le faaipoipoga faa'autaunonofo, na faataitaia aloaia mo le tusa o le 50 tausaga, o se mea na mafai ona filifilia e tagata. O loo taumafai pea ia le au atamamai e iloilo pe toafia tagata matutua o le Au Paia o Aso e Gata Ai sa i ai moni lava i ni faaipoipoga faa'autaunonofo, ae ua matou iloa sa na o se vaega toalaiti lava o le Au Paia. Ma ua matou iloa o le toatele o i latou o tagata aupito tuuto, ma aupito malolosi o la tatou Eklesia. O le 1890, sa tuuina atu ai e Peresitene Uilifoti Utilifi (1807–98) se manifesu na faamutaina ai le faatinoina o faaipoipoga faa'autaunonofo. Ina ua faalogo nisi o tagata i lenei manifesu, sa matuu ese se [avega]. Sa faigata ia faaipoipoga faa'autaunonofo mo i latou. Ina ua faalogo isi i lenei manifesu, sa matua lofutuina i latou. Sa latou ositalulagaina mea e tele, ma sa i ai a latou molimau e uiga i lenei mataupu faavae.

O nisi o tagata o le Eklesia e tuufesili pe o le a le uiga o le faaipoipoga faa'autaunonofo lea sa tatou faia i le taimi ua tuanai mo le olaga a sau. Ae ua aoao mai o tatou taitai o le Eklesia o le faaipoipoga faa'autaunonofo e le manaomia mo le faaeaga po o le mamalu e faavavau. E ui lava ou te faafetai au lava ia o le faaipoipoga i le toatasi o le tulafono, ma o le faaipoipoga faa'autaunonofo o le tuusaunoaga lea, ou te le faaleagaina molimau ma le usiusitai faamamaluinu o o tatou tuaa faaleagaga o e na faatinoina lenei mataupu faavae. Sa latou usiusitai, ma sa latou maua se molimau na sa'o.



Malumalu ma Feagaiga

I Katelani, Ohaio, o se tasi o mea mataina na tupu o le fausiaina ma le faapaiaga o le Malumalu o Katelani. O le tatalo o le faapaiaga, lea na maua e Iosefa e ala i se faaaliga, o loo maua i le vaega 109 o le Mataupu Faavae ma Feagaiga. I lena tatalo, sa ia ole atu ai i le Alii ina ia talia le gaosiga ma le taulaga a le Au Paia i le fausiaina o le malumalu.

E tasi le vaiaso talu ona uma le faapaiaga o le malumalu, ae maua e Iosefa Samita ma Oliva Kaotui se isi faaaliga. O le mea lea na tupu i le Eseta, o le Paseka foi lena. Na oo mai le Alii i se faaaliga ma taliaina le fale. Sa Ia fetalai atu i le Au Paia e tatau ona latou olioli i le mauaina, "na latou fausia lenei fale i lo'u igoa, ma lo latou malosi" (Mataupu Faavae ma Feagaiga 110:6). Ina ua tapunia lena faaaliga, na oo mai perofeta anamua e toatolu: o Mose, lea na toefuataiina mai ki mo le faapopotoina o Isarael i vaega e fa o le lalolagi; Elaia, o le na faia le tisipenisione o le tala-lelei a Aperaamo; ma Elia, o le na toefuatai mai ki o le mana o faamauga (tagai Mataupu Faavae ma Feagaiga 110:11–16).

Ma o le toefuataiga o na ki sa matuai alagatatau lava ina ia ausia ai faamoemoega o le Alii. E le gata ina tatou manaomia le Tusi a Mamona ae faapena foi na ki ma sauniga o le malumalu. O na ki e lei sili atu lava le taua nai lo le taimi nei.

Ua ou matauina, pe a valaauna se tasi o Aposetolo e Toasefulula e avea ma perofeta, e liliu atu lona loto i sauniga o le malumalu i se auala maoae. Sa faamanuiaina au e i ai i le faapaiaga o le malumalu o Navu Ilinoi faatasi ai ma Peresitene Gordon B. Hinckley (1910–2008). Ou te manatua lona matuai ootia i



le fausiaina o lenei malumalu ma le taua ia te ia o le aumaia o malumalu i le Au Paia. Sa faaaauau pea e Peresitene Thomas S. Monson (1927–2018) lena taumafaiga ma maua ai le musumusuga lava lea e tasi mai le lagi lea na maua e Peresitene Hinckley. Ma ua tatou vaaia i se tulaga maoae lena musumusuga ia Peresitene Russell M. Nelson. Ua oo mai i ona luga le tiutetauave o le perofeta, ma na ia maua se lagona faateleina o le taua tele o sauniga o le malumalu.

O se tasi o ana savali muamua i le avea ai ma Peresitene o le Ekalesia o le uunaia lea o tagata e o i le malumalu, maua o latou sauniga, ma tumau i le ala o le Feagaiga. Ina ua mavae lena, sa ia saunoa mai, afai e i ai se mafuaaga ua e pau ese ai mai le ala o feagai-ga, ia toe foi i luga o lena auala.³



Na faapefea ona faamanuiaina uluai Au Paia o Aso e Gata Ai e galuega o le malumalu?

Saunia e Matt Grow

Ina ua maliu Iosefa Samita, o puipui o le malumalu o Navu na itiiti ifo ma le afa ua maea, ma e lei umi ae manino mai ia Peresitene Polika laga (1801–77) faapea o le a toe tutuli ese foi le Au Paia. O lea sa ia fesili atu ai i le Alii, “Pe tatau ona matou nonofo e faauma le malumalu, ma le iloa o le a matou lafoaia e toetoe lava i le taimi e uma ai, pe tatau ona matou o i le taimi nei?” Na oo mai ma le manino le tali, “Nonofo” (tagai Brigham Young diary, Jan. 24, 1845, Church Archives; Ronald K. Esplin, “Fire in His Bones,” *Ensign*, Mar. 1993, 46). O sauniga o le faaeeega paia ma le faamauga sa matua taua lava ma sa tatau ai ona nonofo le Au Paia.

Ma o lea la, mo le tausaga na sosoo ai, sa latou sasaa atu ai mea uma na latou maua i le malumalu. A o agai atu i le faaiuga, sa susunuina o latou fale faataamilo i Navu, ma sa sauniuni le Au Paia e o i sisifo i le taimi lava sa latou faamaeaina ai le malumalu. Ia Tesema 1845, na lava se vaega ua faamaeaina o le malumalu e mafai ai e le Au Paia ona faapaiaina se vaega, tuuina atu faaeeega paia ia i latou o ē na agavaa, ma faamauina tane ma ava i le tasi ma le isi.

I le aluga o nai masina na sosoo ai, sa latou galulue i le taimi atoa lava e saunia ai tagata uma faaleagaga mo le savaliga tele i sisifo. Ia te au e loloto ma paia le faamauina o au e lena lava mana i lo’u toalua, fanau, matua, ma augatupulaga o ē ua maliliu ma augatupulaga e lei fananau mai. O le mea lena ua mafai ona faia e le Toefuataiga.

E mafai ona e faasoa maia se mea na tupu mai le Toefuataiga lea ua faamalosia ai lau molimau?

Saunia e Kate Holbrook

Ou te manatua le tala ia Ema Samita lea na taumafai e sola ese mai sauaga i Misuri. Sa na o se vaega na aisa o le vaitafe o le Misisipi—e le lava e mafai ai ona malaga se taavale toso ma tagata ma a latou meatotino i luga. O se vaitafe lautele, ma e matautia pe a kolosi. Sa i ai se tamaitiiti a Ema e ono tausaga le matua sa pipii atu i le pito o lona sakete, se tamaitiiti e valu tausaga i le isi itu, se tamaitiiti e lua tausaga i le lima lea, ma se pepe i lena lima.

Sa suiina e le tuafafine faale-tulafono o se tasi o le au tusiupu a Iosefa ni taga ie e faamau faataamilo i le puimanava. I na ato i lalo o lona sakete, na tauaveina ai e Ema le kopi e tasi o le faaliliuga a Iosefa o le Tusi Paia, lea sa ia galue ai mo le tele o masina. Faatasi ai ma pepa o tusitusinga ma lana fanau, sa ia faia ai se laa se tasi ma le isi laa i le isi itu o lena vaitafe aisā, ma le faamoemoe o le a le pa’ū o ia i totonu.

Ia te au lava ia, o le faailoga sili lena o le lototele ma le faatuatua—afai e manaomia ona e faia se mea mo mea e te talitonu i ai, tau lava o lou agai i luma, e tasi le vae i luma o le isi.



"Ia Outou Loto Tetele"

E totele outou o loo i ai faaosoosoga ma tofotofoga. O nisi e oo mai ona o loo i ai le faitalia. O nisi e oo mai ona o loo i ai se fili. Ae tatau ona outou iloa o loo i ai so tatou Tama oi le Lagi alofa, ma o le Togiola a Iesu Keriso e mafai ona faamanuiaina ai i tatou i auala ia atonu tatou te le malamalama atoatoa i ai.

O loo tau mai e nisi o tusi talafaasolopito o le aofai o le Au Paia o e na sosola mai Misuri i Navu i le taimi o le taumalulu o le 1838–39 na maualuga atu e pei o le 8,000. Sa o le taimi o le taumalulu. O fea sa i ai Iosefa? Sa i ai o ia i le Falepuipui i Liperate, sa nutimomoia i le mea na oo i ai le Au Paia. Sa ia lagona le tuulafoaiina o ia.

I lena tulaga matautia, na ia maua ai nisi o mau e sili ona matagofie—vaega 121, 122, ma le 123 o le Mataupu Faavae ma Feagaiga. E maoae lo latou taua. Ou te faamoemoe o le a outou faiatua. *Au Paia* o loo i ai se tala puupuu i lenei mea:

“Sa tagi atu Iosefa e fai ma sui o le Au Paia lē sala. ‘Le Alii e,’ sa ia augani atu ai, ‘o le a le umi latou te mafatia ai i nei sese ma sauaga lē tusa ai ma le tulafono, ae lei faamaluina lou finagalo ia te i latou?’

“Lo’u atalii e, ia filemu lou agaga,’ sa tali mai ai le Alii. ‘O lou tiga ma ou puapuaga o le a na’o sina minute laitiiti; ma ona oo lea, afai e te talitalia lelei, o le a faaeaina oe e le Atua i lugā; o le a e manumalo i ou fili uma.’

“Sa faamautinoa mai e le Alii ia Iosefa, sa le’i faagaloina o ia. ‘Afaei tatala faamaga lautele mai e auvae lava o seoli le gutu ia te oe,’ na tau atu ai e le Alii ia Iosefa, ‘ia e iloa, lo’u atalii e, o nei mea uma e te maua ai le poto masani, ma o le a avea mo ou lelei.’

“Sa faamanatu mai e le Faaola ia Iosefa, e le mafai ona sili atu puapuaga e oo i le Au Paia nai lo o mea sa oo i ai o Ia. E alofa

o Ia ia i latou ma e mafai ona faamutaina o latou tiga, ae sa Ia filifili e mafatia i puapuaga faatasi ma i latou, tauave o latou tiga ma faanoanoaga o se vaega o Lana taulaga togiola. O ia mafatiaga sa faatumulua ai o Ia i le alofa mutimutivale, ma tuuina atu ai ia te la le mana e fesoasoani ma faamamā ai i latou uma o e liliu atu ia te Ia i o latou tofotofoga. Sa ia faamalosiauina Iosefa e taofimau pea ma folafola mai e le tuulafoaia lava o Ia.”

Na manatu Elder Heber C. Kimball (1801–68) faapea, o le amiontonu o le Faamasinoga Maualuga a Misuri o le a faasaoloto ai Iosefa, ae sa latou filifili e leai. Sa toe foi atu Heber i le Falepuipui o Liperate ma, e lei faatagaina i totonu o le lua, na valaau atu ia Iosefa ma le tala lē lelei.

Ma sa agalelei ma fiafia atu Iosefa ia te ia. “Ia fiafia,” o lana tala lea. Ona ia faatonuina lea o Heber e “aveese uma le Au Paia i le vave e mafai ai.”⁴

E i ai se lesona mo outou i lena mea: ia fiafia pea e tusa lava po o a o outou luitau. Afai e faaosoosoina oe e ni mea patino, alu ese mai ai. Faalagolago i le Agaga Paia. O le faataitaiga a Iosefa i le Falepuipui i Liperate, ma le sosola ese o le Au Paia mai Misuri i Navu o ni faataitaiga o le malosi ma le faatuatua i le Alii o Iesu Keriso.

I le avea ai ma se Aposetolo, ou te molimau atu ia Iesu Keriso. O a’u o se molimau mautinoa o Lona paia. Ou te manao ia te outou ia iloa Na te taitaia ma faatonutonuina le Ekalesia i se auala o le a manuia ai i tatou uma. Ou te molimau atu o loo soifua o Ia. ■

Ina ia maimoa i le faigalotu atoa, alu i le devotionals.ChurchofJesusChrist.org.

FAAMATALAGA

1. E mafai ona maua nei punaoa i le history.ChurchofJesusChrist.org.
2. Tagai Orson F. Whitney, *Life of Heber C. Kimball* (1945), 327.
3. Tagai Russell M. Nelson, “A’o Tatou Agai Faatasi Atu i Luma,” *Liahona*, Apr. 2018, 7.
4. Tagai *Au Paia: O Le Tala o le Ekalesia a Iesu Keriso o le Au Paia o Aso e Gata Ai*, Vol. 1, *O Le Tagavai o le Upumoni: 1815–1846* (2018), 389–90; saints.ChurchofJesusChrist.org.

Vaai Faalemafaufau i Paionia i Initia

Saunia e Taunaly Rutherford

Polofesa Faiaoga, o Aoaoga Faalelotu, Iunivesite o Polika laga

O le feiloai i tagata paionia o le Ekalesia i Initia ua suia ai le ala ou te vaai ai i paionia.

“**S**oo se taimi ou te mafaufau ai i paonia,” e pei ona fai mai ai le pese a le Peraimeri, “ou te mafaufau i tamaitai ma alii lotototoa.”¹ O tala e uiga i paonia o le Au Paia o Aso e Gata Ai o e na asā muamua alasopo o le faatuatua, e musuia ai pea au. I le avea ai ma se tina talavou, sa faamanatu mai e tala e uiga i tamaitai paonia ia te au ou faamanuia o aso e gata ai. E mafai ona ou fanauina se pepe i se falemai ae le o se taavale tosolima!

O le faauigaga o se paonia o se “tasi e alu muamua e saunia pe tatala le ala mo isi e

mulimuli ai”² o loo faamatala mai ai paonia o le Au Paia o Aso e Gata Ai i luga o taavale solofanua ma taavaletosolima i alasopo o loo faapotopotoina i Siona. Ae e faamatalaina ai foi paonia o aso nei ma alasopo o le faatuatua na latou filifilia i le lalolagi atoa.

Ina ua uma ona lesitala lau fanau e toalima i le aoga, sa amata loa ona ou suesue ia faauu i le talafaasolopito o mataupu faalelotu. Sa ou filifili e sailiili Le Ekalesia a Iesu Keriso o le Au Paia o Aso e Gata Ai i Initia o se autu mo lau pepa o le faailoga tikeri o le faafomai. O



Sa faavaeina se misiona i Bangalore i le 1993, ma o le a le umi ae fausia se malumalu iinei.

lau saililiga i Initia ua suia ai le auala ou te vaai ai i paionia.

Poutu o le Ekalesia

I tausaga na muamua atu, a o avea au ma se tamaitiiti aoga i le kolisi i 1986, sa ou malaga ai i Asia i Saute faatasi ma Amepasa Talavou a le Iunivesite a Polika Iaga. Sa o se aafaga na suia ai le olaga lea na aofia ai le faaaluina o se aso i Calcutta (lea ua taua nei o le Kolokata) ma Tina Teresa. Sa tutusa lava le manaia o le feiloai ai ma Au Paia o Aso e Gata Ai, o e na avea ma paionia o aso nei i Initia ma Sri Lanka.

O se tasi o nei tagata o Raj Kumar, o lē sa mauaina le Ekalesia ao ia auai i se faafafiaga a Amepasa Talavou a le Iunivesite o Polika Iaga i le 1982. Ina ua matou feiloai ia te ia, sa lei leva ona foi mai lana misiona i Fresno, Kaledonia, ISA. Na te faaaogaina lava lana pine faafafeatalai ma faaaauau ona aoao atu i soo se tasi i Delhi o le a faalogo. O Raj o se tasi lea o le tusa ma le 600 tagata o le Ekalesia i Initia i lena taimi, ae ia te au sa foliga mai sa



I le 1986, na ou feiloai ai ia Raj Kumar ina ua maea lana misiona. Sa ia faaaogaina pea le pine o lona igoa o se faifeatalai, ma sa ia faasoa atu le talalelei i soo se tasi o le a faalogo.



Sa auai tei o Suvarna ma Sarala Katuka i le Ekalesia i le 1984 ma mulimuli ane auauna atu i ni misiona.

pei o ia o se Au Paia o Aso e Gata Ai e toatasi lava i totonu o se sami o le faitau miliona o tagata.

Sa musuia au e le faataitaiga a Raj Kumar a o ou filifili e auauna atu i se misiona. Sa faasusulu atu foi e Raj se alasopo o le faatuatua mo nisi o uluai faifeatalai Initia e auauna atu i le atunu. Na maua e Suvarna Katuka ma ana uo faifeatalai nisi o aoaoga faamisiona i Chennai. O le latou peresitene o le misiona, sa faamautu i Sigapoa, na tofaina Raj ina ia tuu atu ia i latou ni aoaoga faaopoopo i Delhi.

Na manatua e Suvarna Katuka le auala na suia ai la latou galuega faafafeatalai ona o faataitaiga ma aoaoga a Raj Kumar. Sa mafai ona latou suia lagona o le fefe i le faatuatua ma le lototele sili atu. Sa faamalamalama mai e Suvarna, “O le taimi lena ou te manatu na amata ai lou liua moni. Sa ou lagonaina le Agaga Paia, ma o le taimi lena sa ou filifili ai e fesoasoani e fausia le malo iinei i Initia.”³

Sa auai Suvarna i le Ekalesia i Rajahmundry. O ia, faatasi ai ma uso e toalima ma le tuafafine e toatasi, na papatiso i le 1984. I le aso o lona papatisoga, na faauina ai Suvarna o se ositaulaga ma vaetofia e avea ma fesoasoani lua i le au peresitene o le paranesi. Sa folafola atu foi ia te ia i se faamanuiaga e faapea afai e tumau faamaoni o ia, o le a avea o ia ma se “poutu o le Ekalesia i Initia.”

Sa auauna atu foi le tuafafine o Suvarna o Sarala i se misiona. A o lei alu o ia, sa ia faailoa atu le talalelei i lana uo o Swarupa. Ina ua foi atu Suvarna mai lana misiona, sa faamanuiaina o ia e ala i le galuega



Elder Kandavalli, Sharma, Katuka, ma Raju.



O le aiga o Elsie ma Edwin Dharmaraju i le aso na papatisoina ai i laua.

O le auaunaga tuuto a le toatele o tagata o le Eklesia i Initia ua avea moni ai lava i latou ma poutu o le Eklesia.

faafafeatalai a lona tuafafine ma faaipoipo ai ia Swarupa. O lena paranesi laitiiti i Rajahmundry ua avea nei ma se siteki. O le toatele o fafeatalai ua maea misiona mai Rajahmundry ua avea ma taitai i totonu o le Eklesia i Initia atoa.

Sa ou feiloai i le fanau a Suvarna ma Swarupa Katuka a o ou faiaoga i le BYU i le 2014. E lei leva atu foi ona maea le misiona a Josh Katuka i Bangalore, Initia, ma o lona tuafafine o Timnah na faatoa maua lona valaauga i le misiona lava lea e tasi. Ina ua ou fesili atu ia Timnah ma Josh pe la te iloaina Raj Kumar, sa la fai mai, "Ioe, o ia o le uso o le ma tama!" Sa faaipoipo Raj Kumar ia Sarala.

Ou te faafetai lava i le au Katuka mo le faailoaina atu o au i nisi o paonia a o latou fesoasoani mai ia te au e taamilo i Initia. O le toatele o i latou e sue la latou alasopo o paonia i tua i le alofa ma faataitaiga a le aiga o Katuka. I se tasi taimi, na maua ai e Suvarna ma Swarupa le avanoa e malaga mai ai i Kanata. Peitai la te lei taliaina ona sa la lagonaina na manaomia i laua e le Alii e nonofo i Initia ma fausia le malo o le Atua iina. O le

la auaunaga tuuto na avea moni ai i laua ma poutu o le Eklesia.

Tagata Paonia i Bengaluru ma Hyderabad

I le afa mulimuli o le seneturi lona 20, ua faatuina ai le Eklesia i aai eseese i Initia e ala i tagata paonia o le au paia.⁴ O tala taitasi e molimauina le auala na taitai atu ai e le Alii tagata i le talalelei toefuatataiina.

O Michael Anthoney, o se tagata paonia i Bangalore (lea ua Bengaluru nei), na fesotai faavavega ma se tagata o le Eklesia i le 1970. Ina ua malaga atu Delwin Pond, o se epikopo i Iuta, i se fomai o le tua ona o le tiga o le tua, sa ia vaaia ai se tusiga i le mekasini a le fomai mo se faalapotopotoga e le sue tuge na lagolagoina tamaiti aoga i Initia. Sa ia lagonaina se uunaiga malosi e lagolago se tasi o nei tamaiti aoga. O lenei mea na oo atu ai i se fesootaiga e 10 tau-saga lea na taualuga i le fesootaiga a le au Pond ma Michael ma faasoa atu le talalelei ia te ia. Na papatisoina Michael i le 1981 ae auauna atu i se misiona i le aai o Sate Leki i le 1982. Sa vave ona ia toe foi mai i



Na faailoa atu e Delwin Pond (ogatotonu) ia Michael Anthoney i le Ekalesia i le 1981.



O Hyderabad, o se aai o loo nonofa ai le ova atu ma le 8 miliona tagata ma le siteki muamua i Initia.

le fale ona sa matua mai tigaina lava lona tina, o lea sa ia auauna atu ai i le isi ana tolu masina mulimuli o lana misiona i Bangalore, lea sa ia aoao atu ai i nisi o tagata o lana uarota ma isi o e na avea ma uso o le paranesi muamua iina.⁵ O loo faagasofo nei fuafuaga e fausia se malumalu i Bengaluru.

Na auai Elsie ma Edwin Dharmaraju i le Ekalesia i Samoa ma sa valaau e Peresitene Spencer W. Kimball e toe foi atu i lo la aiga i Hyderabad o ni faifeautalai i lo latou aiga. I le 1978, e 22 tagata o le aiga o Elsie ma Edwin na papatisoina, ma o le amataga lena na faatulagaina ai le uluai siteki i le atunu i Hyderabad i le 2012.⁶

O tagata o le siteki o Hyderabad i aso nei ua latou vaai ia i latou lava o ni paionia o aso e gata ai. O a latou faafiafiaga o le Aso Paionia o le siteki ua faamanatuina ai le savaliga a uluai paionia faapea foi ma malaga a paionia o ona po nei. O a latou faafiafiaga na aofia ai siva uosi, savaliga e manatua pea, ma e oo lava i tietiega i taavale tosolina.

I la latou faafiafiaga i le 2014 o le Aso Paionia, sa latou tuu ai poloka aisa i se laina i tua o le falesa ma valaaulia tagata e aveese

o latou seevae ma savavali atu i le aisa, ma mafaufau pe na faapefea ona sopoia e paionia anamua ia vaitafe aisā. I le faaiguia o la latou faafiafiaga, sa uunaia ai tagata o le siteki o Hyderabad ina ia manatua le agaga o uluai paionia ma “o i latou uma o paionia mo o latou aiga.”⁷

Sa latou faalogologo foi ia Ioane Santosh Murala, lea sa auauna i le au peresitene o le misiona, sa talanoa i le auala na o mai ai le uso o lona tina o Elsie ma lona toalua o Edwin Dharmaraju i Hyderabad e aoao le talalelei i lo latou aiga. O Ioane o le uii o tagata paionia e 22 na papatisoina i le 1978.

Ina ua ou asiasi i Hyderabad i le 2014, sa faamatala mai e Ioane Murala ia te au lana tala ma le tele o le talafaasolopito o le Ekalesia lea sa ia faapotopotoina ma le filiga. Sa ia faailoa mai foi ia te au lona toalua, o Annapurna, lea sa tauina mai ia te au se tasi o tala



O Annapurna ma Ioane Murala, o e na avea ma paionia o le ekalesia i Hyderabad, o loo faaalia iinei o loo fesoasoani i se faatinoga o se malaga a taavaletosolina ma o le aso na faamauina ai i laua i le malumalu o Hong Kong.



O tagata o le siteki o Hyderabad o loo faamanatuina le Aso o Paonia e ala i pese, siva ma tietiega i taavale toso.



O le nofoaga autu o le Siteki o Hyderabad Initia, na faatulagaina e Peresitene Dallin H. Oaks i le 2012.

O tagata o le Ekalesia i Initia latou te vaai faalemafaufau ia i latou lava o ni paonia mo o latou aiga a o latou tumau pea i le ola ai i le talalelei.

paonia o le Au Paia o Aso e Gata Ai e sili ona mamana ua ou faalogo i ai.

O Annapurna sa 12 tausaga le matua i le 1991 ina ua aoaoina lona tuagane o Murthy i le talalelei e ni faifeautalai se toalua i Hyderabad. E lei faatagaina e matua o Annapurna o ia e faalogologo i faifeautalai pe auai i le lotu. Ae peitai, na tuuina atu e Murthy ia te ia se tusi a Mamona ma le tele o tusitusiga e le aunoa a le Ekalesia e faitau ai. Mo le fitu tausaga, sa suesueina ai e Annapurna le talalelei na o ia lava ma maua se molimau malosi i lona moni. Sa moemiti o ia ua papatisoina, auauna atu i se misiona, ma faaipoipo i le malumalu ae e lei maua se faatagaga mai ona matua.

Na feagai Annapurna ma se faaiuga faigata i lona olaga ina ua faailoa atu o ia ia Ioane Murala. Sa tumau le malosi o Ioane i lana molimau talu mai lona papatisoga i le 1978 ma sa [ia] sailia se tagata o le Ekalesia e faaipoipo i ai. Ina ua mavae se feiloaiga puupuu lava sa faasoia atu ai e Annapurna lana molimau i le talalelei, sa faatalitonuina Ioane faapea ua ia feiloai i

lona toalua o le lumanai. Sa iloa e Annapurna afai e faaipoipo ia Ioane, o le a mafai ona papatiso o ia ma faamauina i le malumalu i se aso. Ae peitai, i le taimi lava lea, sa fuafua ai matua o Annapurna e faatulaga se faaipoipoga mo ia.

Sa faia e Annapurna le faaiuga faigata e tuua le aiga ae faaipoipo atu ia Ioane. Sa ia lagonaina na pau lea o le auala e mafai ai ona auai o ia i le Ekalesia. Fai mai a ia, sa “matua nutimomoia” o ia ina ua tuua ona matua. Ae e oo lava i aso nei, na ia faamautu mai ai, “Mo le faaolataga o tagata uma, . . . mo au fanau ma mo ou matua ma o latou tuaa, ina ia faia o latou galuega i le malumalu, sa tatau ai ona ou faia lena laasaga.”⁸

E faafetai ia Ioane ma Annapurna ua talia nei e ona matua la laua faaipoipoga. E toatele tagata i Initia sa faia ni osigataulaga, e pei foi o uluai paonia, ia avea ma tagata o le Ekalesia. Peitai, ua fetaomi atu i luma nei Au Paia ma le faatuatua ona latou te vaai ia i latou lava o ni paonia ma ni sooga malolosi mo o latou aiga i itu uma e lua o le veli. Ou te faatauaina le tele



Ata tusi o le Malumalu i Bengaluru Initia. O le nofoaga e aofia ai ma se falelotu, faletusi, ofisa o le Ekalesia ma fale mo tagata ulu i le malumalu.

o tala o le faatuatua, ositaulaga, ma le lototele ua ou faalogo i ai mai au paia na asaina alasopo o tuaoi fou o le talalelei. Ou te mafaufau pea lava i paionia na tosaina taavale tosolima ma sopoia vaitafe aisā, ae o le taimi nei ua mafai ona ou vaai faalemafaufau i paionia o aso nei i Initia ma le lalolagi atoa.

O le iuga lava, o alasopo paionia uma na asaina e tagata o loo mulimuli i tulagaaao o le Faaola o Iesu Keriso. I le Feagaiga Fou, ua taua Keriso “o le paionia o [lo tatou] faaolataga” (tagai i le Eperu 2:10, Lomiga Fou ua Toe Faafouina). Ua saunia e Iesu Keriso le ala mo i tatou e toe foi atu ai i lo tatou aiga

faalelagi. E mulimuli le au paionia moni ma faasino i tatou ia Keriso, lea o loo taitaia lenei galuega taua ma le ofoofogia i aso e gata ai. ■

FAAMATALAGA

1. “Wheneve I Think about Pioneers,” *Children’s Songbook*, 222–23.
2. *Oxford English Dictionary* (1971), “Pioneer.” Tagai foi i le Thomas S. Monson, “Taitaia e Paionia Faaleagaga,” *Liahona*, Aok. 2006, 3–8.
3. Suvarna Katuka, faatalanoaga o le talafaasolopito e Taunaly Rutherford, Me 2014, Delhi, Initia.
4. O le tele o tala faapaoionia mai Initia e mafai ona maua i le vaega o talafaasolopito o le Ekalesia o le Potutusi o le talalelei i lalo o le “Global Histories.”
5. Tagai i le “A History of the Church i Initia,” tuufatasia e Jerry C. Garlock (e lei lolomiina, 1995), 49–50.
6. Tagai “I Will Establish a Church by Your Hand,” history.ChurchofJesusChrist.org.
7. Tagai “Hyderabad Stake Pioneer Day Activity,” lds.org.in/Hyderabad-Stake-Pioneer-Day-Activity.
8. Annapurna Guru Murala, faatalanoaga o le talafaasolopito na saunia e Taunaly Rutherford, Hyderabad, Initia, 7 Me, 2014. Tagai foi Rochelle Welty ma Jan Pinborough, “E Iai Fuafuaga a le Atua mo A’u,” *Liahona*, Ape. 2003, 30–32.



Saunia e Travis Ewell

le tele o tausaga ua mavae, sa ou mulimuli ai i se talanoga i luga o ala o faasalalauga faaagafesootai i le va o ni [aliil] se toa lua sa avea ma au soa faamisiona. O nei alii sa ou alofa ma faaaloalo i ai.

Sa la talanoaina ni a la fesili sa i ai e uiga i le Eklesia ma ona aoaoga faavae. E lei umi ae oo ina manino mai na la tuua uma le Eklesia. Sa faateia au ma ou popole ai. Ou te lei faalogo lava i nisi o mea sa la talanoaina. Sa ou lagona e tatau ona ou iloa pe o nei mea na moni. O lea na amata ai ona ou vaai atu i finauga a i latou sa i ai ni popolega e uiga i le Eklesia.

O nisi o mea na ou fatauina i le lua tausaga na sosoo ai na taitai atu ai au e fesiligia mea uma e uiga i le Eklesia. O nisi e faia lenei mea e lagona le faanoanoa. Latou te faanoanoa i le aveesea o lo latou faatuatua. Sa ou ita. Sa ou lagona le faaseseina o au e le Eklesia. Sa ou le mau-tinoa po o le a le mea moni po o ai foi e mafai ona ou talitonuina.

Sa faigata lava ia te au ona ou alu i le lotu. Sa ou talo-saga atu ina ia faamaloloina au mai lou valaauga. Sa faapea ona faaletonu le ma va ma lou toalua, o Cheri ma lou aiga. Sa faaauau ona ou alu i le lotu, ae sa na o le vaaiga a tagata ma taumafai e faatumau faatasi lou aiga. Na gasu le olaga. Sa le mafai ona ou lagonaina le Agaga ma fesiligia pe na ou lagonaina moni ea le Agaga Paia pe leai.

Ina ua alu ese atu lou atalii matua, o Kayson, i lana misiona, sa ou fatuina se siosiomaga le lelei ae sa tatau ona avea ma se taimi fiafia. Ina ua mavae le lua tausaga, sa toatele lou aiga na iloa le mea na tupu ia te au. Ina ua latou o atu uma i le malumalu ma Kayson mo lona taimi muamua, ou te lei i ai iina.

I na mea uma, sa ou lagonaina le tuua toatasi na o au.

Lagolago Au i Mea Uma

I se tasi aso na faatasitasi ai ou uso e talanoa mai ia te au e uiga i le mea sa feagai ma au. Ou te le manatua

Ina ua Ou Lagona le Faaseseina e uiga i le Ekalesia

*Pogai na ou aluese ai. Ma le pogai na
ou toe foi mai ai.*



pe o le a se mea na latou fai mai ai, ae na ou iloaina na faia i le alofa. A o matou talanoa, sa amata ona ou iloa le mea na ou misia. Na avea ma uunaiga mo suiga. O au sa tatau ona faauuina Kayson o se toeaina. O au sa tatau ona faafeaoina o ia i le malumalu. O au sa tatau ona tuuina atu ia te ia se faamanuiaga faatamā a o lei aluese. O na mea aupito sili ona taua i lona olaga na faatatau lea ia te au ia i ai iina, ae le o se isi tagata. Ou te manatua le fesili ia te au lava, "O le a la'u mea o fai?"

E lei leva, ae musuia se uo lelei e faafeiloai atu au i se tasi o lana au peresitene o le siteki. Sa faalogo ma le totota lenei alii agalelei i lau tala ma na foliga mai na ia iloa mea o le a ou fai atu ai ae ou te lei fai atua. Sa ma talanoa mo le tele o itula. O lau tala, o au fesili, o manatu sa ou aafia ai, sa talitutusa lava ma mea na faasoa atu e isi ia te ia. Sa amata ona ou iloa o loo i ai ni tali talafeagai mo le tele o ou atugaluga ma o le tele o au fesili, ao faamaoni, sa tototina e tagata i le faamoemoe e faaleaga ai le faatuatua.

Pe na foia vave uma au fesili ma atugaluga i le taimi lava lea? Leai, e leai lava. Ae na faamaluluina lava lou loto ina ia iloa se upumoni sili: o fesili e lelei, ae o nisi fesili e sili atu ona taua nai lo isi.¹ Pe mata o le lē mauaina o lou aiga ma le tu i luma o le Atua e taua mo ni nai fesili e lei taliina? Ina ua ou taulai muamua atu i fesili sa sili ona taua ma toe tuu faamuamua le Atua i lou loto, sa amata ona ou maua tali na faamautinoa mai ai ia te au o loo ou toe foi i le ala sao.

Sa aapa mai foi lou peresitene o le siteki ma le epi-kopo ia te au. Sa avea i latou ma fesoasoani tele ia maua ma Cheri i le aluga o nisi o taimi pogisa. Latou te lei faavaivai lava. O i latou ma lou aiga i itu uma e lua o le veli sa saofagā i le fesoasoani ia te au. Ou te iloa e silafia ma alofa le Tama Faalelagi ia i tatou. Na te tuu tagata i lo tatou ala pe a tatou manaomia i latou. Pau lava le mea tatou te manaomia o le naunau e talia la latou fesoasoani.

O le Mea e Fai pe Afai o Oe

Ou te iloa e i ai isi iina atonu o loo feagai ma se mea faapena. Atonu o oe po o se tasi e te iloa.

Ou te iloa na faavaeina e le Faao-la Lana Ekalesia i le pule e tuuina atu ai sauniga ma feagaiga tatou te manaomia e toe foi atu ia te Ia. O loo galue faasoloatoa Satani e faaleaga le Ekalesia a le Alii i le faaaogaina o soo se auala e mafai ai. O faia o fesili ma le fatuina o masalosaloga e faigofie. O pau atu i ana mailei e mafai ona tupu i soo se tasi. O le faalagolago i faa-matalaga ma tali e tuuina mai e isi e mafai ona sili atu ona faigofie nai lo le faia o le galuega o le sailia o upumoni mo i tatou lava “e ala lava lea i le suesue ma le faatuatua *foi*” (Mataupu Faavae ma Feagaiga 88:118; ua faaopoopo le faamamafa). Ae o le iuga, o le mea lena e manaomia e le Atua.

Afai o loo e tauivi ma ni fesili po o masalosaloga e uiga i le Ekalesia po o lou faatuatua, e te le mauaina le upumoni e ala i le faitauina o se poloka po o le faalogologo i faasalalauga mai ia i latou e tetee i le Ekalesia pe ua o ese. Ae atonu foi o le a le faamalieina oe i ni tali papau, ma atonu e te le manao



i le fautuaga e “faatali mo se tali muli-muli ane.”

Sa ou aoaoina e le mafai ona tatou ola i taimi uma i se malamalama nonō, ae nai lo lena e tatau ona tatou liliu atu i le Atua o le puna o le malamalama uma ma le upumoni (tagai i le Mataupu Faavae ma Feagaiga 93:26). E ao ina tatou suesue i ai i o tatou lava mafaufau, ae e tatau foi ona tatou ole atu i le Atua pe ua sa’o le mea ua tatou mafaufau i ai (tagai Mataupu Faavae ma Feagaiga 9:8). E tatau ona tatou aoao mo i tatou lava e pei ona faia e Iosefa Samita (tagai i le Iosefa Samita—talafaasolopito 1:20) ma ia onosai i la tatou saililiga (tagai i le Alema 32:41). Ae o le aoao e ala i le faatuatua o lona uiga e tatau ona tatou faamaonia le upumoni e ala i le ola ai (tagai i le Ioane 7:17; 1 Tesalonica 5:21).

Ina ua ou taulai muamua atu i fesili sa sili ona taua ma toe tuu atu lou loto i aao o le Atua, sa amata ona ou maua tali na faamautinoa mai ai ia te au ua ou toe foi i le ala sao.

A o ou suesue i mea sa tetee i le Ekalesia, sa ou lagonaina na pei o loo ou i ai moni i puao o le pogisa (tagai i le 1 Nifae 8:23–24; 12:17). Ina ua ou uumau i le afioga a le Atua ma laa atu i le laasaga muamua e agai atu ia te Ia, na pau lava lena o le mea sa Ia manaomia e auina mai ai Lona Agaga e pai mai i lou loto.

FESILI E LEI TALIINA MA AOAOGA FAAVAE MAUTINOA



“E mafai ona ou ola ma ni le atoatoa faaletagata, e tusa lava pe i ai faatasi ma perofeta a le Atua—o le mea lena e tatau ona faamoemoeina i tagata o le olaga nei. E mafai ona ou ola ma ni saililiga faasaienitisi e le’i faamaonia e feteenai ma le Tusi a Mamona; o le a oo mai le taimi e faasa’oina ai na mea. Ma e mafai ona ou ola ma ni talafaasolopito e foliga mai e ese; o ni mea laiti na i le aotelega atoa o le mea moni. Ae e le mafai ona ou ola e aunoa ma aoaoga faavae ma sauniga moni na toefuatai mai e Iosefa Samita, e le mafai ona ou ola e aunoa ma le perisitua a le Atua e faamanua ai lo’u aiga, ma e le mafai ona ou ola e aunoa ma le iloaina ua faamauna lo’u toalua ma la’u fanau ia te a’u mo le faavavau. O le filifiliga lena o loo tatou feagai—o ni nai fesili e le’i taliina i le isi lima ma le anoanoai o aoaoga faavae mautinoa ma le mana o le Atua i le isi [lima].”

Sa auauna atu Elder Tad R. Callister i le Au Peresitene o le Fitugafulu ina ua ia tuuina atu lenei saunoaga, “O le a Le Mamanu a le Ekalesia a Keriso?” (Faigalotu o le Ofisa o Aoga a le Ekalesia mo le autalavou matutua, 12 Ian., 2014), broadcasts.ChurchofJesusChrist.org.

Pe ua Lava le Faamoemoe?

I ni nai vaiaso talu ona alu Kayson i lana misiona, na asiasi mai lau peresitene o le siteki ia te au. Sa ou faailoa ia te ia le mea na tupu i na vaiaso ina ua uma ona talanoa mai ou uso ia te au. Sa ou fai atu ou te fia mauaina se pepa faataga fou o le malu-malu. Sa fesili mai pe mafai ona ou taliina lelei ia fesili o le pepa faataga. Sa ou tautino atu, "Peresitene, ou te manatu e le mafai nei ona ou fai atu ou te iloa e moni le Ekalesia, ae ou te mautinoa ma le faamoemoe ma lou loto atoa e moni. Ma o le a ou ola i lou olaga e tusa ai ma lena faamoemoe. Pe ua Lava Lena?"

Sa malolo o ia mo se taimi ona faapea mai lea, "Travis, o le a lava lena i taimi uma lava."

O loo i ai lava nisi o mea o loo ou faatali-tali pea e malamalama i ai, ae o nisi mea ua matua manino lelei lava ia te au. Ou te iloa e alofa lou Tama Faalelagi ia te au. Ou te iloa atonu tatou te feseseai ma tauivi mo se taimi. Ae ou te iloa e ala mai ia Keriso, Lana Togiola, ma le faamoemoe na te aumaia, e mafai lava ona tatou toe foi i le ala e toe foi atu ai ia te Ia.

E alala le tusitala i Iuta, ISA. ■

FAAMATALAGA

1. Tagai Lawrence E. Corbridge, "Stand Forever", (Brigham Young University devotional, Jan. 22, 2019), speeches.bry.edu

MANATU MO LE FESOASOANI I SE TASI E TE ALOFA I AI

E pei o au, e toatele tagata e i ai ni fesili po o ni masalosologa e lagona le le fiafia i le Ekalesia. Ae e le tatau ona tatou tapunia le faitotoa ia i latou po o isi. Na poloaiina e le Faaola Lona nuu ina ia "faaauau pea ona auauna atu" ia i latou aua tatou te le iloa lava pe o afea o le a latou toe foi atu ai ia te la ma faamaloloina (tagai i le 3 Nifae 18:22–32).

O auala nei e lima e mafai ona tatou faaauau ai ona auauna atu ia i latou o loo tauivi ma le masalosalo, ina ia latou lagona le taliaina, pe filifili e toe foi mai.

1. **Faaauau le alofa.** I le taimi atoa o lau tauiviga, sa ou lagonaina na pei lava na o au. Ioe, e lei fiu le Tama Faalelagi ia te au, ma e faa-pena foi lou aiga po o taitai o le Ekalesia. O le lagonaina o Lona alofa e ala mai ia i latou na fesoasoani lea ou te iloa ai e mafai ona ou toe foi mai.
2. **Faaauau ona aapa atu.** O le alofa i isi e le tatau ona faalagolago i o latou talitonuga, la latou auai i le lotu, po o o latou lagona e uiga ia i tatou. Ua fetalai mai lesu ia tatou aapa atu e sili atu nai lo i latou ua uma ona i ai i la tatou lio (tagai i le Mataio 5:46–47).
3. **Faaauau le faamoemoe.** Tatou te anapopogi, tatou te tatalo, tatou te mataala ma faatalitali ma le onosai, ma e tatou te le fiu lava i le faamoemoe. "Ua fuafuaina e le Atua le auala e laveai ai i ana fanau taitoatasī" (Henry B. Eyring, "'I Fanau a La'u Fanau,' Liahona, Nov. 2013, 71).
4. **Faaaloalo i la latou filifiliga saoloto.** Ia i ai le faamoemoe ae faa-alaoalo i a latou faaiuga. Tatou te le manaomia se faatalitonuina o i latou pe finau ma i latou i aoaoga faavae. E pei o le atalii faa-maumau oa, e toatele i tatou e manaomia se mea i le olaga o le a faamaluluina muamua ai o tatou loto.
5. **Ia fai faalelei i latou ma le mamalu, e le faapea ua leaga i latou.** Aloese mai faamatalaga e faamasino, faitio, pe faatauemu. O tagata lelei e mafai ona eseese o latou talitonuga nai lo i tatou, ma e tatau ona tatou tuuina atu ia i latou lea lava faaaloalo tatou te faamoemoe o le a latou tuuina mai ia i tatou.



Ou te manatu e le mafai ona ou fai atu nei ou te iloa e moni le Ekalesia, ae ou te faamoemoe o lea ma o le a ou ola pea i lou olaga e tusa ai ma lena faamoemoe.

O Oe E Alofa, O la E Laveai

Sa ma tatalo ina ia suia loto o la ma fanau. Ona oo mai ai lea o se iloa le lagolelei (ma le faasaolotoga).

Saunia e Krista Rogers Mortensen

Sa ma tausia ma lou toalua le ma fanau i le talalelei. Sa faia a matou suesuega faaleiga i tusitusiga paia i taeao uma, tatalo faaleaiga, ma afiafi faaleaiga i vaiaso taitasi. Sa matou auai i le lotu, aai faatasi i le afiafi, ma matou o i tafaoga faaleaiga. Sa auai e le aunoa le ma fanau i le malumalu e faataunuu patisoga mo e ua maliliu, sa latou faau mai le seminare, ma e toalua i latou na faamisiona.

Ma i le avea ai ma tagata matutua, sa amata ona latou sailiili i auala ma manatu na ese mai mea na ma aoaoina ai i latou. Sa taitoatasai, ona le toe auai le ma fanau i le Ekalesia seja oo ina na o le toatasai o le ma fanau e toalima na filifili pea e auai. Sa tele ni loimata sa ma faamali-giina i le ma fanau ma mafaufau ai pe na ma toilalo i le avea ai o ni matua, pe sa i ai se mea sa tatau ona ese le ala ma te faia ai.

Mo se taimi umi, sa ma aioi atu ai i le Alii ina ia sui o latou loto, ma iu ina tali mai le Alii i a ma tatalo. Ae e le o le ala na ma mafaufauina.

Nai lo le na o le suia o loto o le ma fanau, na Ia faaali mai ia i maua e manaomia ona ma amata i le suia o o maua lava loto. A o faia e matua se mata-faioi taua i le aoaoina o a latou fanau, sa Ia faamanatu mai ia i maua o Iesu Keriso o lo latou Faaola ma le Faamasino.

I lou naunautaiga e laveai lau fanau, sa ou faaaluina ai le tele o itula e tatalo ai, faitau au tusitusiga paia, ma alu i le malumalu, ma mafaufau faapea afai ou te faia mea sao uma, o le a ou agavaa mo le fesoasoani a le Atua—e pei o au taga o le a taitai atu ai le Atua e pulea lo latou fitalia ma faamalosia i latou e talitonu e pei ona ou faia.

Sa ma matuai mananao lava ma lou toalua e laveai i latou, ae o le ma vaega o le laveai sa pei e tele lava o le lauga, otegia, po o le faaalia o le lē fiafia i a latou filifiliga, lea na iu lava i finauga. Sa ma iloaina o lo ma naunautai e toe aumai le ma fanau, sa ma tuliese moni ai lava i latou. O le tele o lo latou lagonaina o le ma faamasinoga ma le lē fiafia, o le tele foi lena o lo latou aloese mai ia i maua.



Mea na Fesoasoani ia te Au

Na suia au tatalo i se aioiga mo lou lava loto ina ia suia. Na ou iloaina o au mafuaaga mo le manao ia suia lau fanau na sau mai le nofoaga sese. Sa ou tatalo mo le alofa faateleina. Sa ou tatalo foi ina ia ou faatoilaloina ou lagona o le maasiasi ma le mā ona sa lei foliga lou aiga e pei o aiga atoatoa na faaalia e au uo i luga o faasalalauga faaagafesootai faatasi ai ma ata o faaipoipoga i le malumalu a o latou fanau po o papatisoga a fanau a a latou fanau.

A o ou liliu atu i le Faaola mo le faamalologa, sa amata ona faamaluluina lou loto i lau fanau. Sa ou iloaina o le alofa ia i latou e pei ona Ia alofa ia i latou, o lona uiga o le faia o ni suiga. Ia te Ia, o le alofa sa le o se auala—sa o le faaosoifiaga lea na faamalosia ai mea uma na Ia faia. Na Ia fetalai Na te lei faia: “se mea vagana ai ua mo le manuia o le lalolagi; ona ua alofa o ia i le lalolagi” (2 Nifae 26:24).

O le faalagolago i le gafatia o le Faaola e fai Lana galuega (tagai i le 2 Nifae 27:20) na mafai ai ona ou taulai atu i le alofa i lau fanau ma tuu atu le laveaiga i le Alii. E le faapea o le le toe taumafai e fesoasoani ia i latou, a o le alofa ia i latou na avea ma malosiaga i tua atu o au fegaleleaiga ma i latou, na suia ai le *ala* na ou fesootai ai.

Sa amata ona ou vaai ia i latou i se malamalama e ese mai. Sa amata ona ou taulai atu i o latou malosiaga ma taleni ma amata ona vaaia i latou o ni tagata agaalofa, agalelei, atamamai, ma lelei.

Sa faateleina le ma faalogo ma lou toalua ae itiiti le tautala. Sa ma fesili atu i o latou olaga ma mea latou te fiafia i ai. Nai lo le faamasinoina, sa ma faaalia le fia iloa. Sa ma suia faitioga ma le le fiafia i le faaalia o le alofa, ma sa mafai e le ma fanau ona lagona le moni.

Sa avea lo matou fale o se nofoaga e mafai ona latou lagona ai le alofa ma le taliaina. Sa latou le toe nanaina mea mai ia i maua ma amata ona faamaoni ma talanoa sao

tatalo

o se aioiga mo lou loto
ia suia



vaaiga

o le vaai i lau fanau i se
malamalama e ese



alofa

aua le na o le
talanoa—faalogo



faatuatuaina

o au taumafaiga e
faipaaga ma le Atua

mai i mea o loo tutupu i o latou olaga. Sa sili atu lo matou vavalalata.

O loo avea pea lo matou aiga ma se galuega o loo faagasolo, ae ua fiafia le ma fanau e o mai i lo matou fale ma faaalu nei le taimi ma i maua. Latou te lagonaina le saogalemu i o ma luma, ma e ala i lo ma alofa, ou te faamoemoe e mafai ai ona latou lagonaina le alofa o le Atua mo i latou. Ou te le iloa pe o le olaga lenei o le a latou toe foi mai ai i mea sa aoaoina ai i latou o ni fanau, ae ou te iloa o loo i ai i latou i aao o le Faaola. ■
E alala le tusitala i Iuta, ISA.

Ua Latou Tuuese o Latou Tofotofoga

Saunia e Natalie Jones, Iuta, ISA

*O lena aso, sa avea ai Kendra, Brent, ma Tyson
o ni faataitaiga moni o auauanaga faaKeriso.*

Tatou te oo uma i ni taimi lelei ma leaga i le olaga, ae o le 2013 o se tausaga sili ona faigata mo lo matou aiga. Sa matou oo i le tele o mea sa lei faamoemoeina ma taugata o le lipeaina o le fale ma taavale. O lou toalua, o Ryan, na lei toe i ai sana galuega, ma o le ma atalii laitiiti na fanau mai ma ni faafitauli ma na tatau ai ona faaalu ni nai vaiaso i le potu tigaina o pepe fou. Sa ou tauivi foi ma le atuatuvalo o se tina failele. O nei tulaga, tuufaatasi ai ma le avea o ni matua o se fanau laiti e toafa, na matou pagatia ai i mea tautupe ma faalelagona.

Sa maua e Ryan se galuega fou, ae sa umi ni itula faigaluega ma sa alu ese atu ma le taulaga mo ni vaiaso i isi taimi. Na amata ona popole tele lo ma

atalii e lima tausaga le matua o Uesele, i le alu ese soo o lona tama. Sa ala soo ia i le po mai miti taufaafefe.

Sa lagolagoina au e lo matou aiga lautele pe a latou mafaia, ae sa ou lagona pea le vaivai ma le tuuatoatasi i le tele o le taimi. Sa ou iloa e alofa ma e silafia e le Tama Faalelagi lou aiga, ae sa ou lagonaina na pei ua matou malelemo.

I se tasi o aoauli, a o i ai Ryan i fafo atu o le aai mo galuega, sa ou aveina atu lau fanau mai le aoga ma tatalo faatauanau mo se fesoasoani. I se taimi mulimuli ane i lena po, na tuitui mai ai Kendra lou tuaoi i lo matou faitotoa. Sa ia iloaina lo matou tulaga ma fesili mai pe o faapefea mai au. Sa leai sou faamoemoe e faitio ia te ia, ma o ia foi

le tagata mulimuli sa ono mafai ona ou fesili atu i ai mo se fesoasoani. O lona toalua o Brent, sa tauivi ma le kanesa mo le fa nei tausaga.

Sa ou tau atu ia Kendra o loo lelei a au, ae sa toe fesili mai ma le faamoni. I loimata, sa ou talanoa atu ia te ia e uiga i ou tauiviga. Ina ua ou tau atu ia te ia e uiga i le atuatuvalo ma miti taufaafefe a Uesele, sa ia fesili mai pe ou te manao ia Brent na te faia se faamanuiaga o Uesele.

O se taimi mulimuli ane, na oo mai ai Kendra, Brent, ma lo la atalii matua, o Tyson, i lo matou faitotoa o loo laei i ofu lotu. Sa vaivai Brent. Ou te mautinoa na alu atoa lona malosi sa i ai e sau ai i lo matou fale. Sa ia tuuina atu ia Uesele se faamanuiaga, ma sa tuuina mai e Tyson sou faamanuiaga.

O lena aso, o Kendra, Brent, ma Tyson o ni faataitaiga moni o auauanaga faaKeriso. Ua latou faataatia ese o latou lava tofotofoga ina ia ofoina mai ma le faamaoni le alofa ma le agalelei ia i matou. Sa ou lagonaina le faamanuiaina ona sa tali mai e le Tama Faalelagi lau tatalo i lenei auala faamoimoloto. Na maliu Brent i le lua vaiaso mulimuli ane.

I lena aso i lo matou aiga, na tu ai Brent o se molimau a le Atua e ala i le faaaogaina ma le amiontonu o le perisitua (tagai Mosaea 18:9). Ia te au, e paia lana auauanaga i lo matou aiga o se tasi lea o ana galuega mulimuli i le fogaelele. ■



O le Avevaalele Lototele

Saunia e Wayne L. Bell, Dakota i Saute, ISA

E leai se tasi na te luiina le faiaoga o toleniga, ae o le mea e ofo ai, na sii le lima o se tasi o alii talavou.

Le tele o tausaga ua mavae, sa ou auai ai i le Fuavaalele a le Iunaite Setete e auauna atu i lou atunu. E lei umi ae ou i ai i le tolauapiga a le militeli i Texas, ISA. Na telegese le alu o vайасо, a o ou onosaia mea e tele e masani ona oo i ai se tasi i tolauapiga a le militeli.

I se tasi aso sa ou auai i se fonotaga tele e silia ma le 200 o avevaalele, sa i ai uma i aoaoga faamasni na pei lava o au. Na amata le fonotaga i se tasi o a matou faiaoga o tolegiga—o lē sa masani ona alaga leotole ma ni upu le migao—sa ee mai, “E i ai se tasi e tetee i le ala o loo ou faia ai mea iinei?”

Io, e leai lava se tasi e lototele e tali atu, ae na tetei, i le sii o le lima o se tasi o alii talavou.

“Avevaalele, tu i lugal!” o le alaga lea a le faiaoga. “O le a le mea e te tetee i ai?”

Sa matou faalologo ma le toto'a a o tautino atu ma le leotole e le alii talavou, “Ou te tetee ia te oe i le ta'u fua o le suafa o lo'u Faaola. Ua tiga ai lou agaga. Ou te talosaga atu ia e taofia.”

Sa matuai filemu atoa le potu. Sa sioa atu le faiaoga ia te ia ona fesili atu lea i ai po o le a le lotu e auai ai. Na faaapea atu le avevaalele ma le mitamita, “O a'u o se tagata O Le Ekalesia a Iesu Keriso o le Au Paia o Aso e Gata Ai!”

Sa faafetai atu le faiaoga i le avevaalele ona o lona lototele e tautala atu, ma sa faauau le fonotaga. Sa i ai se

aafiaga tele o lena mea na tupu ia te au. Sa masani ona ou mafaufau ou te manao ia maua le ituaiga o lototele lea na i ai i le avevaalele.

ma feiloai atu ma lou toalua i faifeautalai, ma e lei umi ae ma papatiso.

I ni nai masina mulimuli ane, sa ou faatulagaina ni faifeautalai e asiati atu i



Ina ua maea le tolauapiga ma aoaoga faafomai, sa tofia au i se nofoga o le fuavaalele i Colorado, ISA. I se tasi aso, sa ou maua ai se tusi mai lou uso matua na tiute i le atu Filipaina. Na auai o ia i le fuavaalele pe a ma se tausaga na muamua ai ia te au. Sa ia tau mai ia te au ua avea o ia ma se tagata o le Ekalesia, ma sa manao o ia ia ou feiloai atu i faifeautalai. Sa vave ona ou toe manatuaina le aafiaga i le tolauapiga i le avevaalele lototele. Sa

lou uso laitiiti. Sa papatisoina foi i laua ma lona toalua. Ua maua nei e i matou ma ou uso ni aiga toatele ma ni fanau a fanau. Matou te alolofa uma i le Alii ma Lana Ekalesia.

Ou te le iloa le igoa o le avevaalele lototele. Ou te lei toe vaai lava ia te ia, ae o le a faavavau ona ou faafetai mo lona lototoa e tu atu mo mea na ia talitonu i ai. ■

Faatalitali i le Folafolaga

Saunia e Juana Moreno de Ruiz, Sonora, Mekisiko

Ua taumamao ese la'u tama teine mai le Ekalesia, ae ua ou iloa o le a faamanuiaina o ia i mea sa aoaoina ai o ia e uiga i le talalelei.

Ole toe tolu o masina atoa lo'u 21 tausaga, sa ou papatiso ai faatasi ma lo'u uso, lo'u tina, ma si ou tei tama e valu-tausaga le matua. I le aluga o tausaga, sa matou pipiimau pea i le talalelei e ui lava i le tele o o matou luitau.

Ina ua ma faaipoipo ma lo'u toalua, sa ma naunau lava ia tumau lo ma toaaga i le Ekalesia. Ina ua oo mai fanau, sa ma tau-mafai ma lo'u toalua ia avea ma ni matua lelei ma aoao atu le talalelei i totonus o lo matou aiga.

I se tasi aso sa ou auai atu ai i se kona-fesi ma le ma tama teine e tasi le tausaga le matua. I le kona-fesi, sa talanoa mai ai se Fitugafulu Eria e uiga i le tiutetauave o matua e aoao le talalelei ia latou fanau. Ona ia faia lea o se folafolaga na tuua ai se uunaiga tele ia te au. Na ia saunoa mai: "Afaia, pe a uma mea uma e mafai ona e faia e aoao atu ai le talalelei, ae tuua e se tasi o lau fanau le Ekalesia, o le a faamanuiaina pea lava i latou ona o le manatuaina o mea na latou oo i ai i le aiga."

O upu o lena Fitugafulu Eria na faatumulia ai au i le faamoemoe aua sa i ai ou tei na tuua le Ekalesia. I ni tausaga mulimuli ane, o la'u tama teine, le tamaitai lava lea e tasi le tausaga lea sa ou uuina i ou lima i le taimi o lena

konafesi, na tuua le Ekalesia ina ua atoa lona 17 tausaga. Sa feiloai o ia i se tagata sa le mauaa i le talalelei, ma sa la faaipoipo. Sa lei toe alu lava o ia i le lotu mulimuli ane.

O se mea sa tiga tele mo au. Sa ou fesili ifo pea lava pea ia te au lava pe o le a se mea sese sa ma faia. Sa ma

taumafai i taimi uma ma lona tama e tauasi polo-aiga ma auauna atu i le Ekalesia. Ma te alolofa i la ma fanau ma mananao i le mea sili mo i latou. Ina ua mavae le tele o loi-mata ma fesili, na iu lava ina ma faaiuina faapea o tamaiti e tuputupu ae, faaaoga lo latou fitalia, ma e le talitonu i taimi uma i mea na aoaoina ai i latou i le aiga.

Ae paga lea, sa malepe le faaipoipoga a la'u tama teine, ma sa lei manao lava o ia e toe foi mai i le Ekalesia. E na o le pau le mea e mafai ona ou faia o le manatua o le folafolaga o le a ia manatuaina ma faamanuiaina

ona o mea sa aoaoina ai o ia i le aiga.

O loo faaauau pea ona ou tatalo mo la'u tama teine. Ou te alofa ia te ia ma lou loto atoa, ma e tiga ia te au le vaaia o lona mamao ese mai le Ekalesia. Ae ou te iloa, e ui lava i ou le atoatoa, o mea na ou aoaoina ai o ia e sao ma moni. Ou te iloa o le Tama Faalelagi e tonu ma e alofa ma e faafogga o ia i a tatou tatalo. E aunoa ma se masalo-salo i lou loto, ou te iloa afai ou te faia la'u vaega, o le a ia tali mai ia i latou i le taimi lava Na te silafia ua sa'o. ■



"O Ai na Lavea ai La'u Tama?"

Saunia e Sandra Beatty, Ontario, Kanata

Sa ou vaai faalemafaufau i lou 'e'ē atu i le tagata na lavea ai la'u tama, ae peitai, sa oo ina ma faafesagai lelei lava ma le avetaavale.

Na faatoa uma lava ona ou tuua la'u tama teine i le fale o se ue ae ou maua se valaau mai lo'u toalua, o Ionatana. Sa ia tau mai ia te au o le ma tama e 11 tausaga le matua, o Aiden, ua lavea i se taavale a o la kolosia le auala.

Sa afe le avetaavale i le itu agavale i luma o Ionatana ma na te lei iloa atu Aiden i lana uila. Na so'a e le avetaavale luma o le uila a Aiden. Na lele o ia i le ea, o loo pipiimau pea i le uila, ma sasa lona ulu i le pito o le taavale ao alu ifo o ia i lalo. Ona ia pau lea i luga o le auala ma lana uila i ona luga. O le mea e faafetai ai, sa ia faia se pulou. Sa tutū mai le avetaavale ma le toatele o isi tagata e fesoasoani a o valaau e Ionatana se taavale a le falemai.

Na faafusei ona oo lou mafaufau ma lagona i se popolevale tele. Sa ou faatalise atu loa i le fetaulaiga ala lea na tupu ai le faalavelave, ma le faamoemoe ia maua atu le taavale a le falemai ina ia mafai ona ou i ai ia Aiden.

O mafaufauga o le osofaia o le avetaavale na saputu mai i lou mafaufau. "Po o le a lava le mafaufau o lenei avetaavale?" Sa ou mafaufau ai. "Pe na onanā? Pe na talanoa i a latou telefon?" Sa matuai ou ita lava ma popole tele. Sa ou le iloaina pe o le a le tugā o le lavea o Aiden.

Ina ua ou taunuutu atu i le nofoaga, ua alu ese le taavale a le falemai. Sa

na o ni taavale leoleo ma se taavale sa paka i autafa o le auala sa i ai pea i le nofoaga. Sa tu se tamaitai foliga faanoanoa i talaane o le taavale.

Sa ou faalatalata atu ia te ia ma fesili i ai, "Na e vaai i le tagata na lavea ai lau tama?"

Sa ia fai mai ma le filemu, "O au."

Sa ou vaai faalemafaufau ia te au lava o 'e'ē atu i le tagata faatamala lea sa lavea ai lau tama, ae ina ua ma faafesagai ma le avetaavale, na mou ese atu manatu le lelei. Sa ou tagi ma fusi mai o ia. Sa ia faatoese mai, ma sa ou tau atu ia te ia o le a lelei mea uma. Sa ou iloa mulimuli ane o upu tonu na a Aiden na fai atu muamua ia te ia a o lei taunuutu mai leoleo. I le faaiuga, na manuia Aiden ma na o nai maosiosia ma uno'oa.

Ou te faafetai ona i lena taimi taua, na faamanuiaina au e lo tatou Tama Faalelagi alofa i le malosi e tuuina atu ai le faamagaloga nai lo le ita, e ui lava ou te lei ole atu ia te Ia. Ou te iloa o loo Ia silafia i tatou ma ofoina mai ia i tatou i taimi uma Lana fesoasoani. ■





Alema 23-29

29 IUNI–5 IULAI

Ina ua mavae lo latou liua, na mananao sa Lamana faamaoni i se igoa fou e faailoga ese ai i latou lava mai isi sa Lamana ma e faatusa i ai lo latou liua ia Iesu Keriso. Sa latou faaigoaina i latou lava o Aneti-Nifae-Liae (tagai i le Alema 23:16–17). Tatou te faailoga i tatou lava i aso nei e ala i le tauaveina o le suafa o Iesu Keriso i o tatou luga.



TALANOAGA

E faapefea e le tauaveina i o outou luga o le suafa o Keriso i ou mafaufauga ma amioga i aso taitasi ona uunaia oe ia avea ma Ona sooo lelei atu?

O le A le Taua o se Igoa?

O se Faatusa o lo Tatou Liua



I le papatisoga, tatou te osi feagaiga e tauave i o tatou luga le suafa o Keriso. O taimi uma lava tatou te aai ma feinu ai i le faamanatuga, tatou te faafouina ai lena feagaiga. O le a le mea tatou te osi feagaiga e manatua ma faia, a o tatou tauaveina i o tatou luga Lona suafa? (Tagai Mosaea 18:8–9; Mataupu Faavae ma Feagaiga 20:77.)

O Se Molimau o Keriso



O Apostolo o ni “molimau faapitoa o le suafa o Keriso i le lalolagi atoa” (Mataupu Faavae ma Feagaiga 107:23). E mafai foi ona avea i tatou ma molimau a Keriso. E mafai faapefea ona outou tutu faatasi ma le perofeta ma apostolo ma avea o se molimau o le suafa o Keriso i tagata o siomia ai outou?

O se Punavai o le Mana



Talu ai nei, na fautuina ai i tatou e Peresitene Russell M. Nelson ia valaau le Ekalesia i lona igoa sa'o: O Le Ekalesia a Iesu Keriso o le Au Paia o Aso e Gata Ai. Sa ia folafola mai o le a liligi ifo le mana i luga o le au paia pe a tatou faia lena mea (tagai i le “O le Igoa Sa'o o le Ekalesia,” *Liahona*, Nov. 2018, 89). O a nisi o mea e mafai ona e faia e faaaoga lelei ai le igoa sa'o o le Ekalesia ma fesoasoani ai i isi ia faia foi faapea?





OKorioa o se aneti-keriso na talai atu “e faasaga i valoaga ia na fetalaiā e perofeta, e uiga i le afio mai o Keriso” (Alema 30:6). Na ia talai atu isi aoaoga sese ma taitai “ese atu ai loto o le toatele” (Alema 30:18).

E ui lava o lenei mea na tupu i le silia ma le 2,000 tausaga ua mavae, ae o le toatele o tagata i aso nei ua talai atu foi mea faapena. O a ni mea e mafai ona tatou faia e puipuia ai i tatou mai aoaoga sese i o tatou aso?

TALANOAGA

O ai o loo aoaoina mai i le asō mea pepelo? O a ni savali o loo latou auina mai? O a ni mea ua tuuina mai e le Atua ia i tatou e fesoasoani e tetee atu ma aoao ai le upumoni?

E Mafai Faapefea Ona Tatou Tetee Atu i Aoaoaga Sese?

► E Mafai Ona Tatou Maua a Tatou Lava Molimau

Na aoao atu e Korioa tagata “o le a leai se Keriso” ma “e le mafai ona faia o se togiola,” ma sa ia faafitia le i ai o le Atua (tagai Alema 30:12, 17, 28).

E mafai faapefea ona tatou iloa o loo soifua le Atua ma Iesu Keriso? O a ni mau ma ni aafiaga faaletagata ua faamalosia ai lau molimau e uiga ia i Laua?

► E Mafai Ona Tatou Faalagolago i Faaaliga

Na faafitia e Korioa le agaga o valoaga ma faaaliga. Sa ia taumafai ia talitonu tagata e “leai se tagata e mafai ona ia iloa se mea o le a oo mai” ma “e le mafai ona outou iloa e uiga i ni mea tou te le vaai atu i ai” (Alema 30:13, 15).

E mafai ona tatou vaai atu i perofeta ma aposetolo ina ia maua le afioga a le Atua mo o tatou taimi. E faapefea e le mulimuli i le perofeta ona puipuia oe mai aoaoga sese?

► E Mafai Ona Tatou Manatua o le Upumoni o le Upumoni

Na tau atu e Korioa i tagata e leai se auala e mafai ai ona latou iloa le mea moni (tagai Alema 30:24), ae na aoao mai Peresitene Russell M. Nelson: “O nisi mea e moni lava. . . .

“. . . O le upumoni e faavae i luga o tulafono ua faaveina e le Atua. . . . O tulafono e faavavau e faagaoioia ma aafia ai o tatou olaga

taitoatasi, e tusa lava pe tatou te talitonu i ai pe leai” (“O le Alofa ma Tulafono a le Atua” [Faigalotu a le iunivesite o Polika Iaga, 17 Sete., 2019], speeches.byu.edu). E mafai faapefea ona tatou iloa upumoni a le Atua, ma pe faapefea ona faamniaaina ai o tatou olaga?





Alema 32–35

13–19 IULAI




Ina ua uma ona faatusa-tusa e Alema le afioga a le Atua i se fatu (tagai i le Alema 32:28–43), sa fesili tagata ia te ia pe faapefea ona totō le fatu. Sa faaaoga e Alema le tala ia Mose ma le gata apamemea mai le Numera mataupu 21 e fai ma faataitaiga o le faatinoina o le faatuatua (tagai i le Alema 33:19–23).

TALANOAGA

Na pau le mea e fai e tagata Isaraelu o le vaai ina ia faamaloloina ai. O a nisi o mataupu faavae o le talalelei ua foliga mai e faigofie e pei o le "vaai"? O a uiga faaalia po o amioga e taofia ai i tatou i nisi taimi mai le ola ai i mataupu faavae faigofie o le talalelei?

E mafai faapefea ona e vaai atu i le Faaola i mea e te oo i ai i aso taitasi?

Aisea ua Faasoa Mai ai e Alema le Tala ia Mose ma le Gata Apamemea?



O Se Faatusa o Keriso

O se *faatusa* o se mea e suitulaga pe ua faataata mai ai se mea faitino po o se tagata. Ina ua utia tagata Isaraelu e gata uogo, sa sii i luga e Mose le gata apamemea, lea na avea ma se faatusa o Keriso. O i latou uma na faatinoina le faatuatua ma vaavaai atu i ai sa faamaloloina, e pei lava o i latou uma o e faatino lo latou faatuatua ia Iesu Keriso o le a faamaloloina faaleagaga.

O Nisi sa Faamaaa o Latou Loto

E tusa ai ma le faigofie o le vaai atu, o nisi o tagata na faamaaa o latou loto ma mumusu, ma na maliliu o se taunuuga o le utia. Aisea na latou le tetepa ai? (tagai Alema 33:20). O le a se mea ua aoao mai e lenei mea e uiga i le faatuatua ma le le talitonu?

Pe O Le A Faamaloloina Oe?

Afai e mafai ona faamaloloina oe e ala i le faia o se mea faigofie e pei o le vaavaai, e te le faia ea? Ua tuuina mai e Alema lenei fesili ma valaaulia i tatou e vaai atu i le Faaola e ala i le talitonu ia te Ia (tagai i le Alema 33:21–22).



Na faasoa atu e Alema lona aafiaga o le liua i lona atalii o Helamana. Sa ta'u atu e Alema ia te ia le auala na “tigaina ai [o ia] i le mafatia faavavau” ona o “[ana] agasala uma” (Alema 36:12–13). O le a sou lagona pe a e lagonaina le tausalaina mai le agasala?

Fanauina i la le Atua

Ina ua mavae aso e tolu o mafatiaga i le loto ma le agaga, sa i ai se manatu o Alema na faamāmāina ai le mafatia na ia lagonaina (tagai Alema 36:19). Sa ia molimau mai ua “fanauina [o ia] i la le Atua” (Alema 36:23). O le a se manatu na taitai atu ai i lona fanauina i la le Atua? (tagai fuaiupu 18.)

TALANOAGA

O le a se mea e mafai ona e faia e faauau ai ona e faalagolago i le Alii ma manatua Lana taulaga togiola?

E mafai faapefea ona e aumaia ni agaga se tele i le salamo ina ia mafai ai foi ona latou oo i le olioli tele ma faavavau?

E Faapefea ona Suia e le Salamo le Faanoanoa i le Olioli?



Olioli ina ua mavae le Faanoanoa Tele

Na oo Alema i le faanoanoa tele ona o ana agasala, ae ina ua ia manatuina ma valaau atu ia Iesu Keriso, na suia lona faanoanoa i le sua-malie ma le matagofie o le olioli o le faamagaloga (tagai Alema 36:20).



Faalagolago i le Atua

E ala i le manatuina o le Togiola a Iesu Keriso, na aoao ai Alema e faalagolago i le Atua ma iloa o le a sii ae o ia i luga i le aso gataaga (tagai Alema 36:3). Na faapefea e le manatuina ma le faalagolago i le Togiola a le Faaola ona aumaia ia te oe le olioli?



Aafiaga i le Tosina Atu i le Itupa e Tasi—

Pe o le a Toe Faafeiloai Atu Au e Tagata o le Ekalesia?

Saunia e Bouke "Bob" S. Ecoma Verstege

Faamatalaga mai le tusitala: Ou te faasoa atu lau tala o se faailoaga o lou agaga faafetai mo taitai o le Ekalesia ma tagata o le Au Paia o e na faafeiloaia au i aao mafola, na fesoasoani ou te toe foi mai ai i le toaga atoatoa, ma sa auauna faatasi ma au o ni soo o Keriso.

Le aso 27 o Iulai, 2013, ina ua mavae se taua umi ma le faamai o le Pepē o Matāuaola o le Faiai, na maliu ai lau paaga o le olaga mo le 25 tausaga. O Jay Eldredge o se fomai fatu lauiloa i le lalolagi. Sa ma auauna uma i ni misiona mo Le Ekalesia a Iesu Keriso o le Au Paia o Aso e Gata Ai a o ma laiti ae na ma taumamao mai le Ekalesia ona o le tosina atu i le itupa e tasi.

O le oti o Jay, e ui ina sa faafuasei, ae sa lofituina. Sa ou lagona le loto nutimomoia ma le tuulafoaiina ma le tuuatoatasi.

A o malaga atu i le fale ina ua maea le faiga o fuafuaga o le falelau-asiga, sa ou lagonaina le faatosinaga a le Agaga sa matuai lofituina au ma sa tatau ai ona ou tu i autafa o le auala. Sa ou iloa sa fetalai mai le Atua ia te au, ma valaaui mai ou te toe foi atu ia te Ia, ae sa ou tetee atu. "E te le o vaai mai a o loo ou mafatia?" Sa ou fai atu leotele ai. "E le mafai ona ou toe alu i le lotu i le taimi nei."

Ae o le tele lava o lo'u tetee, o le tele foi lea o le Agaga na oo mai ia te au, ma valaaulia au ou te toe foi i le lotu.





Pe O Le a Taliaina Au?

Sa ou matuai popole lava e uiga i le toe foi atu i le lotu. Ou te lei toe alu i se sauniga faamanatuga i le 25 tausaga. Pe latou te talia ea au? Pe ou te taliaina i latou? O le a se tala a le epikopo e fai mai? Sa ou lagona le popole ma le le mautonu ma sa mamafatū pea lou loto i le faavauvau.

Ae o lau molimau i le talalelei e lei maluelue lava i na tausaga uma. Sa ma alolofa ma Jay i le Ekalesia ma ona mataupu faavae taiala—e pei o le, alofa mama, alofa mutimutivale, ma le faamagaloga. Sa ou iloa o Keriso o lo'u Faaola ma o Lana Ekalesia o Le Ekalesia a Iesu Keriso o le Au Paia o Aso e Gata Ai. Sa ou iloaina lava talu mai lo'u liua ma lo'u papatisoga i le 14 o ou tausaga. Ou te le fia faafitia lena mea i le taimi nei.

Mulimuli ane, ina ua uma ona aofai mai le lototele sa manaomia, sa ou telefoni loa i le uarota a Linwood i New Jersey, ISA, e sue po o le a le taimi e amata ai le sauniga faamanatuga.

A o latalata mai le Aso Sa, sa faia e le fili ni poloka se tele i lo'u ala lea semanu e fai-gofie ai lava ona taofia au mai le auai. Ou te matuai faafetai lava ona sa faaauau mai pea le Agaga Paia.

Sa ou lagona le popole a o ou ulu atu i totonusi o le tale, ae na toe faamautinoa mai ia te au e le viiga amata o le sauniga faamanatuga ua ou toe i ai i le aiga. O le viiga “O Mai, Outou le Au Paia” (*viiga*, nu.17) na valaaulia malosi le Agaga lea na maligi ai o'u loimata. Sa ou iloaina i lena lava taimi, sa silafia e le Tama Faalelagi a'u ma le faanoanoa tele na ou lagonaina.

O lena viiga ua avea ma se ituiga o vii e le aloaia mo le Ekalesia, ae ua avea foi ma lau lava vii patino.

“O Mai,” ua valaaulia ai au e le viiga. “E ui ina mata faigata, o le a manuia.”



TAGATA E AUAI ATOATOA

“O se tasi o loo mulimuli i feagaiga ma tulaga faatonuina ma aoaoga o le talalelei a Keriso—e ui atonu o loo latou feagai ma le tosina atu i le itupa e tasi—e leai lava se mafuaaga e le mafai ai ona latou auai atoatoa [pe] o se tagata e auai atoatoa o le Eklesia ma umia valaauga ma tautala atu ma ulu atu i le malumalu ma auaua atu ai iina. Ma o isi avanoa uma ma faamanuiaaga e mafai ona maua mai i le auai i le Eklesia o le a avanoa ia i latou.”

Elder D. Todd Christofferson o le Korama a Apostolo e Toasefululu, “LGBT People Who Live God’s Laws Can Fully Participate in the Church” (vitio), [ChurchofJesusChrist.org/topics/gay](https://www.churchofjesuschrist.org/topics/gay).

Sa faigata la’u malaga. Ae *na* faatasi mai le alofa tunoa ia te au e pei ona folafola mai.

Sa agalelei ma taliaina au e Epikopo Darren Bird ma isi tagata uma o le faapotopotoga. Sa latou taliaina au o lo latou uso ia Keriso.

Faalelei ma le Atua, e ala ia Keriso

E ui i lea, o upu o le “O Mai, Outou le Au Paia” sa tele atu se uiga ia te au, a o ou lagonaina le taitaiina o au e le Tama Faalelagi i le auala e tatau ona ou faaauau ai.

*E i ai se nuu ua saunia e le Atua,
Mo tatou i Sisifo,
E le i ai ni e faasaua mai;
Manuia ai tatou.*

Sa ou alu i Sisifo ma faatau ai se fale i Fountain Hills, Arisona, ISA, lea na ma feiloai ai ma Epikopo Jerry Olson. Ina ua ou talosaga e feiloai ma ia ma faatalofa atu ia te ia, sa faagaeetia au e le Agaga o le a fesoasoani mai lenei tagata e toe aumai au i le toaga atoatoa i le Eklesia.

Ina ua amata ona ou asiasi atu i le epikopo ma ulu atu i lenei faaleleiga ma le Tama Faalelagi, sa ou molimaunina le tele o vavega faaleagaga. Sa ou talanoa sao atu i

le epikopo, lea sa ia faafetai ai. Sa ia fai mai na fesoasoani ia te ia e malamalama lelei ai i le mea sa ou i ai ma le mea ua ou i ai i le taimi nei i le ma mafutaga ma le Atua. Sa ia tau mai foi ma le alofa ia te au o le taimi muamua lea sa ia maua ai se avanoa e auaua atu ai i se tasi na tosina atu i le itupa e tasi, ma sa ia talosaga mai mo lo’u onosai ma le faamagaloga pe afai na te tau mai pe faia se mea e faatiga ai au i le faagasologa atoao.

Sa ou faafetai ia te ia mo lona faamaoni ma fai atu, “Ia, o lo’u taimi muamua foi lea. O le a ta aoao faatasi.”

Sa faapea ona amata ai se malaga matagofie ma se faauoga!

E lei umi ae ou faia se fuafuaga faatinu i le auala e toe avea ai ma se tasi o le au paia. Sa ou taliaina le fautuaga alofa ma le agaga tatalo faatasi ma se loto faafetai ma amata loa le faagasologa.

O Le Filemu i le Malumalu

Mulimuli ane, a o ou mulimuli i lena fautuaga ma galue malosi e faalatalata atili atu ia Keriso, sa ou maua ai le toefuataiga o lou perisitua ma faamanuiaaga o le malumalu ma taliaina ai se valaauga e auaua atu i le korama a toeaina. I le malumalu paia, ao ou talanoa atu i le Tama Faalelagi, sa Ia faailoa mai ia te au le tele o Lona alofa i Ana fanau uma. Sa ou lagonaina le toofilemu ma se manao loloto e faafafia ia te Ia.

O ni masina mulimuli ane, na valaauna ai se epikopo fou, lea na ou atiina ae foi se faigauo alofa. Sa silafia e Epikopo Larry Radford lo’u tulaga ma talisapaia la’u auauanaga i le korama a toeaina, lea na ia fai mai ai, sa ou auaua atu ai ma le alofa ma le tuuto e le



gata mo le korama ae faapea foi—ma le mea e sili ona taua—mo le Atua. O ana upu agalelei ma faamalosiauga na fesoasoani ou te lagona ai sa fiafia le Alii ma ou uso a Au Paia i la'u auaunaga.

O loo ou auauna atu nei ma le faamaoni o se failautusi a le uarota.

Malamalama Po O Ai Au

O le i ai o le tosina atu i le itupa e tasi ma le avea ma se tagata toaga o le Ekalesia e le faigofie i taimi uma. Ae ao ou tuuina atu lo'u faatutua atoa ma faalagolago i le Atua, ou te lagonaina Lona faamalosia o au. O le a le masalomia lava le faapea mai o le au faitio ou te le faamaoni i le tagata ua avea ai au pe ua ou le faafafiaaina le LGBT + nuu.

Ua ou malamalama i lo latou le fiafia, ma e mautinoa lava ou te lei mauaina uma ni tali. E na o lo'u lava aafiaga e mafai ona ou tautala i ai. Ma o lena aafiaga ua aoaoina ai au: o au o le atalii o le Tama Faalelagi, o se atalii o le Atua. E na o le tasi ma e pau lena o le faalagiga e ttau ia te au. O se taunuuga, ou te taumafai e aua nei faatagaina igoa a le lalolagi e faamatala ai au. Ou te fefe o lena mea o le a tuuitiitia ai lo'u gafatia ma le alualu i luma e faavavau.

E poto tele Satani. Na te iloa o le faaaogaina o igoa, e mafai ai ona ia vaevaeina i tatou o se nuu ma se lotu.

Faatasi ai ma lena vaaiga i le mafaufau, o filifiliga ou te faia e le faavae lea i luga o lo'u tosina atu i le itupa e tasi ae o le auala e avea ai ma se soo moni o Keriso *e i ai le* tosina atu i le itupa e tasi. E pei ona fai mai ai Nifae:

“Le Alii e, ua ou faalagolago ia te oe, ma o le a ou faalagolago pea ia te oe e faavavau. O le a ou lē tuu atu lo'u faalagolago i le lima o le tagata. . . .

“. . . Ioe, ua ou iloa o le a foai tele mai le Atua i lē e ole atu. Ioe, e foai mai lo'u Atua ia te a'u, pe afai e lē sese ona ou ole atu; o le mea lea o le a ou sii a'e ai lo'u leo ia te oe; ioe, o le a ou tagi atu ia te oe, lo'u Atua e, le papa o lo'u amiontu. Faauta, o le a alu a'e pea i luga e faavavau lo'u leo ia te oe, lo'u papa ma lo'u Atua tumau-faavavau” (2 Nifae 4:34–35).

Alofa o O'u Uso a Au Paia


I le taimi atoa lava o lo'u toe foi mai, sa ou lagonaina le mafutaga alofa a ou taitai ma uso a Au Paia, e aofia ai tagata malolosi ma le malolosi o le LGBT+. Sa ou maua se nofoaga e mafai ona ou tupuola-ola ai. Sa ou mauaina i totonu o i latou uiga auaumamā o Keriso lea sa ou fesootai i ai i taimi uma ma lo'u faatuatua: alofa mutimutivale, agaalofa, malamalama, ma le mea sili, o le alofa.

A o ou tauivi ai i le ala faatasi ma lo'u Faaola, sa ou lagonaina le mafanafana ma le filemu a o ou liliu atu ia te Ia, i le iloinaina ou te lei savalia na o au lena ala. Sa i ai iina ni epikopo i ou autafa. Uso o la'u

korama. Tuafafine i le uatota Sa fesili mai foi se alii talavou i le uarota ia te au pe mafai ona ou faauuina o ia o se ositaulaga. Sa matuai faagaeetia au i lana valaaulia agalelei. Sa ia vaai mai ia te au o se alii o loo umia le perisitua a le Atua, ma e mafai ona ia faaaogaina lena perisitua i auaunaga i isi.

O nei avanoa e auauna atu ai ma tapuai ma au uo a Au Paia ua siitia ai au ma—faatasi ai ma le tele o faamanuiaga na ou maua mai le Alii—na fesoasoani ou te maua ai le alofa, malamalama, ma le talaina lea sa ou manaomia.

Na fetalai mai le Faaola, “Ou te le tuua outou o matuaoti: ou te sau ia te outou” (Ioane 14:18). E moni na upu! Sa ou manao-mia le faamafanafanaga, ma sa oo mai o Ia ia te au, e sili atu nai lo mea e mafai ona ou mafaufauina. ■



O LE FALEIE O LE TALALELEI

“O le faleie o le talalelei e matua lava lona tele mo tagata uma o loo i ai se manao e mulimuli i le Alii. Soo se taimi lava e fai mai ai se tagata pe lagona foi le faafeagai o lena mea, ou te mafaufau ia Bob Verstege ma moomoo ia mafai ona latou feiloai ia te ia ma auauna atu faatasi ma ia. O Brother Verstege o se faataitaiga soifua lea o le mea e mafai ona faia e le Togiola a lesu Keriso pe a faatinoina. I le avea ai ma se epikopo, ua siitia au, aoaoina, ma uunaia e lenei alii lotomaulalo i aso taitasi.”

Epikopo Larry Radford, Uarota a Foutain Hills, Siteki a Scottsdale Arisona i Matu

Autalavou Matutua

I Le Vaega Lenei

46 O le Pogai na Finagalo ai
le Tama Faalelagi la Ou
Maua le A'otauina

Saunia e Gloria Cornelio

50 O le Mea e Tasi e uiga i le
Lumanai e Mafai ona Ou
Pulea

Saunia e Laura Campaner

Na o Polokalama Faakomepiuta

O Mea e Manaomia e Maua ai o
Tatou Manaoga Amiotonu

Saunia e Marc Deo Dela Cruz

O le Faapefea, Aisea, Afea, ma o
Fea o le Sefeina o Tupe

Mea Mautinoia e 5 i se Lalolagi lē
Mautinoia

Saunia e Meg Yost

Saili nei tusiga ma isi:

- I le [liahona.ChurchofJesusChrist.org](#)
- I le [YA Weekly](#) (i lalo o le vaega mo Autalavou Matutua i le Gospel Library)

Faafetaiaia o le Lumanai lē Mautonu i le Faatuatua

O ua o se tagata e fuafuaina fuafuaga. Ou te fia iloa le mea e faamoe-moe e tupu i aso uma, ina ia mafai ona ou saunia i ai. Ae **e faapefea ona ou saunia mo le lumanai** pe a matua mamao ma lē mautinoia?

E telē le olaga. Ua matua telē naua le lumanai! E tele naua mea e mafai ona tutupu! E tele naua mea e mafai ona ou faia! **O nisi taimi e lofituina ai avanoa.**

E tele naua mea ou te manao i ai: o se toalua, o se galuega lelei, ia nofo i se atunu mamao, ia i ai sa'u pusi, ia tusi se talafatu, e aoao le faaRusia . . . Ae ou te iloa foi o manaoga ma sini e sua. E fesuiai mea e faamuamua.

O le faamuamua e tasi e le tatau lava ona toe sua o lo **tatou tautinoga i le Atua ma Lana fuafuaga**. Faatasi ai ma Lana silasila mamao, e **mafai ona tatou agai atu i se lumanai** e tumu i fesili aua o le a la fesoasoani ia i tatou e sue ia tali, e tasi le laa i le taimi. Pau lava le mea, e ao ona fai le filifiliga sili ona lelei e mafai ona fai i laa taitasi.

I le vaega lenei, ua faasoa mai e le autalavou matutua o latou aafiaga patino i le auala latou te fuafua ai mo lo latou lumanai faatasi ai ma le fesoasoani a le Tama Faalelagi ma le **aula latou te agai ai i luma ma le faatuatua** pe a latou feagai ma le tele o le le mautonu.

Pe a oo mai i le lumanai, ua matua tele fesili, ae o lona uiga la **o loo i ai le tele o le gafatia**. E i ai foi lo tatou gafatia—gafatia faalelagi e avea ai e faapei o lo tatou Tama Faalelagi ma Lona Alo, o lesu Keriso.

Ma o lena mea ua matagofie ai lo tatou lumanai.

Meg Yost

Faasoa Mai Lau Tala

E i ai sau aafiaga e faasoa mai? Pe e te manao e vaai i ni tusiga e uiga i ni mataupu faapitoa? Afai o lea, matou te fia faalogo atu ia te oe! E mafai ona e tuiuina mai lau tusiga po o ou manatu faaalia i le [liahona.ChurchofJesusChrist.org](#).



O le Pogai na Finagalo ai le Tama Faalelagi ia Ou Maua le A'otauina

Saunia e Gloria Cornelio

Po o a lava ou
manaoga
amiontonu, o le
a saunia e le
Tama Faalelagi
se ala mo oe e
te ausia ai.

Talu mai lo'u laitiiti, sa ou manao lava i taimi uma e faia ia mitamita lo'u Tama Faalelagi ma lo'u aiga o i ai nei ma le lumanai. Sa ou manao ia maua aoaoga uma ou te mafaia e faaleleia ai au lava ma lou olaga.

I lou atunu, o Peru, o aoaoga lelei e taugata tele ma, i nisi o eria, e matua le mafaia lava. E lei maua e lo'u aiga ia punaoa uma e lagolago ai foi lau aoga. Ae na aoaoina au e ou matua, o le galue malosi, ia filiga, ma ole atu i le Tama Faalelagi mo se fesoasoani e mafai ona fesoasoani ina ia taunu ai o tatou manaoga amiontonu. Ma sa ou fuafua e galue malosi.

I le tulagalua ma le aoga maualuga, sa ou maelega ai lava i au suesuega ina ia mafai ona ou faaleleia au lava i tausaga taitasi. Ina ua maea le aoga maualuga, sa taliaina au i le lunivesite e sili ona maualuga o Peru ma maua ai se sikolasipi lelei. A o i ai iiina, sa ou galue i le tele o faalapotopotoga, e aofia ai se galuega faataitai i se faalapotopotoga o le lalolagi, ma maua ni avanoa e taitai ai le tele o ituaiga o galuega faatino eseese.

I le taimi o lena galuega faataitai, sa ou lagona ai e pei o se avanoa sili mo au le mauaina o se aoaoga i le gagana Peretania. O lea na ou filifili ai e siitia atu i le lunivesite o Polika laga–Idaho. Sa lofituina le lagona, ae sa ou iloa o le a fesoasoani mai le Tama Faalelagi ia te au e ausia lenei sini—sa na o lo'u faatuatuaina lava o la ma faia la'u vaega.





O a'u o le tagata
aoga muamua
faavaomalo ua
mauaina se tikeri
e ala atu i le
BYU-Pathway i le
Lalolagi Atoa.

O Se Suiga o Fuafuaga

Sa tuu ou te alu i le IPI-Idaho, ae i le taimi o le faagasologa o le talosaga, sa ou lagonaina se uunaiga malosi e tatau ona ou auauna atu i se misiona a o lei siitia atu iina. O lea na ou mulimuli ai i le finagalo o le Tama Faalelagi ma valaaolina ai au e auauna atu i Trujillo, Peru. Ina ua ou toe foi atu i le fale, sa ou fuafua ou te toe foi i le lunivesite i Peru ona sa ou lagona le pei e vave ona ou maua se faailoga iina. Ae peitai, sa ou iloaina o au sikolasipi sa faaleao-gaina ona sa ou tuua au suesuega mo le sili atu ma se tausaga e auauna atu ai i lau misiona.

Sa lofituina a'u ma lé mautonu. Sa ou le iloa po o le a le mea a fai. Ou te lei iloa pe aisea ua uunaia ai au e auauna atu i se misiona pe afai o lona uiga o le aveesea o lou avanoa e maua ai se tikeri o le kolisi.

Ae i se tasi aso, na ou manatuaina ai lou peresitene o le misiona o tau mai ia i matou e uiga i le BYU-Pathway Worldwide. Sa ia valaaulia i matou e faaleleia atili a matou Igilisi ma ia tulimatai atu i lenei avanoa pe a matou toe foi mai i le fale—ma sa ou faia!

O Lau Malaga ma le BYU-Pathway Worldwide

Sa ou iloa o le faamatala mai e lou peresitene o le misiona e uiga i le BYU-Pathway Worldwide e le o se mea na tupu fua. Ina ua ou amata i le polokalama o le Pathway, na manaomia ai lou malaga i le toeitiiti tolu itula i vaiaso taitasi ou te feiloai ai ma lau vaega. Sa ou ositaulagaina ni mea se tele, ae na ou iloaina le mauaina o se aoaoga e taua uma ia te au ma le Alii. Ma o na taulaga na oo atu ai i le tele o faamanuiaga.

O le BYU-Pathway Worldwide sa avea ma faamalama o avanoa sa ou sailia. Na ou maua ai le avanoa i le aoga i se tau taugofie, faatagaina ai au e taofia se galuega, ma sa fesoasoani ia te au ia maua se aoaoga i le gagana Peretania. Ma e ala i na mea uma, sa ou maua ai ni uo maoae o e sa uunaia au ia ou lototeli ma faaau-aa pe aua ou galue agai i au sini. Ua ou lagonaina le malosi sili atu faaleagaga ma ua avea ai au ma se soo e sili atu o lesu Keriso.

Na iu ane, o au le uluai tamaitiiti faavaomalo na maua se faa-iloga tikeri i le BYU-Pathway Worldwide. Ua tatalaina e aoaoga ni avanoa ofoofogia mo au. Ua avea nei au ma se tagata faapitoa o le Uelefēa ma le ola-tutoatas i mo le Eria i Matusisifo o le Ekalesia i Amerika i Saute, ma o au foi o se faifeautalai volenitia mo le BYU-Pathway i Peru. Ua ou vaai i le tele o le malamalama i tamaiti aoga

taitoatasi, ma ou te uunaia i latou e agai i luma e pei lava ona uunaia ai au e au uo i le taimi o le aoga. O le malaga lenei, ua ou iloa ai sa faatasi le Tama Faalelagi ma au i laasaga uma o le ala.

E Finagalo le Tama Faalelagi ia Tatou Manuia

Ua faamalosia e la'u malaga la'u molimau e uiga i aoaoga. Ma o loo ou fuafua pea e faatumauina le tuputupu ae ma le aoaoina i le tele o mea ou te mafaia i aso taitasi. O loo tatou i ai i le lalolagi ina ia alualu i luma, ia tofotofoina, ia tuputupu ae, ia faamaonia lo tatou usiusitai, ma ia faalagolago i le Faaola ina ia agavaa e toe foi atu i lo tatou Tama Faalelagi. I le Atua, "o mea uma . . . e faale-agaga"—e aofia ai le aoaoga (tagai Mataupu Faavae ma Feagaiga 29:34). O aafiaga uma ua tatou maua ma le malamalama tatou te maua i le lalolagi o le a fesoasoani ia i tatou e avea atili ai e pei o lo tatou Faaola ma o le a saunia ai foi i tatou e faia ni faiiuga sili atu, ina ia sili atu ai le auaunaga i le lalolagi, ma ia avea ma ni meafaigaluega sili atu i Ona aao.

O le a'otaunina e tuuina mai ai se ala e maua ai le malamalama ona faatino lea, e tu atu mo le upumoni ma le mea sao, ma ola ai i se olaga e finagalo ai lo tatou Tama Faalelagi mo i tatou—o se olaga e tumu i le olioli.

Oute iloa e faamanuiaina e lo tatou Tama Faalelagi a tatou tau-mafaiga, aemaise lava pe a manaomia ona alualu i luma le manao o o tatou loto ma auauna atu ia te la ma Ana fanau. Ou te iloa a la tuuina atu i Lana fanau le taitaiga, "o le a saunia e ia se ala mo i latou ina ia mafai ai ona latou faataunuina o le mea ua ia poloainia ai i latou" (1 Nifae 3:7). E finagalo o la ia tatou manuia!

E tatau ia i tatou taitoatasi ona faaaoga avanoa taitasi mo a'otaunina ma le tuputupu ua tuu e le Alii i lo tatou ala, pe e ala mai le BYU-Pathway po o se isi lava avanoa faaleaoaoga. E alofa o la ia i tatou ma o le a la taitaiina pea i tatou. E finagalo o la ia tatou aoaoina mea uma tatou te mafaia iinei i le lalolagi. Ma ou te iloa e mafai ona tatou oo i ni wavega maoae pe a tatou galulue fiafia ma filiga ma faalagolago i Lana taitaiga. Ua ou iloa o loo ia te au. ■



O Gloria Cornelio e mai Lima, Peru. E faamemelo o ia i le mafaia o se mea e faigata ona faia, auauna atu i isi ma faaleleia olaga, aoao atu, ma aoaoina i taimi uma le tele na te mafaia, ae maise lava i isi aganuu.

Ina ia iloa atili e uiga i le BYU-Pathway le Lalolagi Atoa, alu i le byupathway.org.



A'OTAUNINA MO SE LUMANAI E SILI ATU

Ua faasoai mai e le autalavou matutua le auala ua avea ai le mauaina o le a'otaunina ma ki i le lagonaina o le faamoemoe sili atu e uiga i le lumanaia:

"Sa ou fanau ma ola ae i Honduras—o se atunu e tumu i avanoa ae e faigata i le olaga. Sa ou ola ae ma faalogologo i tala e uiga i le auala na saili ai e ou tuaa i taimi uma ni avanoa e fesoasoani ai i le faia o le isi tupulaga ia sili atu le lelei.

"Faafetai lava i osigataulaga a ou matua, na ma maua ai ma lou uso le a'otaunina e sili ona lelei. Na oo ina ou iloa o le a'otaunina e le o faatapulaaina i se tikeri o le kolisi. O le a'otaunina e fesootai i le lagi.

"Afai tatou te saunia, o le a tatou le matatau ai lava. O le a'otaunina o se poloaiga mai le Tama Faalelagi, ma ua la tuuina mai ia i tatou le folafolaga e faapea afai o le a tatou tausia Ana poloaiga o le a tatou manuia i le lauelele (tagai i le 2 Nifae 1:20). O le a'otaunina ua fesoasoani ia te au e fatu ai, tuputupu ae, ma saunia e avea ma sooga aupito malosi o au augatupulaga, ma ua faatagaina ai au e fesoasoani atu i isi ia faia foi faapea."

— Sara M. Barlow, Tegucigalpa, Honduras

"O le a'otaunina ua fesoasoani ia te au ou te iloa ai ma faailoa ai lau matafaioi ma le nofoaga i le aiga o tagata, ma ua aumaia ai ia te au le tele o le olioli."

— Keriata Kurene, Canterbury, Niue Sila

"O le a'otaunina ou te lagona ai o lau galuega i le lumanai, e mafai ona avea ai au ma se malamalama i lenei lalolagi ma talai atu le talalelei."

— Claudio Acuña Thomas, Antofagasta, Chile

O le Mea e Tasi e uiga i le Lumanai e *Mafai* ona Ou Pulea

Saunia e Laura Campaner

Olena leo itiiti i totonu o lou ulu sa faigata ona ou le amanaaina. O lenei ua 28 ou tausaga, o loo nofotoatasi pea ma ou te le mautinoa pe o le a se mea ou te manao e fai faapolofesa e ui lava ina sa ou maua se galuega lelei o se tausisoifua faatosaga. Sa ou lagona le pei o vaega uma o lou olaga e le o lelei. Sa ou masalosalo i filifiliga o le olaga ma sa ou le iloa po o fea le auala e ui ai. Sa na o lo'u lagonaina o le lē mautonu.

I se tasi aso a o ou lagonaina le lē fiafia, sa valaau mai se uo ou te lei toe talanoa i ai i se taimi umi lava. Ina ua ia fesili mai po o a mai au, sa ou faamatalaina atu i ai na lagona uma sa ou tauivi ai. Sa faalogologo mai ona ia fai mai lea, "Ua lelei, ae o faapefea mai oe faaleagaga?"

"Oi ioe, lelei atoatoa lava," sa otometi lava lau tali atu. "E lei i ai se isi taimi ua ou lagonaina ai le latalata atili atu i le Atua i lou olaga."

Sa ia tali mai, "O lona uiga la e le tatau ona e popole i se isi lava mea."

Talitonuga i le Fuafuaga Atoatoa a le Atua

Talu mai le talanoaga, sa ou iloaina ai ni mea se lua. Muamua, na ou iloaina ou te matua faafetai i le i ai o [sau] molimau malosi i le talalelei toefuataiina, ma le mafai ona ola i poloaiga ma lagona le fesootai ma le lagi.

O le ola tutoatasi faaleagaga e taua tele ia te au, ma o loo ou aoao pea i le auala e tatala ai le lagi i lou olaga. O le tatalo ma le suesueina o tusitusiga paia i taeao uma o ni mea faigofie se lua ou te lagona ua faia ai se eseeseaga tele i lou gafatia e maua ai faaaliga patino. Ou te lagona foi le fesootai atili ma le lagi pe a ou faia se taumafaiga e agalelei, ia ola i se olaga maloloina ina ia mafai e le Agaga ona avea ma au soa, ia usitai i poloaiga, ma salamo ma le faamaoni.

Lona lua, sa ou iloaina o lau tali i le fesili a lau uo e lei matua sa'o lava—sa ou faapea sa ou "atoatoa" faaleagaga, ae sa ou

manaomia le i ai o le faatuatua sili atu, taofi le popole tele, ma faalagolago i le Atua e faia mea e le mafai ona ou puleaina.

E tusa lava pe o nisi o vaega o lou olaga e le o lelei tele e pei ona ou manao ai, ae ou te iloa o le mea taua o le faatino lea o le faatuatua ma faaali atu i le Atua ou te faaaogaina lou fitalia e fai ai filifiliga lelei. Sa ou aoaoina afai e le sologa lelei le olaga i le ala ou te manatu i ai, o le mea lena e mafai ai ona ou aoao ma tuputupu ae i auala o le a le mafai ona ou oo i ai i se isi tulaga.

Ou te lei mafaufauna o le 29 o ou tausaga o le a ou lagonaina ai le le mautonu e uiga i lau matata ma le isi tulaga o lou olaga. Ae peitai, e ui lava i nei mea uma e le mailoa, ua ia te au le talitonuga atoa o loo i ai se fuafuaga atoatoa a le Atua mo au. Na te silafia lelei le mea o loo tupu ma mea ou te manaomia, ma o le a la tausia lava au i taimi uma (tagai i le Mataio 6:28–34). E pei lava ona aoao mai Elder L. Todd Budge o le Fitugafulu, “E ui ina faigata ona malamalama i ai, ae maise lava i taimi o o tatou olaga e malolosi mai ai matagi ma sousou ai le sami, e mafai ona tatou maua le toafimalie i le iloaina o loo uunaia atu pea i tatou e le Atua i Lona agalelei le iu e agai atu i le aiga” (“Faalagolago Tumau ma Malosi,” *Liahona*, Nov. 2019, 48).

Faateleina le Talitonu; Faaitiitia le Popole

O nisi aso e lagona ai le faigata tele o le olaga, ae pe a ou matua mafaufau lava i ai, ou te iloa e le tatau ona ou popole. Mai lea vaega i lea vaega, ua ou iloa ai e tatau ona ou faalagolago atili i le Atua ma itiiti le popole i mea e le mafai ona ou puleaina. O le mea e tasi e *mafai* ona ou pulea e uiga i le lumanai o le talitonu i le Atua ma galue ia latalata atili atu ia te la i aso uma.

Pe a ou lagona le lē mautonu, e lava lava le malamalamo au e laa ai i le lē mailoa ma agai ai i luma. Ma afai ou te faaaogaina le faatuatua ma tausia au feagaiga, pau lava le mea ia ou manatua lou faasinomaga moni o se afafine o ni Matua Faalelagi ma taumafai pea lava pea, o le a tutupu mea i le taimi ma le tulaga e tatau ona i ai, ma na o le pau lena o le mea e taua moni lava. ■



Na tuputupu aeLaura Campaner i le itu i saute o Farani i se aiga Sepania. E faigaluega o ia o se faatosaga ma e vaavaai e le aunoa mo mea fou e fai. E fiafia o ia e faatasí ma tagata ma e maofa i aganuu eseese.

“I taimi o o tatou olaga e malolosi ai matagi, . . . e mafai ona tatou maua le toafimalie i le iloaina o le Atua i Lona agalelei e le iu o le a uunaia atu i tatou i taimi uma agai i lo tatou aiga.”

— Elder L. Todd Budge o le Fitugafulu



Ou te fiafia tele e kuka, e sili atu i lo se isi lava mea.

Ou te faia paluga mo pau pai ma mea faapena, tamai keke, tamai kuki, kuka o aano o manufasi ma araisa—o le mea moni, o soo se mea lava! Ou te fiafia foi e faiaoga i vasega. Ou te fiafia i soo se taimi e valaaulia ai au e faiaoga i se vasega a Tamaitai Talavou.

Sa ou sau i le konafesi o le MMA ua sa i ai sa'u fesili sa ou fia maua se tali. E i ai sa'u sikolasipi ou te alu i le kolisi, ae ou te lagona e tatau ona ou auauana atu i se misiona. A ou alu, o le a leai sa'u sikolasipi. Ae afai ou te nofo ma avea ma se fai-aoga, e mafai ona ou galue ma totogi la'u aoga i le taimi lava lea. I le taimi o le MMA, sa talanoa ai se tasi o uso e uiga i lona faamanuiaga faapeteriaka. O loo ou sauniuni e maua lo'u lava faamanuiaga faapeteriaka i le taimi nei, ma ou te faamoemoe a ou mauaina, o le a sili atu ona ou iloa ai le mea ua fuafuaina e le Tama Faalelagi mo au. Ou te fiafia i polokalama a le autalavou ma le MMA ona latou te faamalosia le autalavou. Ona o le mea moni, tatou te manaomia uma lava le filemu.

Mo sina taimi ina ua uma ona ou papatiso, sa ou nofo ai ou te le'i toe alu i le lotu, ona ou toe alu lea mo sina taimi, ona toe nofo foi lea. Ae sa asiiasi mai ia te au tagata o le uarota ma valaaulia au e toe foi mai. Sa latou tau mai ia te au ua misia ma manaomia au e le Eklesia ma le au paia. Sa tonu ia te au e toe foi mai, ma ua ou toaga lava talu mai lena taimi. Sa ou iloaina le tele o lo'u manaomia o le Eklesia. E mafai ona ou tatalo i le Tama Faalelagi ma maua se lagona lelei, ma e mafai ona ou lagonaina le Agaga. Ma o lea la ua ou i ai iinei!

Adriana T. (agavale i le pito), 17 tausaga,
Repapelika o Tominika

I LE VAEGA LENEI



54

54 O Lo'u Aiga Tuai, Fou Lava

Saunia e Leonardo Conceição

56 Filifilia o le Ala Sa'o ma le Vaapiapi Nai Io le Ala Lautele

Saunia e Elder Takashi Wada

60 Lesona Faatino o le Afiafi Faaleaiga: O le Faaaogaina Lelei o Lou Taimi

Saunia e Natasha Andersen

62 O La Tatou Avanoa

64 O Le Upu Mulimuli: Molimau ma le Liuaina

Saunia e Elder David A. Bednar

65 Tagata mai le Tusi a Mamona: Amoleka ma Alema

O Lo'u Aiga Tuai, Fou Lava

Afai e te faatagaina, e leai se mea e le mafai ona suia e le talalelei.

Saunia e Leonardo Conceição

Sa sii i luga e faifeautalai se ata. "O le a le mea o e vaaia?" na la fesili mai ai.

"O se aiga fiafia," sa ou tali atu ai.

"Pe o fiafia aiga uma?"

Na lūlū lo'u ulu e leai. "Ua lua vaai i lo'u aiga," na ou faamalamalama atu ai.

O au o se tagata e 16 tausaga le matua i Pasila, lea sa ou nofo ai i lou olaga atoa. Sa aoaoina au e faifeautalai mo ni nai vaiaso, ae e leai se isi na fia faalogo o lou aiga. I lena taimi, sa masani ona vaai faifeautalai i lou aiga o misa ma finau. E leai se mea na tutusa ai lo'u aiga ma le aiga o loo fe'atai i le ata.

Fai mai se tasi o alii faifeautalai, "Masalo e le o faapena lou aiga o i ai nei. Ae e mafai ona e fausia lou aiga i le lumanai ia ese lava."

Ina ua uma le matou asiasiga, sa la toe fai mai ia te au e tatalo e uiga i mea sa matou suesueina. E pei ona masani ai, ou te lei folafola sa'o atu e faia. Sa ou fiafia i ou lagona pe a asiasi mai

faifeautalai, ma na foliga sa'o le talalelei ia te au. Ae sa ou fefe i le tali ou te ono mauaina. Afai e moni le talalelei, e tatau ona ou faia ni suiga se tele.

O Se Filifiliga Fou

Ina ua malaga ese atu faifeautalai, sa le mafai ona taofi lou mafaufau e uiga i aiga fiafia. Sa le latalata i ai lo matou aiga. E lei i ai lou tama i lou olaga. Sa le manaia le ma mafutaga ma lou tina. O Tinamatua le tagata lea na tausia i matou, ae e leai se tasi o i matou na amio e pei o se aiga i le auala na aoao mai e faifeautalai. E leai ma se tasi o i matou na

faaalia le alofa o le tasi i le isi pe na faaaluina le tele o taimi e faatasai ai.

O lou olaga atoa na ou folafola ia te au lava o le a avea au ma se tama lelei i se aso. O le a avea au ma se matua ou te lei mauaina lava. Ae peitai ina ua aoaoina au e faifeautalai, sa amata ona ou iloaina sa ou faia mea lava ia e tasi na faia e ou matua i lou matua lea. Sa ou tafao i le tuneva o le po, faia soo se mea sa ou manao ai, ma ola ai e pei o se fouvaled. E aunoa ma se manatu i ai, sa ou toe faia foi e pei o ou matua.

Ua oo i le taimi e fesili atu ai i le Atua.

Ina ua iu lava ina ou tatalo, sa ou maua le tali sa ou faamoemoeina i le taimi atoa





Ua faaali mai e le talalelei ia i tatou le auala e faaleleia ai o tatou aiga, e tusa lava pe faapei foliga o le tulaga o lo tatou aiga.

lava. E moni le Eklesia! Ua oo nei i le taimi e fai ai se filifiliga.

O Se A'u Fou

Sa tatau ona tuuina mai se faatagaga a lou tinamatua ae ou te lei papatiso. Sa teteet i ai o ia, ae sa ou finau pea.

"Tinamatua, o le fea le Leonardo e te manao ai?" Sa ou fesili ai. "O le tagata e tafao ma inu ma ulaula ma tuai mai i le fale? Pe e te manao i le mea ua ou i ai nei? O nei suiga ua faia ona o le talalelei."

Sa iu ina ioe mai tinamatua, ma sa papatisoina ma faamauina au. Mai lena taimi, sa amata ona tupu se mea manaia i lou aiga—o se mea ou te lei iloaina atoa sia oo i ni nai tausaga mulimuli ane.

O Se Aiga Fou

Ae ou te lei alu i lau misiona i Pasila i saute, sa ma auai faatasi atu ma tinamatua i se konafesi faalesiteki. Ina ua maea, sa matou faia se sauniga molimau laitiiti ma aiga ma uo. Sa ou tei, na manao tinamatua e fai sana tala.

"Talu mai le taimi na auai ai Leonardo i la outou Eklesia, sa amata ona avea lo matou aiga ma se aiga *moni*," sa ia fai mai ai. Ona ia lisiiina lea o ni auala na faasolo ina vavalalata ai lo matou aiga atoa: ua matou faauoga moni na atiina ae ia i matou uma. Sa tele a matou meaai ma sa faamanuiaina i le anoanoai o isi mea.

Sa ou matauina foi nei suiga, ae ou te lei iloaina e mafai ona fesootai le taimi i tua i le taimi na ou papatiso ai.

"Atonu e le o au o se tagata o la outou Eklesia," sa ia fai mai ai, "ae o au o se uo a la outou Eklesia. Ma ou te iloa ua faamanuiaina lo matou aiga ona o le filifiliga a Leonardo."

O Se Malamalamaaga Fou

Sa faigata ona ou talitonu i ai! Ae peitai, a o talanoa tinamatua i le felata'i atili o lo matou aiga, sa faafuasei lava ona ou

manatuaina le ata sa faaali mai e faifeautaia ia te au i tausaga ua mavae. I lena taimi, sa ou manatu na pau la'u auala e maua ai se aiga fiafia o lou aiga lea i le lumanai.

Ae sa ou sese. Sa fiafia lou aiga o i ai nei! Sa faateleina lo matou alofa o le tasi i le isi.

Atonu e leai se tasi o tagata o lou aiga o le a auai i le Eklesia i lenei olaga atoa. Ae e tusa lava pe latou te le faia, ou te iloa ua uma ona faamanuiaina i matou e le Atua i le tele o auala. Ua faaali mai e le talalelei a lesu Keriso ia i tatou le auala e faaleleia ai o tatou aiga, e tusa lava pe faapei foliga o le tulaga o lo tatou aiga. ■

O loo alaala nei le tusitala i luta, ISA.

Filifilia o le Ala

Sao ma le Vaapiapi

Nai lo le Ala Lautele



*E lua auala sa i ou luma, ma na ou iloa e na o le tasi
lava le auala e iloa ai po o le fea e ui ai.*



Saunia e
Elder Takashi Wada


O Le Fitugafulu

Sa ou ola ae i Nagano, Iapani, ma ou matua. O le talito-nuga faalelotu o se vaega o mea uma sa faia e lou aiga. Sa tootuli lou tama i luma o le fatafataulaga o Puta i taeao ma po uma. Ou te lei manatu o le Puta o se tapuaiga—sa o se ituaiga olaga sa matou ola ai. Semanu e faigofie ia te au ona tumau i le lotu Puta mo aso uma o totoe o lou ola, ae ua faamaonia mai e le Atua ia te au i le tele o taimi o le auala faigofie pe lauiloa e le o le ala sili lea i taimi uma.

Tusi Aoga po o le Tusi Paia?

I le avea ai ma se tamaitiiti talavou, sa ou tauivi soo ma lou faasinomaga. Sa ou mafaufau pe aisea ua ou i ai i lenei lalolagi ma le tagata sa tatau ona avea ai au. Ina ua tusa ma le 13 ou tausaga, sa tuuina mai e le puleaoga o lau aoga i tamaiti aoga uma se kopi o le Feagaiga Fou e vaavaalu le Igilisi ma le faalapani. "E le mo faamoemoega faalelotu," o lana tala lea. "O se faaliliuga lelei tele, ia faaaoga e duesue ai le Igilisi." Ina ua ou tatalaina, sa tuuina mai ai ni mau faasino mo taimi e te lagona ai le tuuatoatas, manaomia tali i au fesili, po o e tauivi. E mafai ona ou fesootai i na tulaga uma!

Sa ou faitau e uiga ia lesu Keriso. "la outou o mai ia te au, o outou uma o e tigaina ma mafatia i avega, o a'u foi e malolo ai outou" (Mataio 11:28). "Ave [iou] satauro, ma mulimuli mai ia te au" (Mataio 16:24). Sa musuia au e na upu e ui lava sa ou le malamalamo atoatoa i ai. Sa ou mafaufau po o ai lesu Keriso ma le uiga o le avea o ia ma se Faaola. Sa ou mafaufau pe na o au lava o lagonaina se sootaga i le mea sa tatau ona avea ma se tusi aoga.




Sola ese pe Nofo ma Faalogo?

I ni nai tausaga mulimuli ane sa ou feiloai ai i ni faifeautalai mo le taimi muamua lava. Sa lapataia au e ou matua e uiga i le au Kerisiano talavou o e sa feoai ma talai atu. A o ou savali atu i le fale, sa taofia au e se faifeautalai umi mai Amerika ma se ataata agalelei. Sa ou le iloa po o le a le mea a fai Sa ou fefe nei talanoa mai e uiga i lana lotu. Ana faapea na te faia, semanu ou te tamoe i le isi auala! Pau lava le mea na ia fesili mai ai o le auala e maua ai le falemeli. Sa ou tau atu ia te ia ona ou savali lea i le fale.

A o ou savali ese, sa ou lagonaina se mea. *A ou toe vaai i faifeautalai, sa ou mafaufau ai, o le a ou talanoa atu ia i lau.*

E lei leva lava, ae ou fetau ma se isi vaega o faifeautalai. Sa ou tei i le faafogaga mai o le Atua ma tali mai i tatalo a se tamaitiiti e pei o au, seia oo ina ou faitau e uiga ia Iosefa Samita. Sa ou faitau i le Feagaiga Fou ina ia tatalo e le aunoa, ae o le faaali atu o le Atua i se tagata? Sa ou lagonaina le taua ma le sa'o. Nai lo le sola ese, sa ou faatulagaina se taimi la te aoao ai au.





Fai ni Alofaga pe Iloa le Mea Moni?

O se masina o feiloai ai ma faifeautalai, sa la valaaulia ai au ina ia papatiso. Ou te lei manao e talitualima i laua, ae sa ou musu ou te tuua le aga masani a ou matua ma tagata uma o sio-mia au. E lua auala na i ou luma atu, ma na ou iloa e na o le tasi lava le auala e iloa ai po o le fea e ui ai—e tatau ona ou tatalo e pei o losefa Samita. Sa ou ole atu i le Tama Faalelagi, i le suafa o lesu Keriso, pe moni mea na aoao mai e faifeautalai ia te au.

O le mea lena na ou sui ai. Mai lena taimi, na ou iloaina ai mo au lava e moni le talalelei toefuataiina. E leai se tasi e mafai ona aveesea lena malamalamama mai ia te au. Na ou iloa le ala e mulimuli ai, ma e leai se mea e mafai ona sua lena mea.


Sa tele ni au fesili a o ou laitiiti. Sa ou aoaoina o au o se atalii o le Atua, e alofa o la ia te au, o loo i ai Sana fuafuaga mo au, ma e finagalo o la e tali mai i au tatalo. O lenei malamalamama na suaia ai lau vaiga atoa i le olaga. Sa ou aoaoina o le tagata o loo ou i ai ma le mea ou te faia e taua.

Faatutusa ma Isi po o le Tulaga Ese?

Ae ou te lei iloaina o au o se atalii o le Atua, sa ou manao e ogatasi ma tagata uma. Sa ou fefe e tulaga ese. Ae ina ua uma ona ou iloa o au o se atalii o le Atua, sa ou iloaina e mafai ona ou tulaga ese; e mafai ona ou ese mai isi.

O le tatalo ma le iloaina o au o se atalii o le Atua na tuuina mai ia te au le lototele e faamatala atu ai ou lagona i ou matua, ae la te lei malamalamama lelei. Sa la manatu ua ou fouvale ma ua laitiiti tele e fai se faaiuga e papatiso. Sa la matamumuli o le a mulimuli atu lo la atalii i

lenei lotu uiga ese nai lo a latou tu masani. Sa ou iloa le tagata sa ou i ai ma le mea sa ou manao i ai, ae sa ou manao foi e ava i ou matua ma faamoemoe o le a la faamamaluina lau tapuaiga.



Ava i Ou Matua po o le Lē Amanaia o o La Popolega?

Sa ou faamalamalama atu lou tulaga i faifeautalai tamaitai. Sa i ai so la manatu—e mafai ona la o mai e talanoa i ou matua ina ia lelei la laua faalogona e uiga i lenei tapuaiga. Sa ou fai i ai ou te fefe nei le fia talanoa atu ou matua ia i laua. Ona fautua mai lea o se tasi o tamaitai matou te anapopogi faatasi.



Ina ua ou le ai i le taeao, sa popole lou tina. "Aisea ua e le 'ai ai?" na ia fesili ai. Sa ou faamatala atu sa ou anapogi, ma na atili ai ona popole o ia.

"Muamua lava ua e alu i lena lotu e leiloa e se tasi, ae o lenei ua e le 'ai. Ua ou popole. Ua ou le fiafia! O le a ou valaau atu i na faifeautalai."

Sa ia valaau atu i faifeautalai tamaitai, ma i se mafuaaga e le mailoa, na faapea ona valaaulia i laua i lo matou fale mo le taumafataga i le afiafi!

Sa maua e tagata uma se taimi matagofie. Sa aoao atu e faifeautalai i ou matua le viiga "O le Atua Lou Tama" (*viiga*, nu. 184), ma sa matou usuina faatasi. Sa matuai fiafia i ai lo'u tama. Ina ua uma le taumafataga o le afiafi ma faifeautalai, e lei toe popole ou matua ia te au i le alu i le lotu. Ma sa ou lagona na mafai ona ou ava ia i laua e ala i le ola ai i le talalelei aua na aofia moni ai mea uma sa la aaooina mai ia te au. Sa ou mafaufau afai ou te alofa tele ia i laua ma lava le agalelei ia i laua, o le a iu lava ina la malamalama. Na alu ai le 35 tausaga talu ona ou papatiso, ae na papatiso lou tina ma na faatoa ulu i le malumalu i ni nai tausaga ua mavae!

O le iloaina o au o se atalii o le Atua ua aafia ai le tele o faaiuga o lou olaga. Ua ou iloa foi a tatou mulimuli i le Agaga ma fai le mea e poloai mai ai le Tama Faalelagi ia i tatou, e tusa lava pe foliga mai e faigata, o le a la faamanuiaina i tatou. O le filifiliga sili lava lena. ■



O LE FAAAOGAINA LELEI O LOU TAIMI

*A e faamuamua le Alii,
e i ai le avanoa mo isi mea uma.*

Saunia e Natasha Andersen

Mekasini a le Ekalesia

MEA E FAAAOGA

- O se fagu tioata
- Oneone, ilili, araisa, po o maamaa
- O maa e tetelē atu (e pei o le lapopoa o polo tapolo, po o le 5 sm le faalava)

SAUNIUNIGA: la fuaina muamua au mea e ala i le tuu muamua o maa tetelē i totonu o le fagu. Faaopoopo na o ni oneone (po o ilili, araisa, po o maamaa) e faatumu ai le fagu i le pito i luga. Atonu e te manao e lulu le fagu a o e faaopooina le oneone ina ia faatumuina ai isi avanoa. Ia sa'ati laia maa ma le oneone i ni fagu eseese ae e te lei aoao atua lenei lesona.

Efia ni gaoioiga eseese e tausinō mo lou gauai atu i ai i easo uma? E tofu uma i tatou ma tai 24 itula e faaalu, ae o le auala tatou te filifili e faaaoga ai lena taimi e faia ai se eseesega tele!

Na aoao mai Peresitene Dallin H. Oaks, le Fesoasoani Muamua i le Au Peresitene Sili: "O le aofaiga o mea lelei e


mafai ona tatou faia, e sili mamao atu i lo le taimi e maua e faataunu ai." O nisi mea e sili atu i le na o le lelei, ma o mea nei e tatau ona ave i ai le faamuamua i o tatou olaga. . . . E ao ona tatou tuuese nisi o mea lelei ina ia filifili ai isi mea e lelei atu pe silisili ona lelei."¹

I lenei gaoioiga, o le a e faaalia ai le mea e tupu pe a tatou faia le galuega a le Alii ma mea tatou te faamuamuaina.

1. FAATUMUGA O LE TAIMI

E tele gaoioiga lelei e mafai ona faaaoga ai o tatou taimi e tulitulimatagauina. Fai atu i lou aiga e faasoa mai nisi o mea latou te faaalu ai o latou taimi i aso taitasi e fai.

Faamalamalama atu e faapea, o le fagu e suitulaga i le taimi. O maa ma oneone ua faatusa i mea eseese e mafai ona tatou faia i lo tatou taimi: o maa tetelē e mo mea ua fetalai mai le Alii tatou te faamuamua, e pei o le suesueina o tusitusiga paia, auaunaga, galuega o le malumalu



ma talafaasolopito o aiga, ma le auai i le lotu, ae faatusa le oneone i isi gaoioiga lelei, e pei o le faia o meaaoga ma le faaaluina o le taimi ma uo.

2. SESE MEA E FAAMUAMUA

Sasaa uma muamua oneone i totolu o le fagu, ona faaopoopo lea o maa tetelē i luga. Pe a e tuuina muamua le oneone i totolu, e le lava se avanoa mo maa uma e tetele atu—e pei lava o le auala e faatulaga ai isi a tatou gaoioiga nai lo mea ua poloaiina i tatou e le Tama Faalelagi e fai, atonu o le a lē lava lo tatou taimi mo mea e sili ona taua.

3. FETAUI TONU LE TULAGA

Na poloai mai lesu Keriso, "Aua le saili i mea o lenei lalolagi a ia outou muai saili e fausia le malo o le Atua, ma faatuina lana amiontonu" (Faaliliuga a losefa Samita, Mataio 6:38 [i le Mataio 6:33, vaefaaamatulaga a]). Ia talanoaina pe mafai faapefea ona e faamuamua lou taimi e ala i le sailia *muamuao* le malo o le Atua.

Sasaa lau fagu ma toe amata i aitema lava ia e tasi. Atonu e mananao ni nai ou tei laiti e fesoasoani atu. Tuu atu ia i

latou e tuu muamua ia maa tetelē i totolu o le fagu. A o e faaopoopoina le oneone mulimuli ane, matamata i le ala e faatumulua ai isi avanoa faataamilo i maa tetelē sia oo ina ofi uma i totolu le oneone.

Fesili i lou aiga po o le a so latou manatu i le uiga o lenei folafolaga mai ia Peresitene Russell M. Nelson: "A o e foai atu e le aunoa i le Alii se vaega limafoai o lou taimi, o le a la faateleina le vaega o totoe."²

FAAMUAMUA LE ALII

A tatou saili e fai *muamua*, le finagalo o le Atua, e fesoasoani o la ina ia lava le taimi mo isi mea e manaomia ma faagaeetia. Afai la o loo e tauivi ia lava le taimi e faauma ai se meaaoga, atiina ae au taleni, po o le moe pe a e manaomia, fesili i le Alii po o le a se mea e mafai ona e faia e faamuamua ai lou taimi e tusa ai ma Lana fuafuaga. Ia faatutu faatasi sini o se aiga e tuu le galuega a le Alii—ma la outou sootaga ma la—e faamuamua i aso taitasi. ■



FAAMATALAGA

1. Dallin H. Oaks, "Lelei, Lelei Tele, Lelei Silisili," *Liahona*, Nov. 2007, 104, 107.
2. Russell M. Nelson, "Tutu Atu o ni Tagata Moni o le Meleniuma," *Liahona*, Oke. 2016, 51.



O SE UUNAIGA FAATAUANAU

I SE TASI aso a o faia le galuega faafaifeatalai i magaala perfu o Kenya, sa ma talanoa atu ma lau soa i se tamaitai. Sa ia talaina le tamaitusi sa ma tuuina atu ia te ia ae sa fai mai e aua le toe foi mai.

I ni nai aso mulimuli ane sa ma oo atu ai i lena lava auala e tasi, ma sa ma maua se uunaiga e tulitatao atu ia te ia. Sa ou fesili ifo ia te au lava, "Aisea o le a ma toe foi ai i tua ae ua ia fai mai e aua nei toe foi mai?" Ae sa ma usiusitai i le uunaiga.

Sa te'i o ia ina ua ma taunu iina ae sa fai mai sa fiafia o ia ua vaai mai ia i maua. Sa amata ona ma aoao atu se lesona, ae e lei umi ae liua i se finauga. Sa ma tapunia ma lau soa le lesona i se tatalo ma o ese atu, ma vave lava ona ioeina e le toe foi mai. Ae o le aso lava na sosoo ai, na ma toe maua ai se uunaiga malosi e toe foi atu. Ou te lei toe fia foi, ae na fai mai lau soa e tatau ona ma

faalogo i le Agaga. O lea na ou puleaina ai lo'u faamaualuga, ma ma toe foi atu. Ina ua ma tau-nuu iina, sa faateia a'u. Na foliga mai le tamaitai o se tagata ese. Na suia ona foliga, ma sa naunau o ia e faalogo i mea sa ma fai atu ai. I le taimi o le isi a ma asiasiga, sa ia fesili mai po o afea e mafai ai ona papatiso o ia.

O le fa vajaso mulimuli ane, na papatiso ai o ia o se tagata O Le Eklesia a Iesu Keriso o le Au Paia o Aso e Gata Ai. Ina ua maea lona faamauga, sa ia opoina i maua ma fai mai sa matua faafetai lava o ia ona na ma toe foi mai. Ua ou aoaoina e tatau ona tatou faalogo atu e le aunoa ma faatino i luga o uunaiga. E saunaia e le Tama Faalelagi Ana fanau e talia le talalelei, ma Na te faaaogaina uma i tatou ina ia maua i latou e ala i le Agaga Paia. ■

Leaha M., KwaZulu-Natal, Aferika i Sautē

E MAFAI FAAPEFEA ONA OU MULIMULI LELEI I UUNAIGA FAALEAGAGA?

1. Tatalo mo le taitaiga.

O le a taitaina oe e le Alii e ala i le Agaga Paia (tagai Alema 37:37).

2. Ia lotomaulalo.

O le agamalu e valaulia ai le Agaga (tagai Moronae 8:26).

3. Aua nei faatuai.

O le tagata o le natura na te faaososoina oe e tuuese pe aua le amanaiaina musumusuga (tagai Mosaea 3:19). Aua le masalosalo pe a oo mai se mafaufuga lelei!

4. Fai loa lava.

Tautino atu e tali vave i uunaiga mai le Agaga (Tagai Thomas S. Monson, "O le Agaga e Tuuina Atu le Ola," *Liahona*, Me 1985, 68–70).

O LE MAFUAAGA MO TULAFONO

SA OU FIAFIA lava ou te alu i le konafesi a le autalavou, ae sa ou iloaina sa tele ni tulafono—mo se faataitaiga, leai ni telefoni feaveai ma e leai se alu toatas i fofo. Sa foliga mai sa vaavaaia pea i taimi uma i matou e tagata matutua. Ae sa ou maua se taimi sili, tele ni uo na maua, galue i se galuega auauna atu, ma aoao e uiga i le talalelei.

I le taimi o se sauniga molimau i le aso mulimuli o le konafesi a le autalavou, sa talanoa ai se tasi o taitai e uiga i le tele o lona alofa ia i matou, le autalavou i le siteki.

Afai tou te alolofa ia i matou, aisea ua tele naunau ai nei papupuni iiinei?
Sa ou mafaufau ai. I lena lava taimi, e pei sa mafai ona ia faitauina lou mafaufau, sa ia taliina lau fesili.

Sa faatulaga e taitai ia tulafono, sa ia fai mai ai, e le ina ia faaita ai i matou ae mo lo matou saogalemu. O le taimi na ia fai mai ai lena mea, sa ootia au i le Agaga. Sa ou malamalama e tuuina mai e le Tama Faalelagi ia i tatou polo-aiga mo le mafuaaga lava e tasi. E le ina ia faaita i tatou; e tatau ona latou fesoasoani ia i tatou e toe foi atu ma le saogalemu ia te la (tagai i le Mataupu Faavae ma Feagaiga 82:2–9).

Sa pai mai le Agaga Paia ia te au ma fesoasoani mai ia te au ia ou iloa e moni lenei mea. ■

Serge P., île-de-France, Farani



O AFEA E MAFAI AI ONA OU AUAI I LE EKALESIA?

INA UA TUSA ma le lima tausaga o lou matua, sa leai se faatuatua o lo'u tama ma filifili ai e tuua le Ekalesia. Sa matuai faigata lava, ae maise lava ina ua atoa lou valu tausaga. Sa ou matuai fiafia lava e papatiso, ae na fai mai lou tama leai. Sa manao o ia ou te faatali seja ou matua ina ia ou iloa lelei lava sa ou manao e tuuto atu. Ma o lea sa ou matamata ai a o papatiso au uo.

Ou te manatua lo'u le mautonu—afai e moni le Ekalesia, aisea ua taofia ai au mai le papatisoina? I le avea ai o se tagata talavou, sa ese le faigata o le vaavia o le autalavou ua o atu uma i le malumalu ona sa ou matuai fia alu lava. Sa faigata ona le mafai ona auai, ae sa ou iloa lava o le a maua sou avanoa!

Ia Me 2019, na iu lava ina ou papatiso i le 16 o ou tausaga. Sa ou manatuaina le mau aafiaga e tele sa ou lagonaina ai le olioli mamā o le talalelei ma le mauaina o se molimau. O se aafiaga faapitoa lava, ma e ala i faafitauli uma sa ou maua seja oo atu i lena aso, sa ou iloa ai ma lou loto atoa e moni le talalelei ma o loo moni peia i taimi uma. ■

Trinity C., Colorado, ISA



Molimau ma le Liuaina

Saunia e Elder David A. Bednar

O Le Korama a Apostolo e Toasefululua

O se lesona taua e uiga i le sootaga i le va o le molimau ma le liuaina, ua vaaia i le galu-ega faafaifeatalai a atalii o Mosaea.

"E pei o le toatele o e na aumai i le malamalama o le upumoni, e ala i le talaiga a Amona ma ona uso, e tusa ma le agaga o faaliga ma valoaga, ma le faia e le mana o le Atua o wavega e ala atu ia te i latou—ioe . . . e pei ona soifua le Alii, o le toatele o sa Lamana o e na talitonu i la latou talaiga, ma faaliliuina i le Alii, sa lei pauu ese lava.

"Ona sa avea i latou ma tagata amiontonu; sa latou tuu i lalo auupega o lo latou fouveale, sa latou le toe tau faasaga i le Atua.

"O lenei, o i latou nei o e na faaliliuina i le Alii" (Alema 23:6–8).

O elemene taua e lua o loo faamatalaina i nei fuaiupu: (1) o *le malamalama o le upumoni*, lea e mafai ona faamatalaina o se molimau, ma le (2) *faaliliuina i le Alii*, lea ua ou malamalama i ai o le liua lea i le Faaola ma Lana talalelei. O lea, o le tuufaatasiga mamana o le molimau ma le liuaina i le Alii e fua mai ai le tumau ma le mausali ma maua mai ai le puipuiga faaleagaga.

O le molimau o se malamalama faaleagaga o le upumoni e maua mai le mana o le Agaga Paia. O le liua faifai pea o se tuuto lea e le aunoa i le upumoni faaalia tatou te mauaina—ma se loto e naunau ma mo mafuaaga amiontonu. O le iloina e moni le talalelei, o le fatu lea o se molimau. O le faamaoni e le aunoa i le talalelei o le fatu lea o le liuaina. E tatau ona tatou iloa e moni le talalelei ma ia faamaoni foi i le talalelei.

O le faataatia ese o "auupega o le fouveale" e pei o le manatu faapito, faamaualuga, ma le le usiusitai e tele atu mea e manaomia ai nai lo le na o le talitonu ma le iloa. O le talitonuga maumaututu, lotomaualalo, salamo, ma le usiusitai e ta'imua i le lafoaiina o a tatou auupega o le fouveale. Pe o e ma ou umiaina pea ni auupega o le fouveale lea e taofia ai i tatou mai le liua i le Alii? Afai o lea, ua tatau nei loa ona tatou salamo.

Ou te folafola atu a tatou malamalama i le upumoni, ma ua faaliliuina i le Alii, o le a mautu lo tatou tutumau ma le mausali ma o le a le pauu ese lava. ■

Mai se lauga o le konafesi aoao o Oketopa 2012.


Amoleka ma Alema



O i laua o se soa
faifeautalai
malolosi
o e sa aoaoina le
talalelei i ni tagata
se toatele.



Na tuuina atu e
le Atua ia i laua
le mana ina ia
le mafai ai
ona fasiotia
pe taofia i le
falepuipui.



Sa liua Amoleka
ina ua tau atu e se
agelu ia te ia e
talia se
perofeta
(Alema) i totonu
o lona fale.



Sa faatusatasa e Alema
le faatuatua i le
afioga a le Atua
i le totoina o se fatu
lea o le a ola a o
tatou tausia.




Sa liua Alema ina ua tau
atu e se agelu ia te ia e
taofi le
faatamaiaaina
o le Ekalesia a le Atua.

POPOLE I LE LUMANAI?

*I le feagai ai ma le lē mautonu,
ua faasoa mai e le autalavou
matutua mea na latou faia e
faalagolago ai i le Atua ma
saunia ai mo le lumanaia.*

44



AUTALAVOU

**SA LE O SE AIGA
FIAFIA LO'U AIGA—
SEIA OO INA OU
AUAI I LE EKALESIA**

54

LESONA FAATINO

**O MA'A MA MEA
E FAAMUAMUA**

60


MATUA

**FESOASOANI
I TAMAITI IA
MALAMALAMA
O O TATOU TINO
O MALUMALU**

U4



Uo



Na avea
ALEMA
ma se faifeautalai
maoae!
Itulau U20-U23



Saunia e Peresitene
Dallin H. Oaks

Fesoasoani Muamua i
le Au Peresitene Sili

Mulimuli i Paionia



Ise tasi taimi sa ou savali
Iai i nisi o alasopo ia sa
savavali ai paonia anamua

a le Ekalesia, e agai atu i le

Vanu o Sate Leki. Sa ou lagona le
lotomaualalo e savali i le mea sa savavali ai le au
paonia. Ae e le taua tele le savali i mea na latou
savavali ai e pei o le ola e pei ona sa latou ola ai.

Sa agai atu i luma le au paonia ma le faatuatua
i se lotu fou, se laueelele fou, ma se auala fou e
faia ai mea. Sa latou faalagolago i le Atua. Tatou te
manaomia foi le **faatuatua**.

Sa latou mulimuli i mea na fai atu o latou
taitai ia i latou e fai. E manaomia foi ona
tatou **usiusitai**.

Sa latou faaaogaina a latou taleni ma galulue
faatasi e fausia Siona. E manaomia foi ona
tatou **lotogatasi**.

Latou te le'i tuulafoaina se isi. Sa latou faa-
mautinoaina e faaaofia i latou o i ai faafitauli i le
alasopo. E manaomia foi ona tatou **faaaofia isi**.

E mafai ona tatou faamamaluina paonia e ala
i le mulimuli i a latou faataitaiga. ●

Sii mai le "Mulimuli i Paonia," Liahona, Ian. 1998, 72–74.

E Mafai Ona Avea A'u o se Paionia

Soo se tasi e taitaia le ala e fesoasoani ai e faaleleia le olaga mo lo latou aiga o se paionia. Saili ia maua lou ala i le auala lavelave. O le ui atu i nei auala, e mafai ai ona avea oe o se paionia pe a ...

Amata

Pe a ou
fesoasoani e
amata se tu
masani lelei.

Pe a ou
aoaoina se
mea fou.

Pe a ou aoao
atu lo'u aiga
e uiga i le
talalelei.

Pe a ou faia
ni mea e atinae
ai lo'u aiga e
faavavaau.

Mae'a

O Le Filifiliga a Lila

Sa manao Lila e filifili le mea sa'ō



Saunia e Carolina Marín

(E faavae i se tala moni)

"Ia tuu mai e le Alii se malumalu"

(Tusipese a Tamaiti, 73).

Ole taimi o tusitusiga paia!" Na fai mai ai Lila.

Sa fiafia Lila e faitau i lona uso laitiiti o Ánika, ma lona tuagane pepe, o Svetan. E le o toe mamao ae papatiso Lila! Ina ia saunia, sa manao o ia e faiatiusigia paia i aso uma.

Na tatala e Lila le tusitala o tusitusiga paia i le itulau muamua. Sa faapupuu faatasi Ánika ma Svetan ina ia mafai ona la vaai i ata.

"Faalogo lelei aua o le a ou fesili atu ia te oulua ni fesili pea uma," o le tala lea a Lila. Ona amata lea ona ia faiatina le mataupu muamua.

"Ae tatou te lei fananau mai, sa tatou nonofo i le lagi," sa faiatou ai Lila. "Sa leai ni o tatou tino i lena taimi. Sa na o ni agaga i tatou."

Sa tilotilo atu Lila, Ánika, ma Svetan i ata o tagata o loo laei papae.

"Ua saunia mo la oulua fesili muamua?" Na liliu atu Lila i a Ánika. "O fea na e sau ai ae e te lei fanau mai?"

Sa pati e Ánika ona lima. "Lagi!"

"E sao lena," na fai atu ai Lila. "Ao fea sa sau mai ai Svetan?"

"Na sau foi o ia mai le lagi," o le tala lea a Ánika. Sa ataata Svetan ma tuu lana moto i lona gutu. Na taliē Lila ma Ánika. O Svetan o le [tamaitiiti] tasi le tausaga le matua e aupito sili ona aulelei i Atenitina!

"O le tatou aiga atoa na o mai le lagi," o le tala lea a Lila. "Faapena foi Iesu. Na afio mai o Ia e fesoasoani ia i tatou ina ia mafai ona tatou toe nonofo faatasi ma Tama Faalelagi." Na tusi atu Lila i le ata o Iesu i luga o le itulau.

Ina ua uma ona ia faiatou, sa mafaufau pea Lila pe mata sa faapeī le nonofo faatasi ai ma Iesu i le lagi. Sa ia manao e avea e pei o Ia. Sa ia manao e filifili i taimi uma le mea tonu!

O le aso na sosoo ai i le aoga, sa gogolo mai le manava o Lila ao faatalitali o ia i le laina mo le meaai o le taeao. Na toetoe lava a ia tofo i le empanadas [pai aano manufasi] a o tuu mai e Señora Ruiz i luga o lana ipu. E ese le manogi manaia!



Ona ligi mai lea e Señora Ruiz mo Lila se ipu susu. *Oiaue*, o le manatu lea a Lila. Sa foliga paauli mai le susu nai lo le mea masani. O nisi taimi e faaopoopo ai e lana aoga le kofe po o le lauti i meainu.

“O i ai ea se kofe po o se lauti i le susu o le aso?” Sa fesili atu ai Lila.

Sa talotalo atu le lima o Señora Ruiz. “O sina kofe laitiiti,” o lana tala lea. “O le a e le tofo lava i ai.”

Sa mafaufau Lila mo sina taimi. Sa ia manatua lona manao ia faapei o Iesu ma filifili le mea tonu. Sa ia iloaina o le inu kofe o se mea na saunoa mai perofeta e aua le faia.

“Leai, faafetai. O le a leai sa’u susu nei,” o le tala lea a Lila. Sa ia ataata atu ia Señora Ruiz. Ona ia saofai lea i lalo e ai.

O lena po, sa fesoasoani ai Lila ia Papa e fufulu ipu i le umukuka. Sa mafaufau lava o ia e uiga i le tala faatusi paia. Sa mafaufau foi o ia i le susu.

“Papa?”

“Ia?” Na fai mai ai Papa.

“Aisea na finagalo ai le Tama Faalelagi tatou te maua ni tino?”

Sa mafaufau Papa a o ia vaimamaina se isi ipu. “Ia, ua ituuina mai ia i tatou ni tino ina ia mafai ai ona avea i tatou e faapei o Ia,” o lana tala lea. “O lou tino o le fale mo lou agaga. O le uiga lena pe a tatou faapea atu o o tatou tino o malumalu.”

Sa luelue le ulu o Lila. Sa ia usuina se pese e uiga i lena mea i le Peraimeri i nisi o taimi! “O le mea la lena e finagalo ai le Tama Faalelagi ia tatou tausia lelei o tatou tino?”

“Na tonu lava!” na fai atu ai Papa.


“O ananei i le aoga, sa latou tuu ai se kofe i le susu,” o le tala lea a Lila. “E ui lava i lea, ou te lei inua. O lea ou te taumafai e tausia lo’u malumalu.”

“Ua ou mitamita lava ia oe,” na fai atu ai Papa. Sa ia soloina ona lima i se solo ma opo mai Lila.

Sa fusi mau e Lila ia Papa. Sa fiafia o ia e tausia le tino na ituuina mai e le Tama Faalelagi ia te ia. ●

E alala le tusitala i Corrientes, Atenitina.

O le aiga i lenei tala e nonofo i Atenitina. Faitau le tusiga o sosoo ai e a’oa’o ai e uiga i lo latou atunuu.



**Talofa! o
ma'ua o Margo
ma Paolo.**

Talofa mai Atenitina!



**Faatasi mai
ma i ma'ua a
o ma asiisi i
Atenitina!**




O **Empanadas** o se meaai lauiloa i Atenitina. O se paluga falaoamata e tao ua faatumu i fasipovi, sana, po o fualau aina. Mmm!

O **Atenitina** o se atunuu i Amerika i Saute. E silia ma le 2,000 maila (3,219 km) le umī. I le itu i matu, e vevela tele i taimi o le taumafanafana. I Saute, e i ai poloka aisa i le tausaga atoa!

E tele meaola mananaia e ola i Atenitina—taika, manulele lapopoa, ma penukainu!



O kaupoe e ta'u o *gauchos* i Atenitina. Latou te tausia povi ma solofanua.



E toatele tagata e faatau meaai i maketi i fafo. O lenei tamaitiiti o loo fesoasoani i lona tamā e tauave se sandía po o se meleni.



O Ushuaia o se tasi o aai aupito lata ane i le Pole i Sautē o le lalolagi! E tolu uarota o loo i ai i lena aai.



Sa asiasi atu lenei teineitiiti i le Malumalu o Cordoba Atenitina i le aso na faapaaina ai. E le o toe mamao ona i ai lea o ni malumalu se tolu i Atenitina!



Feiloai i nisi o a tatou uo mai Atenitina!



Ina ua tuuina mai e Peresitene Russell M. Nelson le poloka-lama fou o sini mo tamaiti ma le autalavou, sa ou faatuina ni sini e tamoe, avea ma se uo lelei, ma ia lelei atu le faiga o o'u tatalo. Sa ou tuuina atu la'u molimau i le sauniga faamanatuga e faapea, ou te iloa afai ou te faiā lenei polokalama, o le a fesoasoani mai le Tama Faalelagi ia te au.

**Gonzola L., 7 tausaga,
Buenos Aires, Atenitina**



Pe a tatou faitau i tusitusiga paia, ua tatou ooao e uiga ia Iesu Keriso ma Lona alofa ia i tatou. E fesoasoani lena mea ou te maua ai le fiafia. Ou te iloa e alofa o ia ia te d'u.

**Emma L., 5 tausaga,
Buenos Aires, Atenitina**

**E te sau mai Atenitina?
Tusi mai ia i ma'ua! Ma te fiafia lava
e faalogo atu ia te outou.**

**Faafetai mo
le asiasi o Atenitina
ma i ma'ua. Feiloai
i se isi taimi!**





O Le Tamai
Taavaletoso
Falaoa

Saunia e Gayle Kinney-Cornelius

(E faavae i se tala moni)

“Pe a outou auauna atu i o outou uso a tagata ua nao lo outou auauna atu lava lea i lo outou Atua” (Mosaea 2:17).

Sa pupula mata o Semi ma māvava. Na mafai ona ia sosogia se manogi manaia.

Mmmm, o loo fai e Papa ni falaoa! Na mafaufau ai Semi.

E tao e Papa ni falaoa mo le aiga i Aso Toonai uma lava. Sa fiafia Sammy e matamata ia te ia o aveese pāpā falaoa manututu eena i fafo o le ogau mu. E masani lava ona tuuina atu e Papa ia Semi le tipiga falaoa muamua.

Ae e le o se Aso Toonai lenei, na mafaufau ai Semi. Aisea ua tao falaoa ai Papa?

Sa aluese Semi mai le moega ma alu atu i le umukuka. Sa ia fesili ia Papa po o le a le mea o tupu.

“E te manatua le mea na fai mai lo tatou epikopo tatou te faia?” Sa fesili atu ai Papa.

Sa lue atu le ulu o Semi. “Sa ia fai mai ia i tatou e fesoasoani atu i tagata. Ma sa ou fesoasoani ia Tuafafine Matini e ave lana ato i le fogafale i luga, manatua?”

“Sa e faia se galuega lelei,” o le tala lea a Papa. “Sa ou

tatalo i se auala e mafai ona ou fesoasoani ai. Sa ou maua le manatu e tao ni falaoa e faasoa atu.”

Sa tilotilo atu Semi i le faamalama o le ogau mu. Sa ia faitauina ia pāpā falaoa.

“Tasi . . . Lua . . . Tolu . . . fa. O ai o le a e aveina i ai falaoa?”

“O le mea lena ou te manaomia ai lau fesoasoani,” o le tala lea a Papa. “E tasi le pāpā mo Tuafafine Matini. Ma ni pāpā se lua mo le aiga o Mila. O ai e tatau ona tatou tuuina atu i ai le falaoa lona fa?”

Sa mafaufau i ai Semi.

“Ae a le Susuga a Lee?” Na fesili ai Sammy. Sa nofo le Susuga a Lee i le latou fale mautotogi. E le alu soo o ia i fafo. E tele lava ina ia vaavaai atu i tagata mai lona faamalama.

“O se manatu manaia tele lena!” na fai atu ai Papa.

Ina ua vela falaoa, sa fesoasoani Semi ia Papa e afifi falaoa. Ona ia aumai lea o lana taavaletoso. Sa la tuu pāpā falaoa i totonu.

“Ua sauni le taavaletoso falaoa e taavale atu!” Na fai mai ai Semi.

Sa fesoasoani Papa ia Semi e toso le taavale. Sa lagona e le loto o Semi le manaia ma le mafanafana, na pei lava o falaoa sa la saunia e faasoa atu! ●

E alala le tusitala i Vermont, ISA.



Eseese ae Faatasia

Saunia e Bethany Bartholomew
(E faavae i se tala moni)



"Faitalia i latou pe faapefeca, po o fea, po o le a foi le mea latou te tapuai atu i ai" (Mataupu Faavae o le Faatuatua 1:11).

Sa asiasi atu Ellie ma lona aiga i o latou tausoga o e na nonofo mamao ese. Sa matuai fafia lava Ellie! Na te lei vaai i ona tausoga i se taimi umi.

A o lei malaga, sa fai atu matua o Ellie e i ai se mea la te fia talanoa mai ai.

“Pe a tatou faatasitasi ma aiga tatou te faia e le aunoa se tatalo i taim o taumafataga. Ma o nisi taimi tatou te talanoa ai e uiga i le lotu, a ea?” O le fesili lea a Tama.

“E sa’o!” Na fai mai ai Ellie.

“Ia, o le a fai si ese teisi atu i lenei malaga,” o le tala

lea a Tina. “O le uso o lou tina ma lona toalua e le o toe o i le lotu. Ma la te le fafia pe a talanoa atu tagata ia i latou e uiga i ai.”

Sa faanonou mata o Ellie. “Aisea?”

“Tatou te le iloa mafuaaga uma,” o le tala lea a Tama. “Ae e alolofa tele i latou ia i tatou! Ou te manatu latou te le mananao e finau ma i tatou pe faatiga foi i o tatou lagona. O lea ua la fai mai ai e aua tatou te talanoa atu e uiga i mea o le lotu ia i latou.”

Sa lue atu le ulu o Ellie.

“E mafai lava ona tatou faitauina a tatou tusitusiga paia ma tatalo a o tatou i ai iina. Ae o le a tatou faia na o i tatou lava,” o le tala lea a Tina.



"Ae faapefea pe a tatou aai?" Sa fesili atu ai le uso o Ellie.

"Tatou faatali ma vaai," o le tala lea a Tina. "Afai latou te le tatalo ae tatou te lei aai, e mafai ona tatou faia le tatalo i o tatou loto."

"Lelei la," na fai atu ai Ellie. "E mafai ona ou faia lena mea!"

O le aso na sosoo ai, na faaoiofi ai le aiga o Ellie i totolu o le taavale. Sa latou tietie atu seja oo i le leva o le po. Ina ua iu ina latou taunu atu i le fale o o latou tausoga, sa fesoasoani le uso o le tina o Ellie ma lona toalua e aumai a latou ato mai le taavale. Ona o loa lea o tagata uma e momoe.

O le taeao na sosoo ai, na fai ai se tatalo a Ellie a o lei alu i le umukuka mo le meaai o le taeao. Sa ia lagonaina si popole laitiiti e uiga i le vaai atu i lona aiga. Ae na nofo ifo i lalo le uso o lona tina i ona autafa ma se ataata mafanafana i ona foliga.

"O nisi o i tatou e o i le fale otulu o lou tausoga i se taimi mulimuli ane. Te fia sau? "sa ia fesili ai ia Ellie.

"O se fale otulu?" Na fesili ai Ellie.
"Ioe! E mafai ona fai lua ulu ma lou uso pe a oulua mananao ai."

Sa ataata Ellie ma lue lona ulu. Pei e manaia lena mea!

Ina ua maea le meaai i le taeao, sa latou o atu i se pasi i le fale otulu. Sa fiafia Ellie e matamata i le galue a lona tausoga. Sa felelei solo i tua ma luma ona tamatamailima a o ia selua ma fili lauulu. Ina ua uma ona fai lauulu o tagata uma, sa latou faia se faaaliga sitaili faafoliga i luma o le faaata o le fale otulu ma toē i o latou foliga fou.

O le aso na sosoo ai, sa mamafa ai timuga. O lea na filifili ai tagata uma e nonofo i totolu ma taaalo i taaloga laupapa. Sa au Ellie ma se tasi o ona tausoga e tauva ma ni tama matutua atu e toalua. Sa ula le tasi i le isi a o latou faataututuu solo a latou fasi laau i le laupapa.

"Ua ma malo!" O le ee lea a Ellie a o faamei atu lana fasi laau i le faaiuga o le laupapa. Na taufai fepō atu o la lima—e oo lava i tausoga matutua atu, o e na faafoliga ua le fiafia i le le malo.

I le mavae ai o ni nai aso, na oo i le taimi e o ai i le fale. A o oso atu Ellie i tua o le taavale a lona aiga, sa ia faalogoina le faatofa mai o lona aiga.

"O le a matou misia outou!"

"Ia toe o mai vave!"

"Matou te alolofa tele ia te outou!"

Sa ataata atu Ellie ma talotalo atu ao aluese mai le latou taavale. Sa ia maua le tele o mea malie. E tusa lava pe latou te talitonu i mea eseese, e mafai lava ona avea i latou o se aiga fiafia. ●

E alala le tusitala i Georgia, ISA.

Oti ese ma kelu, faapipii, pe nonoa faatasi nei itulau e fai ai se tusi!



Ou te fesoasoani i lo'u faatuatua
ia Iesu ia faatupulaia e ala i le
tatalo ma le agalelei i isi.

4



1

I le Tusi a Mamona, o loo faapea mai ai
Alema o le faatuatua e pei o se fatu.

4




5

A o ola se laau, e mafai ona tatou
maua ai ni fua suamalie.



2

E mafai ona ou totoina la'u lava fatu o le faatuatua e ala i le faalogologo atu i mea o aoao mai e perofeta ma tusitusiga paia.



3

E manaomia e se fatu le vai ma le susulu o le la e fesoasoani ai ia ola.



A o faatupulaia lo'u faatuatua, o le a aumaia ai faamanuiaga suamalie i lo'u olaga.



6

O le a ou fesoasoani e faatupuina pea le malosi o lo'u faatuatua. E alolofa le Tama Faalelagi ma Iesu Keriso ia te au!



**Saunia e Sister
Cristina B. Franco**
Fesoasoani Lua i le
Au Peresitene Aoao o
le Peraimeri

O Le Fua Faalilolilo



Efinagalo le Tama Faalelagi ina ia tatou auauna atu i nisi. O lo'u faiaoga Peraimeri sa avea o se faataitaiga maoae o le auauna atu. A matou o mai i le Peraimeri, o taimi uma lava sa aumai ai e Sister Antonietti se keke sukalati. Sa ou lē fiafia i keke sukalati! Sa fiafia uma i ai isi tamaiti. Ae ou te lei aia lava.

I se tasi aso sa ia fesili mai ia te a'u, "Aisea e te lē taumafai ai e tofo sina fasi keke? O lenei keke ua faia i se fua faapitoa."

Na ou ioe e taumafai. Ae tou te iloa? Na ou fiafia i ai!

I le tele o tausaga mulimuli ane sa ta'u mai ai e lo'u tina ia te au le fua faalilolilo a Sister Antonietti. "E lei tele ni tupe na i ai a Sister Antonietti," o le tala lea a lo'u tina.

"O vaiaso taitasi e tatau ona ia filifili ai i le va o le totogina o le tietie i le pasi e alu i le Peraimeri pe faatau mea e manaomia e fai ai le keke sukalati mo lau vasega. Sa ia filifilia lava e le aunoa le keke sukalati. Nai lo le tietie i le pasi, sa ia savali i le silia ma le lua maila [3 km], i aso taitasi, e tusa lava pe o le a le tau."

O le fua faalilolilo a Sister Antonietti o lona alofa lea sa i ai mo isi! ●

Sii mai le "O le Olioli i le Auauna Atu ma le Lē Manatu Faapito," Liahona, Nov. 2018, 55–57.





E mafai ona ou mulimuli ia Iesu
Keriso i ni auala laiti ma le faatauvaa.

(Tagai Alema 37:6.)

Iulai 2020 U15

O Le Valaauga Faateia o le Misiona



Saunia e Lucy Stevenson

Mekasini a le Ekalesia
(E faavae i se tala moni)

Sa ataata Edwin Dharmaraju a o savali mai i fafo o le malae vaalele ma agai atu i le la susulu. Sa mafai ona ia vaai atu i niu o laina i le alatele ma le manogi o faamanogi meaai mai se maketi lata ane. Na toe foi atu i laua ma lona faletua o Elsie, i Initia! Sa latou nonofo i Samoa, ae o lenei ua toe foi mai i le aiga.

Ae ui i lea, o Edwin ma Elsie e le o iinei mo na o se asiasiga. Ua valaauna i laua e auauna atu o ni faifeautalai mo Le Ekalesia a Iesu Keriso o le Au Paia o Aso e Gata Ai. Sa lagona se popole laitiiti o Edwin. Ae sa ia iloa o le a fesoasoani le Tama Faalelagi ia i laua. Ua anoanoai ni mea na fesoasoani ai le Tama Faalelagi ia i laua.

Na fananau Edwin ma Elsie i Initia. Ae sa faalogo muamua Edwin e uiga i le Ekalesia a o aoga i le Iunaite Setete. E tasi le taimi na alu ai o ia i le lotu iina. Sa ia faitauina foi le Tusi a Mamona. Ae ina ua toe foi atu o ia i Initia, na galo ia te ia le Ekalesia.

I ni nai tausaga mulimuli ane, na lagona e Edwin ma Elsie e pei ua tatau ona la siitia atu i Samoa. O Edwin o se saienitisi o siama, ma sa ia maua se galuega i le motu e fai ai ana suesuega. O iina na feiloai ai Edwin ma Elsie i faifeautalai. Ina ua toe faitau e Edwin le Tusi a Mamona, sa ia lagonaina se mea faapitoa. Na faitau foi e Elsie le Tusi a Mamona. Sa la filifili e papatiso,

faatasi ma o la atalii ma afafine.

Ina ua auai i le Ekalesia, o le mea sa sili ona manao ai Edwin, o lona aiga i Initia aoao e uiga i le talalelei. O le faafitalui o le leai o ni faifeautalai i Initia e aoaoina i latou! Sa tusi e Edwin ma Elsie se tusi i le laumua o le Ekalesia ma talosagaina i latou e auina atu ni faifeautalai i Initia.

O le mea na sosoo ai sa o se mea na tetei tele ai. Na valaauna *i laua* e Peresitene Spencer W. Kimball e auauna atu o ni faifeautalai i Initia!

Ma o lenei, ua iinei i laua.

O le la malologa muamua i Initia o le fale o le uso o Edwin. Na i ai foi iina matua o Edwin ma nai ou tei. I le taimi lava lena, sa amata ai ona aoaoina i latou e Edwin ma Elsie. Sa fiafia lo latou aiga e aoao e uiga i le talalelei.

I ni nai vaiaso mulimuli ane, sa faapotopoto faataamilo ai Edwin ma lona aiga i le vaitaele i le fanua o lona uso. Sa faamamaina, vali, ma faatumu le vaitaele i le vai fou. Sa ofu papae tagata uma. Sa laeiina e tamaitai ni sari totoso sa tautau mai i o latou tauau. Sa laeiina e alii ni peleue ma ni ofuvae ‘o’ō faaInitia.

Sa tutū Edwin i le vaitaele ma lona tamā. “Samuelu Tavita,” na fai atu ai Edwin, “Ona ua tofia a’u e Iesu Keriso, ou te papatiso ia te oe i le suafa o le Tamā, ma le Alo, ma le Agaga Paia.”

Sa lagona e Edwin le fiafia a o ia papatisoina lona tamā. Sa ia lagonaina le fiafia sili atu ina ua sosoo ai ma lona papatisoina o lona tina. E oo ane i le faaiuga o le aso, ua 18 tagata na papatisoina e Edwin!

O le aso na sosoo ai, sa tietie atu ai Edwin ma Elsie i se nofoaafi mo le ono itula. Sa la asiisi atili atu i isi tagata o le aiga ma aoao i latou e uiga i le talalelei. Sa papatisoina e Edwin le isi toafa o tagata o lona aiga i se vaitafe lata ane.

Mulimuli lava, na tietie atu ai Edwin ma Elsie i le nofoaafi mo le 16-itula e asiisi i matua o Elsie. O le

tamā o Elsie sa o se taitai i se isi ekalesia. E lei papatisoina o ia, ae sa ia manatu o le Tusi a Mamona o se tusi lelei. Sa ia fesoasoani e faaliliu le Tusi a Mamona i le gagana Telugu, o se tasi o gagana o loo tautatala ai tagata i Initia.

Ina ua maea le misiona a Edwin ma Elsie, sa lava tagata fou o le au paia e amata ai se tasi o uluai paranesi o le Ekalesia i Initia! Sa fiafia Edwin ma Elsie ina ua la toe foi i Samoa. Sa la faafetai na auina atu i laua e le Tama Faalelagi i se misiona! ●



Sa auauna atu Edwin ma Elsie Dharmaraju i la laua misiona i Initia i le 1978. Ua i ai nei se malumalu matagofie ua fausia iina!

*Ou te lei faia lava se mea e matua
leaga lava. Pe ou te manaomia
pea ona salamo?
—Lemautonu mai Udine*



Peleina Lemautonu,

E tatau ona salamo tagata uma, aua e leai se tasi e atoatoa! O le salamo e mafai ona faigofie e pei o le tatalo atu i le Tama Faalelagi e uiga i le aluga o lou aso ma tau atu ia te Ia lou manao ia lelei atu au mea e fai taeao. Tatou te ole atu ia te Ia mo le faamagaloga pe a tatou faia se mea sese, ma Na te faamagaloina i tatou. O nisi tagata e manatu o le salamo o se mea taufaafefe. Ae o se mea fiafia! O le salamo o se meaalofa na tuuina mai e Iesu Keriso ia i tatou ina ia mafai ona tatou aoao, tuputupu ae, suia, ma avea atili e faapei o Ia. Na faapea mai Peresitene Nelson, e tatau ona tatou salamo i aso uma. A o e faia, o le a e lagona le faateleina o le filemu ma le mana i lou olaga.

Alofaaga,
O Le Uo

Fataitai le mea lenei!

E pei ona aveese e le sipuni le pepa i lenei gaoioiga, o le salamo e mafai ai ona faamamāina i tatou mai filifiliga sese tatou te faia i aso uma—telē pe laitiiti. Ona o Iesu Keriso ma Lana Togiola, ua tatou maua uma ai le avanoa e salamo ai.

O le a e manaomia:

masima
pepa uliuli faamanogi meaai
sipuni palasitika
solo lima



1. Sasaa se masima i luga o se ipu mafolafola. O lenei mea ua faatusa i lo tatou te le ponā ma mamā ae tatou te lei agasala.



2. Lulū se pepa laitiiti i luga o le masima. Ua faatusa lenei mea i filifiliga sese tatou te faia.

3. Ave nei loa le sipuni palasitika ma ōloōlo i luga o se solo lima.



4. Faaminoi lemu le sipuni i luga ae o le masima ma le pepa. O le a pipii le pepa i le sipuni! E pei o le faamagaloina pe a tatou salamo.



Paso Laitiiti ma Faatauvaa

E pei o le Liahona lea na taialaina le aiga o Liae, o mea faatauvaa e mafai ona fesoasoani ia i tatou e foia ai faafitauli tetele (tagai i le Alema 37:6, 38–44).

E mafai ona e mauaina vaega taitasi nei i le paso?



O a ni auala laiti ma faigofie e mafai ona e mulimuli ai ia Iesu?

Ua Salamo Alema le Itiiti

Saunia e Haley Yancey

Mekasini a le Eklesia



O Alema o le atalii o le perofeta. Na faaigoa o ia i lona tamā, ae sa lei talitonu i mea na aoao atu e lona tamā. Sa ia tau atu i tagata e le moni le Eklesia.




I se tasi aso, na faaali atu ai se agelu ia Alema.
Na tau atu e le agelu ia Alema ina ia salamo.



Mo aso e tolu, sa pei
sa moe Alema. Sa
mafaufau o ia i ana
filifiliga leaga.



Ona tatalo lea o Alema ia faamagaloina [o ia]. Ma
na faamagaloina o ia! Sa ia lagonaina le alofa o Iesu
Keriso. Sa ala i luga Alema ma aoao atu i isi e uiga i
le auala na laveai ai o ia e Iesu.



E mafai ona ou salamo pe a ou faia se mea sese.

O le a i ai pea Iesu iina mo au. ●

E mafai ona e faitau e uiga i lenei tala i le Mosaea 27.

Ua Salamo Alema ma Mulimuli ia Iesu



A e faia se filifiliga sese, o le a se
mea e tatau ona e faia?



Matua Pele e,

O nisi taimi tatou te le malilie faatasi ai ma isi tagata. Ae e mafai lava ona tatou alolofa ia i latou. E mafai foi ona tatou taofimau i mea ua tatou iloa e moni. Faitau le tala o i le itulau U10 faatasi ma lau fanau ma talanoa e uiga i fesili nei:

Na faapefea ona faaali atu e le aiga o Ellie le alofa?

Na faapefea ona faatumauina e le aiga o Ellie le malosi o lo latou faatuatua?

E mafai faapefea ona faaali atu e lo tatou aiga le alofa i isi tagata, e tusa lava pe tatou te le malilie faatasi?

E eseese uma i tatou, ae o tagata uma o se atalii/afafine o le Atua!

Faasoa atu le alofa,

O Le Uo

O LE AUALA E AUINA ATU AI ATATUSI PO O SE AAIFIAGA A LOU ALO I LE LIAHONA

Alu i le liahona.ChurchofJesusChrist.org ma kiliki le "Submit an Article po o Feedback." Pe imeli mai foi ia i matou i le liahona@ChurchofJesusChrist.org faatasi ai ma le igoa o lau tama, tausaga, le aai e nofo ai, ma lenei faamatalaga faataga: "O d'u, [tuu i ai lou igoa], ua tuu atu le faatagaga i le Ekalesia a Iesu Keriso o le Au Paia o Aso e Gata Ai e faaaoga le tusiga a la'u tama i mekasini, a le Ekalesia i luga o upega tafailagi a le Ekalesia ma faasalalauga faaagafesoo-tai, ma atonu i lipoti a le Ekalesia ma isi anomea a le Ekalesia." Matou te fia faalogo atu ia te oe!

ANOTUSI

- U2** Mai le Au Peresitene Sili: Mulimuli i Paionia
- U4** O Le Filifiliga a Lila
- U6** Talofa mai Atenitina!
- U8** O Le Tamai Taavaletoso Falaoa
- U10** Eseese ae Faatasia
- U12** O Lo'u Faatuatua Faatupulaia
- U14** Uo i le Uo: O Le Fua Faalilolilo
- U15** Manatu Lelei
- U16** O Faataitaiga Lototele: O Le Valaauga Faateia o le Misiona
- U18** O Le A Se Mea o i Lou Mafaufau?
- U19** Meamalie: O Le Paso Laitiiti ma Faatauvaa
- U20** Tala Faatusipaia: Ua Salamo Alema le Itiiti
- U23** Itulau e Valivali: Ua Salamo Alema ma Mulimuli ia Iesu



**Saili le Liahona o
loo nana i totonu!**

I LE FAAVAA O LE UO
Ata na tusia e Rebecca Sorge Jensen